

ኮኦኪንሢ ማጻፈፍ ዓይጾ ካር

ኮኦኪንሢ ማጻፈፍ፡- ቶሴና ኮኦኪንሢ ሃይሴና ጌሰቶ ጎይሢና ጊኢጊንቴያ፡ ዓሲ ናንጊ ጎይሢንታ ካኦሺ ባኦዚ ዛላንታ ዔርዛያኬ። ባሸና ኬኤዛሢ፡- ዓሲ ናንጋ ናንጎይዳ ኬላ ኬላ ማዓ ባኦዚ ዛላኬ፤ «ዔራቶኮ ቤርቲ ናንጊና ናንጋ ጎዳ ዒጊጨሢኬ» ጋዓ ዳምቦ ዔራንዳጉዲ ኬኤዚሢና ዓርቃ። ማጻፈፍ ዔርዛሢ፡- ካኦሺ ማዶ ባኦዚ ሌሊቱዋንቴ ዓሲ ናንጋ ናንጎይዳ ኬላ ኬላ ማዶ ኩንሢ ኮይሳ ኮሺ ማላሢንታ ኮሺ ማዶዋ ቃሲ ዔርዛ። ሃኖ ማጻፈፍ ሌላውዋ ዛላንታ ጊቢ ዳንዳዒሢ ዛላንታ ዓሲኮ ሚጨንቲሢ ዛላና ፑሙርቁንቲሢ ዛላንታ ሚርጌ ባኦዚ ኮኦኪንሢ ኬኤዚንቴ።

ማጻፈፍ ዲ ማ ዲ ማ ዓርቁ ባኮ

ኮኦኪንሢ ሃይጎ ጎይሢና ማዶይዳ ፔኤሾንዶቴያ (1:1-6)

ዔራቶ ኮሢሢ ዛላኮ ዘርና ዘር (1:7—7:27)

ዔራቶ ሄርሺሢና ኬኤዚንቴ ዓይኦዎ (8:1—9:18)

ሴሎዎኔ ኮኦኪንሢ (10:1—29:27)

ዓጉሬ ጌሰቴ ጌኤዘ (30:1-33)

ካኦቲ ሊሙዔኤሌም ዒንዳ ኬኤዚ ዔርዜ ባኮ (31:1-31)

ኮኦኪንሢኮ ማኦዶ

1 ሃይ ኮኦኪንሢ ዳውቴ ናኦዚ፡ ዒሰራዔኤሌ ካኦቲ ሴሎዎኔ ኬኤዜያኬ።

2 ኮኦኪንሢ፡- ዔራቶና ኮሺ ዘርና ዔራጌ፡ ኮሺ ዴኤሢ ማላሢ ዓኦ ዔራቶ ጌኤሲ ዔራጌያ ማኦዳያኬ።

3 ዬያታ፡- ጎኩዋንታ ፒዜ ዋጌንታ ፒዙዋዋ ማዲሺሢና ዳምቤና ዔራቶና ሚርጌ ዓኦ ናንጊ ባንሢ ዔኪ ዓኦዳ።

4 ኮሺ ዔኤቢ ዔሪባኦሢም ጨንጨዎ ዔራቶ፤ ዴጌዘንሢማኦ ዔራቶና ማሊ ጳቂሥሢና ዴንቁሳ።

5 ሃይ ኮኦኪንሢ፡- ዔር ዓሳ ዔራቶ ፔኤሲ ቃሳንዳጉዲ፡ ማሊ ጳቂሣዘንሢ ቃሲ ዔያቶም ዳምቤ ማዓ ዘር ዴንቃንዳጉዲ ማሃ።

6 ዔርቲባኦያ ማዔ ኮኦኪንሢኮ ዓኦሺንቴ ባኮ ዔር ዓሳ ሺኦሻ ዓኦቶጾ ባኮ ዬያና ዔራንዳጉዲ ዳንዳዒሳያኬ።

1:1 1ካኦቶ. ማ 4:32።

ዴጌ ዓሶ ዘሮና ዘሮ

7 ዔራቶኮ ቤርቲ ናንጊና ናንጋ ጎዳ ዒጊጨሢህኔ፤ ዔኤዮ ዓሳ ጋዓንቴ ዔራቶና ዳምቤና ቦቦሃኔ።

8 ታ ናዓሢዮ! ኔ ዓዶ ዘሮ ዋይዜ፤ ኔ ዒንዳ ኔና ዔርዛ ባኮ ቢያ ቦሂፖ።

9 ዩይ ዘራ፡- ኔና ቦንቲሳያ ቶኦካ ዓሳ ባኮጉዲ፤ ሃሃ ባቃኖዋ ሚዘጲሳያ ቁንቴ ኔኤም ማዓንዳኔ።

10 ታ ናዓሢዮ! ጎሞ ዓሳ ኔኤኒ ዔያቶና ዋላ ዓኣዳንዳጉዲ ኔና ጌሼቴ ዔያቶም ዔኤላ።

11 ጎዎንቴ ዔያታ ኔና፡- «ዳቢንቲባኣ ጌኤሺ ዓሲ ሳይፃ ካቲ ዳዒ ኑ ዋዳም፣ ኑኡና ዋላ ሃኒ ዩዔ።

12 ሃይቁ ዓሲ ዲኡፒ ዔኤላሢጉዲ ኑኡኒያ ዔያታ ኮሺ ሸምፔና ዓኣንቴ ዔኤላ። ዔቴይዳ ሎኦማ ዓሲጉዳያ ኑ ዔያቶ ማሆም!

13 ጴዳዎያ ማዔ ሚርጌ ዳማ ዳማ ኮሺ ባኣዚ ኑ ዔካንዳኔ፤ ቡሪ ኑ ዔካ ባኮና ኑኡኮ ማኣሮ ኑ ኩንሃንዳኔ፤

14 ሃኒ ዩዒ ኑኡና ዋላ ፔቴ ማዔ፤ ዉኡቁ፣ ሃሃ ቡሪ ኑ ዳንቃ ቆሎ ኑ ዋላ ዔካንዳኔ» ። ጋዓንዳያ ናንዳኔ።

15 ታ ናዓሢዮ! ዩያጉዳ ዓሶና ዋላ ዓኣዲ፣ ዩያቶይዳ፣ ሺኢኬ።

16 ዔያታ ፑርታ ባኣዚ ማዳኒ ጳሽካኔ፤ ሃሃ ዓሲ ዋዳኒያ ራኡራያኬ።

17 ፒሪ ኔ ዓይሃኒ ኮዓ ካፔላ ኔና ዛጋንቴ ኔ ፒሬ ፒራሢ ኔና ማኣዳያቱዋሴ።

18 ዩያ ማዳ ዓሳ ዔያታ ዓዲንቴ ሃይቃንዳ ፒራሢ ፔኤም ፒራኔ።

19 ዔርቲባኣ ጎይሢና ቆሎ ቡኩሳ ዓሶ ዩይ ዔያታ ቡኩሴ ቆላ ዔያቶኮ ሸምፓሢ ባይዛንዳኔ። ጎርቲኖና ያርጎጫ ዓሶኮ ጋፒንፃ ዩማዳኬ።

ዔራቶ ዔኤላ ዔኤላሢ

20 ዔራቶ ጎይሢዳ ዔቁ ዔኤላንታኔ፤ ዓሳ ቡካ ጳኦኮይዳኣ ዑኡዘ ፔኤሲ ዳጊዲ ዋይዚሳኔ።

21 ዓሲ ሚርጌ ዓኣ ጎይያይዳኣ ዒላታኔ፤ ካታሞ ጌሎ ካሮኮ ዳራ ቡካ ቤዘይዳ ጌኤዘ ፔኤሲ ጌሰታኔ፤ ሂዚያ ጋዓኔ፡-

22 «ዒንሢ ሃይ ዔራታ ፓጩ ዓሳ! ዓይዳ ሄላንዳኣና ዔኤያ ማዒ ዒንሢ ናንጋኒ ኮዓይ! ዒንሢ ቦሃዓሳ! ዋማ ሄላንዳኣና ዒንሢ ቦሂያና ዋዛዲ ዒንሢ ናንጋንዳይ! ዒንሢ ዔኤዮ ዓሳ! ዋማ ሄላንዳኣና ዔራቶ ዒንሢ ዒፃይ?

1:7 ዓ.ዮ. 28:28፤ ዓይኡ. 111:10፤ ኮእኪ. 9:10። 1:21 ኮእኪ. 8:1-3።

23 ታ ዘሮ ዒንሚ ዒካቶ ታ ማሊዖ ታ ዒንሚሞ ፔጋሴያ ናንዳንቴኬ፤ ታኣኮ ቃኣሎዎ ታ ዒንሚ ዔርዜያናንዳንቴኬ።

24 ታ ባንሚ ዒንሚ ሙካንዳጉዲ ታ ኩጮ ቤኤዚ ታ ዒንሚ ዔኤሌኔ፤ ዒንሚ ጋዓንቴ ታ ዔኤሊዖ ዋይዚባኣሴ።

25 ታ ዘሮ ዒንሚ ቶኦቹ፤ ታ ጎሮዋ ዒንሚ ዔከባኣሴ።

26 ዬያሮ ሜታ ዒንሚ ሄሌ ዋዶና ታ ሚኢጫንዳኔ፤ ባይሰንታ ዒንሚዳ ሄሌ ዋዶና ታኣኒ ቦሂ ዓዓማላንዳኔ።

27 ዲቃቲሂ ጉዶ ዠባሬጉዲ ዒንሚዳ ዠባርሻኣና፣ ሜታኣ ዓልጎ ዠባሬጉዲ ዒንሚ ገልፓኣና፣ ዋኣዪሂና ሜቶና ዒንሚ ሄላዛ ታ ዒንሚ ሚሚኢጫንዳኔ።

28 ዬሮ ዋዶና ዒንሚ ታና፣ ዔራቶ ጋዓዞ ዔኤላንዳኔ፤ ታ ጋዓንቴ ዒንሚሞ ዬሃዓኬ፤ ዲማ ዲማ ቤሰካ ዒንሚ ታና ኮዓንዳኔ፤ ጋዓንቴ ዒንሚ ታና ዴንቃዓኬ።

29 ዔራቶ ዒንሚ ዒፄኔ፤ ናንገና ናንጋ ጎዳ ዒጊጫኒያ ዒንሚ ናሽከባኣሴ።

30 ታ ዘሮ ዒንሚ ኮዒባኣሴ፤ ታ ጎሮዋ ዒንሚ ቦሄ።።

31 ዬያሮ ዒንሚሞ ኮይሳ ሜቶ ዒንሚ ዔካንዳኔ፤ ዒንሚኮ ጌሮ ማዶኮ ዓኣፖዎ ዒንሚ ዴንቃንዳኔ።

32 ዔራቶ ፓጩ ዓሳ ዔራቶሞ ዋይዞ ዒፄ ዋያ ኬኤሎ ዳኬሂሮ ዔያታ ሃይቃንዳኔ፤ ዔኤዮ ዓሳ ቄል ጌይዖፓ ዔቄያና ባይቃንዳኔ።

33 ታኣሞ ዋይዞሂ ጋዓንቴ ሂርጋ ባኣያ ናንጋንዳኔ፤ ዒጊቻ ባኣዚያ ባኣያ ሃውሻንዳኔ።»

2

ዔራቶፓ ጴዳ ዓንጅ

1 ታ ናዓሂዮ! ታ ኔና ዔርዛ ባኮ ዔኬ፤ ታ ዓይሂዖዎ ኔ ዒና ዓርቄ።።

2 ዔራቶ ኬኤዛ ሃይሴ ዒናፓ ዋይዜ፤ ዛጊ ማሊ ዔከ ጰቂሂ።።

3 ማሊ ጰቂሥሂ ዔኤሌ፤ ዔራቶሞ ሃሃ ዑኡዞ ኔኤኮ ዴጊዲ ዒላቲ።።

4 ቢራ፤ ሃሃ ገንሃ ዓኣቾና ሚኢሹ ዴንቃኒ ኔ ኮዓሂጉዲ ዔራቶ ዲዲ ኮዔ።።

5 ዬያ ቢያ ኔ ማዴቲ ናንገና ናንጋ ጎዳ ዒጊጫሂ ዓይጎታቲያ ኔ ዔራንዳኔ፤ ዖኦሲ ዔራቶዎ ኔ ዴንቃንዳኔ።።

6 ዔራቶ ዒንጋሂ ናንገና ናንጋ ጎዳኬ፤ ዔራቶንታ ማሊ ጰቂሥሂንታ ጴዳሂያ ዒዛይዳፓኬ።።

7 ዒዚ ፒዜ ዓሶሞ ኮሺ ዔራቶ ዒንጋኔ፤ ማዳ ማዶይዳ ቦሂሳ ባኣዚባኣ ዓሶሞ ዒ ጊቲማኬ።።

8 ዲዚ ፒዜ ዋጌ ዋጊነታ ጎይያ ዛጋይ፤ ዲዛም ጉሙርቁንቲ ማዳዘንሚ ዲ ካፓይ።

9 ታ ኔኤም ጋዓ ባኮ ቢያ ኔ ዋይዜቴ ያሉሞ፣ ፒዜ ዋጌ፣ ጎኔ ማዶዋ ኔ ዔራንዳይ፤ ኔ ማዳኒ ኮይሳ ባኮዋ ቢያ ኔ ዔራንዳይ።

10 ዔራ ዓሲ ኔ ማዓንዳይ፤ ዔራታ ኔኤም ዋዛ ዲንጋንዳይ።

11 ሃኪሲ ማሊሢ ኔና ካፓይ፤ ማሊ ዲና ዔኪሢያኦ ፑርታ ባኦዚፓ ኔና ዓይሳይ።

12 ዔራቶ ኔና ፑርቶ ዓሶ ጎይያና ዔያቶኮ ዋሶ ጌኤዘናፓ ዓውሳንዳይ።

13 ዬያጉዴ ዓሳ ጎሞ ዲሞይዳ ናንጋኒ ያሉሞ ጎይያ ሃሼዘንሚኬ።

14 ዬያ ዓሶ ዋዛሳ ባኦዚ፡- ፒዜ ባኮ ዋሲሲሢና ጌኔ ማዔ ፑርታ ማዳ ማዳሢኬ።

15 ዔያታ ጉሙርቁንቲዋያ ዋሶ ዓሲኬ።

16 ዓካሪ ታኦኒ ኔኤም ጋዓ ባኮ ኔ ዋይዜቴ ሸኢቲ ጌሰቲሢና ኔና ፒራ ዘኦዚ ኮኦማ ላኦፓ ቶላኒ ኔ ዳንዳዓይ።

17 ዬያጉዴ ላኦላ ዲዛ ዳጌ ዓኦ ለዔ ዓኒም ዓኦ ጉሙርቁንቲያ ፓጪሳያና ያኦሲ ቤርታ ዲዛ ጫኦቄ ጫኦቄዋ ዋላያኬ።

18 ዲዛ ማኦሪ ኔ ዓኦዳቴ ጎይያ ኔኤሲ ሃይቢ ባንሢ ዓኦዳሢ ማዓንዳይ፤ ዲዛ ባንሢ ዓኦዳግ፡- ሃይቄ ዓሶ ዓጮ ባንሢ ኬዲሢጉዲኬ።

19 ዲዛ ባንሢ ዓኦዳሢ ቢያ ማዑዋሴ፤ ናንጌ ጎይሢያ ዳንቃኒ ዳንዳዑዋሴ።

20 ዬያሮ ኮዦ ዓሳ ሃንቴ ጎይያ ሃንታኒና ዬይ ዓሳ ናንጌ ጎይያ ናንጋኒ ኔና ኮይሳይ።

21 ሃኖ ዓጩሎይዳ ናንጋኒ ኮይሳዘንሚ ዲኖ ፒዜዘንሢና ኮዦ ዓሶንሢናኬ።

22 ፑርቶ ዓሶ ጋዓንቴ ያኦሲ ሳዓፓ ሃይቢና ዓርቂ ዔካንዳይ፤ ዲዛም ጉሙርቁንቲዋ ዓሶ ሆኦሪጉዲ ዲ ቱጌ ባይዛንዳይ።

3

ዳጌ ዓሶ ዘሮና ዘሮ

1 ታ ናዓሢኖ! ታ ኔና ዔርዛ ባኮ ዋሊፓ፤ ታ ዓይሢ ዓይሢያዋ ኔ ዲና ዓርቄ።

2 ታ ዔርዚያ ኔኤም ሚርጌ ያዶሲ ለዔንታ ኮሹሞንታ ዋዛንታ ዲንጋንዳይ።

3 ጉሙርቁንቲሢና ጎኦሞና ሃሺፓ፤ ኔ ሆላ ማይንታ ቁንቴጉዲ ዛጌ ዓርቄ፤ ኔኤኮ ዲኖ ጋራ ያኦፔ።

4 ዩያ ኔ ማዳቴ ያኦሲና ዓሲና ቤርታ ናሽኪንቲሢና ኮሺ ሱንሢና ዴንቃንዳኔ።

5 ጉቤ ዒናፓ ናንጊና ናንጋ ጎዳ ጉሙርቄ፥ ኔ ዔራቶና ሄርሽንቲፖ።

6 ኔ ማዳ ባኮና ቢያ ናንጊና ናንጋ ጎዳ ኔኤኮ ቤርታሴ፤ ዒዚ ኔና ፒዜ ጎይሢ ዔኪ ዓኣዳንዳኔ።

7 «ታኣኒ ዔሮኬ» ጌይፖ። ዩያይዳፓ ናንጊና ናንጋ ጎዳ ዒጊጨፍ፤ ፑርታ ባኣዚዳፓ ሃኬ።

8 ዩያ ኔ ማዳቴ ዑፃ ኔኤኮ ማዓንዳኔ፤ ማጌፆማኣ ዶዱሞ ኔ ዴንቃንዳኔ።

9 ኔኤኮ ቆሎና ጎዳኣ ኔኤኮ ካዲሳ ባኮናፓ ቢያ ቤርቶ ናንጊና ናንጋ ጎዳሞ ዒንጊ ዒዛ ቦንቹ።

10 ኔ ዩያይዳቴ ኮና ኔኤኮ ሃኣኮና ኩማንዳኔ፤ ዎይኖ ጨኤጶ ቤዘይዳ ዓኪ ሃጊ ጨኤጶ ዎይኖ ዑዣ ኩሚ ላኣሊንታንዳኔ።

11 ታ ናዓሢኖ! ናንጊና ናንጋ ጎዳ ጎሪ ዘራ ዘሮ ቶኣቹፖ፤ ኔና ዒ ጎሪ ዘራ ዎዶና ዒናፓ ዳጋዲፖ።

12 ዓዴ ፔኤኮ ናሽካ ናፖ ጎሪ ዘራሢጉዲ ናንጊና ናንጋ ጎዳ ዒ ናሽካ ዓሶ ጎሪ ዘራኔ።

ዔራቶኮ ኮሺ ኮይሳያ ማዒፆ

13 ዔራቶ ዴንቃያና ማሊ ጳቂሥሢ ሚኢሺ ማሂ ዘጋ ዓሲ ዓንጂንቲያኬ።

14 ዩያሮ ዔራቶ ቢራ ዓንጊፓ ባሽ ባኣዚ ኔኤም ጳዲሳኔ፤ ሃሣ ዎርቄይዳፓኣ ዑሣ ዓኣዴ ባኣዚ ኔኤም ዴንቁሳንዳኔ።

15 ዔራቶ፡- ኮሺ ሚዛጳ ሹጫፓ ባሽ ቦንቹንታያኬ፤ ኔኤኒ ዴንቃኒ ኮዓ ባኮይዳፓ ቢያ ዒዘና ቤቃ ባኣዚ ፔቲታፖ ባኣሴ።

16 ዔራቶ ፔኤኮ ሚዛቆ ኩጫ ሚርጌ ለዔ፤ ሻውሎ ኩጫ ሃሣ ፆርጎቹሞንታ ቦንቹንታ ዓርቄኔ።

17 ጎይፆ ዒዘኮ ዎዛ ጎይሢኬ፤ ሃንቶ ጎይፆኣ ቢያ ኮሹሞ ኩሚያኬ።

18 ዔራቶ፡- ዒዛ ዘጊ ዓርቃ ዓሲሞ ናንጊ ዒንጋያኬ፤ ዒዛ ሚኢሺ ማሂ ዘጋ ዓሳ ዓንጂንቲያኬ።

19 ናንጊና ናንጋ ጎዳ ዔራቶና ሳፆ ማገፍኔ፤

ማሊ ጳቂሥሢና ጫሪንጮ ዶዲሺ ዔቁሴኔ።

20 ዒዛ ዔራቶና ዎሮ ዎኣፆ ዎታኔ፤

ሻኣራ ሳፆሞ ዒሮ ዎርቁሳኔ።

3:4 ሉቃ. 2:52። 3:7 ሮሜ 12:16። 3:11 ዒዲ. 5:17። 3:12 ዔ.ብ. 12:6፤ ዮሃ. ያፔጳ 3:19።

21 ታ ናሣሢ! ኮሺ ዔራቶና ሃኪሲ ማሊ ጳቂሥሢና ዶዲሺ ዓርቄ፤ ኔጊዳፓ ዔያቶ ሃኪሲ።

22 ዔያታ ኔኤም ያዶሲ ናንጊንታ ኮሺ ናንጊያ ዒንጋንዳ።

23 ኔኤኒ ዓኣዳ ጎይያ ዒጊቹሞ ባኣያ ጉሙርቂ ዓኣዳኒ ዳንዳዓ፤ ፔቲታያ ኔኤኒ ዲቂንታዓኬ።

24 ኔኤኒ ላሃ ዎዶና ዒጊጫዓኬ፤ ዋንቶ ጉቤ ኮሺ ጊንያ ኔ ጊንዓንዳ።

25 ፑርቶ ዓሶ ዑፃ ዔራዋንቲ ሄላ ሜታሢና ባይሲንቶና «ታና ሄላንዳ።» ጌይ ኔ ዒጊጫዓኬ።

26 ናንጊና ናንጋ ጎዳ ኔኤኮ ጉሙርቂንቶሢ ማዒ ፒርና ኔ ዓርቂንቲዋጉዲ ኔና ካፓንዳ።

ዓሲና ዎላ ኮሺ ናንጊሢ

27 ኔ ማኣዳኒ ኮይሳ ዓሲም ኔ ዳንዳዔሢጉዴያ ኮሺ ባኣዚ ማዲሢፓ ጊንሢም ጌይ።

28 ሜታዳ ኔ ዓሺናሢ ሃኖ ኔ ማኣዳኒ ዳንዳዓያታ? «ቃራኬ፣ ዚር» ጌይ ጌይ ሃንቲሲ ዒዛ ላቢሲ።

29 ኔና ጉሙርቂ ኔ ኮይላ ናንጋ ኔ ዓሺናሢዳ ጌና ፑርታ ባኣዚ ማዳኒ ማሊ።

30 ዓይጎዋ ፑርታ ማዲባኣ ዓሲ ዔኤቢ ማዲባኣንቲ ዎጌና ዓይሢሲ።

31 ጌኖ ማዳ ዓሶ ቂኢሪ፣ ሃሣ ዔያታ ማዳ ጌኖ ማዳ ጎይያ ማዲ።

32 ናንጊና ናንጋ ጎዳ ፑርቶ ማዳ ዓሶ ዒዒፃ፤ ዒኖ ፒዜዞንሢም ጋዓንቲ ፔኤኮ ዒና ዓኣ ባኮ ዒዚ ፔጋሲ ኬኤዛ።

33 ናንጊና ናንጋ ጎዳ ፑርቶ ማዳ ዓሶ ማኣሪ ጋዳማ ዳካ፤ ኮዦ ዓሶ ማኣሪ ጋዓንቲ ዓንጃ።

34 ናንጊና ናንጋ ጎዳ ቦሃ ዓማላ ዓሶ ቶኦቻ፤ ሸሌዔ ዓሶ ጋዓንቲ ቦንቹሳ።

35 ዔራ ማዔ ዓሳ ኮሺ ቦንቾ ዴንቃንዳ፤ ዔኤኖ ዓሳ ጋዓንቲ ዳውሲንታንዳ።

4

ዔራቶፓ ጳዳ ባኣዚ

3:34 ያይ. 4:6፤ 1ጴ. 5:5።

1 ታ ናይዮቴ! ቢንሢ ባደንሢኮ ዘሮ ዋይዘዋቴ፤ ኮሺ ቢናፓ ዋይዘዋቴ፤ ማሊ ጳቂሥሢያ ቢንሢ ዳንቃንዳኔ።

2 ታኣኒ ቢንሢ ዔርዛ ዔርዛፃ ኮሺ ማዔሢሮ ቁል ጌይፖቴ።

3 ታኣኒ ታ ባደና ዎላ ዳካ ናይ ባኣፃ ናንጌኔ፤ ታ ቢንደኮዎ ታ ፔቴኬ።

4 ቢማና ታ ባዳ ታና ሂዚ ጌይ ዔርዛኔ፡- «ታ ኬኤዛ ባኮ ጉቤ ኔ ቢና ባርቁ፤ ታኣኮ ባይሢያዎ ማዲ ኩንሢ፤ ሹምፔና ኔ ናንጋንዳኔ።

5 ዔራቶና ማሊ ጳቂሥሢያ ዳንቃኒ ዶዴ፤ ታ ኔና ጋባ ባኮ ዋሊፖ፤ ሃሃ ቁል ጌይፖ።

6 ዔራቶ ሃሺፖ፤ ቢዛ ኔና ካፓንዳኔ፤ ቢዛ ናሽኬ፤ ሜቶ ቢያይዳፓ ኔና ባይሳንዳኔ።

7 ዔራቶ ቢያይዳፓ ዑሣ ማዔሢሮ ቢዛ ሚኢሹ ማሂ ዛጌ፤ ኔኤኮ ባኣ ባኮ ቢያ ኔና ጨገሻያ ማዔቴያ ማሊ ጳቂሥሢያ ዳንቃኒ ዶዴ።

8 ዔራቶ ቦንቹ፤ ቢዛ ኔና ዴግ ዴገዳንዳኔ፤ ዶዲሺ ኔ ቢዛ ባርቁቴ ኔና ቦንቹሳንዳኔ።

9 ቦንቹሮ ቶኦካ ባጎ ባኮ ኔና ቢዛ ባገሲሳንዳኔ፤ ሃሃ ሚዛጲ ማዔ ካኣቶ ቶኦካ ባጎ ባኮዎ ኔኤም ቢንጋንዳኔ።»

10 ታ ናባሢዮ! ዋይዘ፤ ታ ኔኤም ኬኤዛ ባኮ ዋይዘ፤ ናንጎ ለዔ ኔኤኮ ያደቃንዳኔ።

11 ኔና ታኣኒ ዔራቶ ጎይሢ ዳዌኔ፤ ፒዜ ጎይሢ ታ ኔና ዔኪ ባኣዴኔ።

12 ዔራቶና ኔ ሃንቴቴ ታኣካ ኔኤኮ ቃዚንታባኬ፤ ኔ ጳሽኬቴያ ዲቁንታባኬ።

13 ኔ ዔሬ ዔራታ ሹምፔ ኔኤም ቢንጋሢሮ ዶዲሺ ባርቁ፤ ሃሺፖ፤ ኮሺ ዛገ ካፔ።

14 ፑርቶ ባሳ ባኣዳ ጎይፃና ባኣዲፖ፤ ዔያታ ማዳ ጎይፃዎ ማዲፖ።

15 ቢኢፓ ሺኢኬ፤ ቢኢና ሃንቲፖ፤ ዬያፓ ሃኪ ኔ ጎይሢና ባኣዴ።

16 ፑርታ ባኣዚ ማዲባኣንቴ ዔያቶኮ ሃውሾ ባኣሴ፤ ባሲዳ ሜቶ ዔያታ ሄሊሲባኣቴ ዋንቶ ጉቤ ገንባባኣያ ዔያታ ዋርቃኔ።

17 ዋይዚ ቢዳሢና ጌኔ ማዶና ዔያቶኮ ሙኡዚና ዑሺናጉዴያኬ።

18 ኮዦ ባሶኮ ጎይፃ፡- ካሪሢ ፖዔጉዲኬ፤ ሮኦሮ ፖባ ጉቤ ፖባንዳያ ሄላንዳኣና ዬይ ቃሲንቲ ቃሲንቲ ባኣዴኔ።

19 ፑርቶ ባሶ ጎይፃ ጋባንቴ ሻኔ ዲሚጉዲኬ፤ ዔያታ ሎኦማኔ፤ ዔያቶ ሎንሢ ባካ ባይጎታቴያ ዔያታ ዔሩዋሴ።

20 ታ ናባሢዮ! ታ ጋባሢ ቢና ዔኪ ዋይዘ፤ ታ ኬኤዛ ባኮዎ ዚቴ ጌይ ኮሺ ዋይዘ።

- 21 ኔኤኮ ዓኣፓፓ ዔያቶ ሺኢሺፖ፤ ኔ ዒና ዔያቶ ዓርቂ ካፔ።
- 22 ዬያታ ዔያቶ ማሊ ጳቂሣዞንሢሞ ናንጊ ዒንጋኔ፤ ዑያዎ ኔኤኮ ማሃንዳኔ።
- 23 ዒኔ ናንጊኮ ካራ ማዔሢሮ ዒኖ ኔኤኮ ቢያ ባኣዚዳፓ ባሽ ማሃ ዛጊ ካፔ።
- 24 ፑርታ ጌኤሲ ኔ ዳንጋፓ ኬሲፖ፤ ሉኡዙሞና ጌሺሢና ኔኤፓ ሃኪሴ።
- 25 ዓኣፓ ኔኤኮ ፒዜ ዛጎንጎ፤ ሻውላ ሚዛቃ ጎውዎ ሴካ ቤርቲም ዛጌ።
- 26 ቶካ ኔኤኮ ፒዜ ጎይሢ ሃንቶንጎ፤ ኔ ሃንታ ጎይፃ ቢያ ኔኤም ጊኢጋንዳኔ።
- 27 ኔ ዴንዳ ጎይፃ ሚዛቂ፣ ሻውላ ጌይሲፖ፤ ፑርታ ባኣዚ ባንሢ ዓኣዲሢፓ ቶኮ ኔኤኮ ማሄ።

5

ዘኣሰካ ኮእሚሢዳፓ ሃኪሢ ዛላ

- 1 ታ ናዓሢኖ! ታ ኔኤም ኬኤዛ ዔራቶና ማሊ ጳቂሢያና ኮሺ ዒናፓ ዋይዜ።
- 2 ዬያ ኔ ማዳቲ ጳቂሢ ዔራያ ኔ ማዓንዳኔ፤ ጌኤዛ ኔኤኮ ዔራቶ ዓኣያ ማዔሢ ፔጋሲ ዳዋንዳኔ።
- 3 ዘኣሰካ ኮእማ ላኣሊኮ ሙሱራ ያሎሊ ዔኤሲ ያዳያ ማላኔ፤ ጌኤዛ ዒዞኮ ዛይቶ ቲዣፓ ባሽ ሺኢታያኬ።
- 4 ጋፒንፃ ጋዓንቲ ዒዛ ዋላንጋጉዲ ጫንቃያና ላምፃ ዛላ ዓጩ ማዔ ጩንቻ ዓፓሮጉዲ ቲቃያኬ።
- 5 ጎይፃ ዒዞሲ ሃይቢ ባንሢ ዔኪ ሄሊሳያ፤ ዒዛ ሄርቃ ፔቴ ፔቴ ታኣካ ሃይቂ ዓሶ ዓጮ ባንሢ ዔኪ ዴንዳያኬ።
- 6 ናንጊ ባንሢ ዔኪ ዓኣዳ ጎይፃ ባንሢ ዴንዳዋሴ፤ ጉሪ ዒዛ ዣዣኣላኔ፤ ጋዓንቲ ዬያ ዣኣሊያ ዒዛ ዔሩዋሴ።
- 7 ታ ናዓሢኖ! ዋይዜ፤ ታ ኔኤም ኬኤዛ ባኮፓ ሃኪፖ።
- 8 ዬኖጉዴ ላኣሎፓ ሃኬ፤ ዒዞ ማኣሮ ካሮ ባንሢታፃ ዑኪፖ።
- 9 ኔ ያዲዲባኣቲ፡- ኔኤኮ ዓኣ ቦንቾ ሜሌ ዓሲ ዔካንዳኔ፤ ሃጊ ኔ ዴጌ ዓኣፃ ፑርታ ዓሲ ኮሸካ ሃይቃንዳኔ፤
- 10 ቆሎ ኔኤኮ ቢያ ፃንጎ ዓሲ ዔካንዳኔ፤ ኔ ላቤ ባካ ሜሌ ዓሲም ማዓንዳኔ።
- 11 ዑፃ ኔኤኮ ሙይንቲ ጋፓንዳሢሮ ሃይቃኒ ኔ ሳዛ ጋሽካንዳኔ፤

12 ኔ ዒማና፡- «ዓሲ ጋዓ ባኣዚ ታ ዋይዚባኣሢና ዓሲ ጎራ ጎራ ፔቴታዖ ታ ዔኪባኣሢ ዓይጎርዳይ!

13 ታና ዔርዛ ዓሳ ጋዓ ባኮ ታ ዋይዚ ኮዒባኣሴ፤ ዔያቶኮ ዘርዋ ታ ዔኪባኣሴ።

14 ዬያር ዴራ ቡኪንታ ጳኦኮይዳ ባይሲንታ ባንሢ ሄላኒ ታ ዑኩኔ» ጋዓንዳኔ።

ማቾ ናሽኪሢ ዛላ

15 ኔ ቦኦኬ ዔቶ ዋኣዖና ዓልቃ ዋኣዖናፕ ኔ ዑሽኪ ዴኤቦ ዛኣራሢፕዱ ኔ ማቾም ጉሙርቁንታያ ማዒ ዒዞ ሌሊ ናሽኪሢና ዋዛዳያ ማዔ።

16 ላኣሊ ጌዔሢ ጉቤ ዑሽካ ዓልቃ ዋኣሢ ማዒፕ።

17 ኔኤኒ ቦኦኬ ዔቶ ዋኣዖና ዓልቃ ዋኣዖ ኔኤና ዋላ ዱይ ዑሽካ ዓሲባኣያ ኔኤር ሌሊ ማዖንጎ።

18 ዬያር ዴጋቶና ዓኣዖ ኔ ዔኬ ማቾ ቃራ ዓልቃ ዋኣሢ ማዔሢር ኔኤም ዓንጂንቶንጎ፤ ዒዘና ዋላ ዋዛዳ።

19 ዒዛ ናሻ ሞይሌ፤ ሃሣ ጊንሣ ሚዘጲ ጌንዖ ኔኤም ማዖንጎ። ዒዘኮ ሚዘጲማ ቢያ ዎዴ ኔና ዋዛሳያ ማዖንጎ፤ ሃሣ ዒዘኮ ናሹሞና ቢያ ዎዴ ዋዛዳ።

20 ታ ናዓሢዮ! ዘኦዛ ኮኦማ ላኣሎና ኔ ዓይጋ ዲዒንቲ ዔውታይ? ማሌ ዓሲ ላኣሊና ዋላ ኔ ዓይጋ ላሃይ?

21 ዖኦሲ ዓሲ ማዳ ባኣዚ ቢያ ዛዛጋኔ፤ ሃሣ ዓኣዳ ጎይዖዋ ቢያ ዴንቃኔ።

22 ጎሜ ዓሲ ዒዛኮ ፑርቱማ ፒሪ ዓርቃኔ፤ ፔኤኮ ጎሞ ሱዘና ዒ ማርታኔ።

23 ቢያፕ ዑሣ ማዔ ዔኤያቶና ጎይዖ ፔኤኮ ዳባኔ፤ ፔና ዓርቁ ካፕኒ ዳንዳዖ ባሺንታፕ ዔቁያና ሃይቃኔ።

6

ማሌ ዓሲም ጋሌ ጪጊሢ ዛላ ላቶና ላቲሢ

1 ታ ናዓሢዮ! ፔኤኮ ጋሎ ጪጋኒ ዳንዳዒባኣ ዓሲም ዒዛ ዛሎ ኔ ጪጋኒ ጫኣቁ፥ ኔ ጌሰቴ ጌኤዘና ፒርጉዲ ኔ ዓርቁንቱቴ፥

2 ኔ ጫኣቁ ጫኣቁሞናኣ ዓዲንቱያ ማዔቴ፥

3 ታ ናዓሢዮ! ዬያ ዓሢኮ ቢታንቶ ዴማ ኔ ጌሌኔ፤ ዬያር ዒዛ ዴማፕ ኔ ኬሰካኒ ኮዔቴ ፍኡሪና ዒዛ ኮይላ ዴንዲ፥ ኔ ዋኣሶ ማዔሢ ዒ ሃሻንዳጉዲ ዒዛ ሸኢቁ።

4 ዬያይዱዎሎ ላሂፕ፤ ጊንዓኣ ኔና ዓርቆፕ።

5 ጌንዓ ከሞ ዓሲዳፓ፣ ካፒያኦ ፒሮይዳፓ ቶላሢፕዲ ኔኤኒያ ኔና ዓውሴ።

ቤልፀሞ

6 ኔኤኒ ሃይ ቤልፀሚ ዓንካ ዓኦ ቤሲ ዳንዲ ዒዛ ማዳ ባኮ ዛጊ ዔራቶ ዔኤ።

7 ዓንኮ ዔኤ ዓኦዳ ሱኩጌንጎታ ዎይሣያንጎታ ባኦሴ፤

8 ጋዓንቴ ዔያታ ፔኤኮ ሙዎ ዎጎፆና ቡኩሳኔ፤ ሃኦካ ካፆ ዎዶናኦ ዔያቶሞ ኮይሳ ሙዎ ዔያታ ቡኩሳኔ።

9 ዓካሪ ሃይ ኔ ቤልፀሚ! ኔ ላሃሢ ዎማ ሄላንዳኦናዳይ? ጌንዓሰካፓ ኔ ጳጫንዳሢ ዓይዴዳይ?

10 «ዳካ ታ ላሃ፥ ጌንዓንዳኔ፤ ኩጮና ማዶ ሃሺ ዳካ ታ ሃውሻንዳኔ» ኔኤኒ ጌዒ፥

11 ሃጊ ኔ ላሃ ቤዛ ዓኦንቴ ማንቃቶና ዔኤቢኮ ባይቁሢ ዎልዚ ዓንጋሞ ቱኡቴ ሱላፕዲ ኔ ዔራዎንቴ ጊዳ ሙካንዳኔ።

ሉኡዙሞና ዓሲ ጌሻ ዓሲ

12 ፓሡሞ ዓሲና ፑርታ ዓሲና ቢያ ቤሲ ሃንቴ ሃንቴ ጌኤሲ ዲዲ ሺራ።

13 ዒዚ ጌሺሢና ዓኦፒ ዎዳኔ፤ ቶኪናኦ ዳዎኔ፤ ፔ ኩጮናኦ ከኤላሲ ዳዎኔ።

14 ቢያ ዎዴ ፔኤኮ ዎቦ ማሊዎና ፑርታ ባኦዚ ማዳኒ ማላኔ፤ ሃሣ ቢያ ዎዴ ዑራ ማኸኔ።

15 ዬያር ዒ ዔራዎንቴ ባይሲንጎታ ዒዛ ሄላንዳኔ፤ ዳቃኒ ዒ ዳንዳዑዎ ጎይሢና ዓኦፒ ጊኦ ጳማፕዴያና ጋፒ ዒ ባይቃንዳኔ።

ዎኦሲ ዒዓ ላንካይ ባኦዚ

16 ናንጊና ናንጋ ጎዳ ዒዓ ላሆ ባኦዚ ዓኦኔ፤ ላሆ ሌሊቱዎንቴ ዒዚ ዒዓ ባካ ላንካይኬ፤ ላንካሳዞ ዒዚ ዒናፓ ዒፆኔ፤ ዬንሢ ሃካፓ ዴማ ፓይዳንጎታዞንሢ።

17 ቦሃሢና ዛጋ ዓኦፒ ሉኡዙሞ ጌሰታ ዒንዲርሲ

ጌኤሺ ዓሲ ዎዳ ኩቸ

18 ፑርታ ማሊሢ ማላ ዒኔ

ፑርቱሞ ባንሢ ጳሽካኒ ሩኡራ ቶኪ

19 ሉኡዙሞይዳ ሉኡዙሞ ቃሲ ቃሲ ከኤዛ ማርካና ዎሊኮ ላጌ ማዔ ዓሲ ባኦካ ዑራ ማዢሲሳ ዓሲናኬ።

ዘኦሰካ ኮኦሚሢዳፓ ሃኪሢ

6:11 ኮኦኪ. 24:33-34።

20 ታ ናዓሢዮ! ኔ ዓደኮ ዓይሢዮ ማዲ ኩንሢ፤ ኔ ዒንዳ ኔና ዔርዜ ባኮ ፔቲታዮ ሃሺፖ።

21 ዔይቶኮ ዳምቦ ጎይዮ ቢያ ዎዴ ሃንቴ፤ ዔይታ ጌዔ ባኮ ቢያ ዎዴ ካፔ፤

22 ዔይታ ኔና ዔርዜ ባካ ኔ ዓኣዳ ጎይዮ ኔና ዔኪ ዓኣዳንዳ፤ ዎንቶ ኔ ላሃእና ኔና ካፓንዳ፤ ርኦርዎ ኔና ዘራንዳ።

23 ናንጊና ናንጋ ጎዳኮ ዓይሢዮ ያምፔጉዲ፤ ዒ ዔርዛ ባካኣ ፖዒጉዲ ኔኤም ፖዓንዳ፤ ዒዛኮ ጎሪ ዘር ዘራ ዎማይዲ ኔ ናንጋኔ ዳንዳዓቴያ ኔና ዔርዛንዳ።

24 ፑርቶ ላኣሎይዳፓ ኔ ሃካንዳጉዲና ማሌ ዓሶ ላኣሎኮ ዳቢሳ ጌኤዘይዳፓ ኔ ካፒንታንዳጉዲ ኔና ማኣዳንዳ።

25 ዔይቶኮ ሚዛዱሞ ዛጊ ዓፃዲ፤ ዓኣፖ ዔይታ ዎዳሢና ጌሺንቲ ዔውቲፖ።

26 ፔቲ ዓቲንቄ ዘኣሰካ ኮኣማ ላኣሊ ፔቲ ካሣ ሻንቆ ሚኢሽና ዴንቃኒ ዳንዳዓ፤ ማሌ ዓሲ ላኣሊና ዘኣሰካ ኮኣሚሢ ጋዓንቲ ሽምፔ ጨገሲሳ።

27 ቶኪ ባኣካ ታሚ ዓርቂ ማኣዓ ሙይንቲዎንቲ ቶላ ዓሲ ዓኣ?

28 ሃሣ ታሚ ቄንሢ ሄርቄ ዴንዳዖ ቶኪ ሚቸንቲዎ ዓሲ ዓኣ?

29 ማሌ ዓሲ ላኣሊና ላሃ ዓሲ ዬያጉዲኬ፤ ማሌ ዓሲ ላኣሊና ካኣማይ ሜቶ ሄሎዎዎ ዓቲዎሴ፤

30 ዉሲ ናይዲንታዮ ካሣ ዉኡቄቲ ዓሲ ዲቃሢ ሄርሺሳ ባኣዚቲዎሴ።

31 ዒ ዓርቂንቲም ዒዛኮ ማኣራ ዓኣ ባኮ ቢያ ሻንቸሳያ ማዔቴያ ለንካይ ጳንጩ ማሢ ዒዚ ጨጨጋንዳ።

32 ዓሲ ላኣሊና ላሃሢ ጋዓንቲ ዒና ባይቄ ዓሲኬ፤ ሽምፓሢ ፔኤኮ ዒ ጉሪ ባይዛንዳ።

33 ዳውሲንቲና ጳዲና ዒዛ ሄላንዳ፤ ቢያ ዎዴ ቦርሲንቲ ጎይሣ ዒ ናንጋንዳ።

34 ዬና ላኣሎሎ ዓኒኮ «ታጊዳፓ ማሌም ማዓኒ ኮይሱዎሴ» ጋዓ ዳጎ ዔቂሳንዳ፤ ዒ ኮዎ ዔካ ዎደና ዬያ ዓሢም ሚጨንቲንዳዎሴ።

35 ዓይጎጉዴ ዳቦዎ ዒ ዔካኒ ኮዒንዳዎሴ፤ ዒዛም ዒንጎ ባኮኮ ሚርጉማ ዳጎ ዒዛኮ ሺሚሱዎሴ።

7

ጉሙርቂንቲዎ ማቾ

1 ታ ናዓሢዮ! ቃኣሎ ታኣኮ ካፔ፤ ታኣኮ ዓይሢዮዎ ኔ ዒና ዓርቄ።

2 ሸምፔና ናንጋኒ ታ ዓይሢያ ካፔ፤ ታ ኔና ዔርዛ ባኮ ቢያ ዓኣፖኮ ኔኤኮ ካርዎማጉዲ ዛጊ ካፔ፤

3 ኬኤሎይዳ ዓኣ ከኢራሢጉዲ ካፔ፤ ኔኤኮ ዒኖ ሳሌደይዳ ባይቁዋ ጎይሢ ፃኣፔ።

4 ዔራቶ ኔኤኮ ጌርጉዲ፣ ማሊ ጳቂሥሢያ ዑኩ ዒጊኒጉዲ ማሂ ፓይዳ።

5 ዩንሢ ባኮንሢ ዘኣዛ ኮኦማ ላኣሎፓ ኔ ሃካንዳጉዲና ሜሌ ዓሶ ላኣሎኮ ዳቢሳ ጌኤዘይዳፓ ኔ ካፒንታንዳጉዲ ማሃንዳ።

ዘኣዛ ኮኦማ ላኣሊኮ ጌሺሢ

6 ፔቴ ኬሊ ታ ማኣርኮ ፑልቶ ካርና ሴካ ዙሎ ታ ዛጋንቴ፤

7 ዔራቶ ፓጩ ዓሶ ባኣካፓ ዴጌሰኬንሢ ታኣም ጴዴኔ፤ ዩያቶ ባኣካፓ ፔቴ ዒናባኣ ዴጌሰኬንሢ ታ ዴንቁኔ።

8 ፔቴ ላኣሊሰኬና ናንጋ ማኣሪኮ ኮይላ ጎይፃ ቃሳዳ ካራና ዒ ዓኣዳኔ፤ ዒዚ ዒዘኮ ማኣሮ ባንዎና ዴንዳኔ።

9 ዩያ ዒዚ ማዳሢ ዓባ ጌሌም ሳዓ ሃባርታንጉኬ፤

10 ዩካፓ ላኣሌላ ኬሰካፃ ዴጌሢ ዴንቁኔ፤ ዒዛ ማኣዔ ጎይፃ ዘኣሰካ ኮኦማ ላኣሊ ማዔሢ ዔርዛያኬ፤ ዒዘኮ ዓሲ ዳቢሻንዳ ማሊሢያ ዓኣኔ።

11 ዒዛ ዒጊቹዋ ባኣያ፣ ጫርሺ ላኣሊኬ፤ ዒዘኮ ማኣራ ዴይፃ ዒዛ ዋዛሱዋኣሢሮ ቢያ ዎዴ ሃንቲ ሺራኔ፤

12 ጎይፃ ቃሳዳ ካርንታ ጎይፃንታይዳ፤ ሃሣ ቦኣካ ጳኦካይዳኣ ዔቁ ዔቁ ካፓኔ።

13 ዩያ ዴጌሢ ዒዛ ኮንቁ ዓርቁ ሄርቁኔ፤ ዩካፓ ቦርሲንቲ ባኣያና ሂዚ ዒዛ ጌዔኔ፡-

14 «ታኣኒ ፔቱሞና ዒንጎ ዒንጊሢ ፆኦሲም ዒንጋኔ፤ ሃኖ ታኣኮ ናኣቢ ታ ዒንጋያኬ፤

15 ዩያር ታ ኔና ዔካኒ ሃይካ ኬሰኬኔ፤ ታ ኔና ኮሺ ኮዒ፣ ሃይሾ ታ ዴንቁኔ!

16 ጊብፃ ዓጮይዳፓ ሙኬ ሚዛጳ ዓንሦሎ ሻኣላ ታ ሂኢሢኔ።

17 ኬርቤንታ ሳልሙኔንታ ቁሬፓ ጌይንታ ሳውቃ ባኮንታይዳፓ ኮሺንቲ ሳውዋ ባኮ ታ ፑኡኬኔ።

18 ዩያር ሃኒ ሙኬ፣ ዒባኒ ሳዓ ካራንዳያ ሄላንዳኣና ኑ ዎላ ናሹሞና ዎዛዴም፤ ኑ ዎሊ ኮንቁያ ዎዛዴም!

19 ታኣኮ ዓኒ ማኣራ ባኣሴ፤ ዒዚ ሃኬ ዓጪ ዓኣዳኔ፤

20 ሚርጌ ሚኢሾ ዒ ዔኪ ዓኣዳሢሮ ላምፃ ቃልሾ ኬሊ ጋርካ ዒ ማዓዓኬ።»

21 ሂዲ ጌይ ኮሽካ ጌኤሲና ዒዛ ማዢሴኔ፤ ሺኢቺ ዑኡሲናኣ ዒዛ ዒዛ ጌሼኔ።

22 ጌማይ ሹኪንታ ቤሲ ዒሺንቲ ዴንዳሂጉዲ፣ ዶቆሲያኣ ሩኡሪ ፒሮይዳ ጌላሂጉዲ ቤዘማና ዒ ዒዛ ገንፆ ዴንዴኔ፤

23 ሂኢሺ ጎጲ ዲካሂጉዲ ማዔኔ፤ ፒሮይዳ ጌላ ካፒያኣ ዒ ማዔኔ፤ ዩይ ያዲ ማዓኣና ሸምፓሂ ዒዛኮ ማቶይዳ ኬዳኒ ዑኡሂ ዒ ዒሪባኣሴ።

24 ዓካሪ፡- ታ ናዓሂዮ! ሂንዳ ዋይዜ፤ ታ ኔኤም ጋዓ ባኮ ዒና ዔኪ ዋይዜ፤

25 ዬኖጉይ ላኣሎና ዒና ኔኤኮ ጌሺንቲ ዔውቶፓ፤ ዒዛ ጎይፆ ሃንቲ ዳቢንቲፖ።

26 ዒዛ ሚርጌ ዓሲኮ ባይሲንታ ካራ ማዔኔ፤ ኮሺ ሚርጌ ዓሲ ዒዛና ዲዒንቲ ባይቄኔ።

27 ዒዛ ማእሮ ባንሂ ዔኪ ዓኣዳ ጎይፆ፡- ሃይቢና ዱኡፒና ባንሂ ዔኪ ኬይሳ ዳልጊ ጎይሂኬ።

8

ዔራቶ ዔኤላ ዔኤሊሂ

1 ዋይዙዋቴ! ዔራቶ ዔኤሊንታኔ፤ ማሊ ጳቂሥሂያ ዑኡዘ ፔኤኮ ዋይዚሳኔ።

2 ጎይፆ ኮይላ ዓኣ ጌማሮና ጎይፆ ዋላ ካኣማ ካኣማ ካራኣ ዔቃኔ፤

3 ካታሞ ጌሎ ካራ ዔቂ ሂዲ ጌይ ዒዛ ዔኤሊንታኔ፡- 4 «ዓሲዮቴ! ዒንሂና ቢያ ታ ዔኤላኔ፤

5 ዒንሂ ዔራቶባኣ ዓሳ፣ ዔራቶ ዴንቃኒ ኮዑዋቴ፤ ዒንሂ ዔኤዮ ዓሳ፣ ማሊ ጳቂሥሂ ሚኢሽ ማሁዋቴ።

6 ታ ዒንሂም ኬኤዛ ጴኤፒ ባኣዚ ዓኣሂሮ ዋይዙዋቴ፤ ታ ዳንጋፓ ፒዜ ባኣዚ ኬሰካኔ።

7 ታኣኒ ጎኔ ማዔ ባኣዚ ኬኤዛኔ፤ ፑርቱሞ ታ ኮራ ዒደንቲ ባኣዚኬ።

8 ታኣኒ ኬኤዛ ባካ ቢያ ጎኔኬ፤ ዋቦ፤ ገንሃ ሃሃ ዲደንቴያቱዋሴ።

9 ማሊ ጳቂሥሂ ዓኣ ዓሲም ቢያ ባካ ፔጋኣኬ፤ ዔራቶ ዓኣ ዓሲማኣ ፒዜ ማዒ ጴዳኔ።

10 ቢራይዳፓ ባሺ ታ ዘሮ ዶኦቶቴ፤

8:3 ኮሎስ. 1:20-21።

ጌኤሺ ዎርቄይዳፓ ባሽ ዔራቶ ዶኦሩዎቴ።»

- 11 «ታኣኒ፡ ዔራቶ ሚዛጾ ሹጫፓ ባሽ ማዔሢሮ
 ዓይጎ ባኣዚያ ዒንሢ ዓፃዴቴ ታኣና ዎላ ሄካንዳይ ፔቴታዎ
 ባኣሴ።
- 12 ታና፡ ዔራቶኮ ማሊ ጳቂሥሢ ዓኣኔ፤
 ዔራቶና ፒዜ ጌሰቲሢና ታኣሮኬ።
- 13 ዮርታ ባኣዚ ዒዲሢ ናንጊና ናንጋ ጎዳ ዒጊጨሢኬ፤
 ታኣኒ ዎቶርሙዎና ሄርሺንቲና ዒዒፃኔ፤
 ዮርታ ጎይሢና ዎቦ ጌኤሲና ታ ናሽኩዎሴ።
- 14 ዘርና ኮሺ ዔራቶና ታጊዳፓ ጴዳኔ፤
 ማሊ ጳቂሥሢና ዶዲዎና ታኣሮኬ።
- 15 ታ ዎልቄና ካኣታ ዎይሣኔ፤
 ሱኡጎ ማዒ ዶኦሪንቴ ዓጎ ፒዜ ዳዎቤ ጊኣጊሻኔ።
- 16 ታ ማኣዴዎ ሱኡጋ ዎይሣኔ፤
 ሃሣ ዎሎ ዓሶ ሱኡጋኣ ዓጮ ዎይሣኔ።
- 17 ታኣኒ ታና ናሽካዘንሢ ናናሽካኔ፤
 ታና ኮዓዘንሢ ዴንቃንዳኔ።
- 18 ዎርጎቹዎና ቦንቸና ታ ኮይላ ዓኣኔ፤
 ጋዮዎ ቆሎና ዲጨሢና ታኣሮኬ።
- 19 ታጊዳፓ ዒንሢ ዴንቃ ባካ፡-
 ጌኤሺ ዎርቄና ሺኤሺ ጊኣጊሻና ቢራናፓኣ ባሻያኬ።
- 20 ታ ጎይፃ ዲሎዎ ጎይሢኬ፤
 ታ ሃንታሢ ፒዜ ዎጌ ጎይሢኬ።
- 21 ታና ናሽካዘንሢዎ ቆሎ ታ ዒንጋንዳኔ፤
 ማኣሮ ታ ዔያቶኮ ዎርጎቹዎና ኩንሣንዳኔ።»
- 22 «ናንጊና ናንጋ ጎዳ ቢያ ባኣዚኮ ቤርታ ታና ማዜኔ፤
 ሚና ዓዓርቃዎ ዒዛ ማዶኮ ታና ቤርቲ ማሄኔ።
- 23 ሳዓ ማዢንታንዳሢኮ ቤርታ
 ሚርጌ ዎዴኮዎ ቤርታ ታ ዶኦሪንቴኔ።
- 24 ዓልቃ ዎኣፃ ዓልቃንዳሢኮ
 ዴኤፖ ባዘ ዎኣፃኣ ጴዳንዳሢኮ ቤርታ ታ ሾይንቴኔ።
- 25 ዲኮና ጌሜርና ማዢንታንዳሢኮ ቤርታ ታ ሾይንቴኔ።
- 26 ዎኦሲ ሳዎ ቢያ ማዢንዳሢኮ ቤርታ

ሃሣ ጊንሣ ቤርታሳ ዓጫታዎ ማዢንታንዳሢኮ ቤርታ ታ ሾይንቴኔ።

27 ናንጊና ናንጋ ጎዳ ጫሪንጮ ዳጊዲ ሚጩ ዎደና ሳዎኮ ዑፃ ዓኣ ጉሮ ቤዘዋ ዳኤፖ ባዘኮ ዑፃ ማሂ ጊኢጊሼ ዎደና

ታኣኒ ዒኢካ ዒዛና ዎላኬ።

28 ሻኣሮ ሳዎኮ ዑፃ ጉሮ ቤዛ ዒ ጊሢሢ ዎደና ዳኤፖ ባዘኮ ዓልቃ ካሮ ቡሌ ዎደና

29 ባዘ ዋእፃ ዔያቶም ጌይንቴ ቤዛፓ ዑሣ ሌካ ዳግ ጎዑዋጉዲ ዒ ዓይሢ ዎደና ሳዎኮ ዓይዎ ካሮ ዒ ደዲሺ ማዢ ዎደና ታኣኒ ዒኢካ ዒዛና ዎላኬ።

30 ዒማና ታኣኒ ዔርቴ ማዳ ዓሲ ማዒ ዒዛና ዎላ ዓኣኔ፤ ቢያ ኬሊ ታ ዒዛ ዎዛሳኔ፤ ታኣኒያ ዒዛ ቤርታ ዎዛዳኔ።

31 ዒዚ ማዢ ዓጮሮ ታ ዎዛዳኔ፤ ዓሶ ዜርዖሮዋ ታ ኮኣማኔ።»

32 «ታ ናይዮቴ! ዎይዙዎቴ፤ ታ ጎይዎ ሃንታዘንሢ ዎዎዛዳኔ።

33 ታ ዘራ ዘሮ ማሊ ዳቂሡዎቴ፤ ጨንጫ ማዑዎቴ፤ ቄል ጌይፖቴ።

34 ታኣም ዎይዘሢ ቢያ ዎዳ ታ ካሮይዳ ደዲ ጴዳሢ ታ ማኣሪ ጌሎ ካሮ ኮይላ ታና ካፓ ዓሢ ዓንጂንቴያኬ።

35 ታና ዳንቃሢ፤ ሹምፖ ዳንቃኔ፤ ናንጊና ናንጋ ጎዳይዳፓኣ ቦንቸንቴ ዳንቃንዳኔ።

36 ታና ዳንቁዎ ዓቴሢ ፔጊዳ ሜቶ ዔኪ ዬዓኔ፤ ታና ዒፃሢ ሃይቢ ናሽካኔ።»

9

ጨንጫሞና ዔኤያቶና

1 ዔራቶ ማኣሪ ፔኤኮ ማዢኔ፤ ዬያ ማኣሮኮ ላንካይ ቱርቱሪ ዒዛ ደቄኔ።

2 ዒዛ ሶቦሪ ሹኬኔ፤ ዓኣሢ ዎይኔ ዑሺያ ዓሌኔ፤ ሙኤዚያ ጊኢጊሼኔ።

3 ዒዘም ማዳ ማዳ ላኣላ ካታሞኮ ዳጌ ቤዛ ዔቂ፡-

4 «ዲንሢ ሃያኮ ቤርታ ዔኤቢ ዛጊ ዔሪባኣ ዓሳ ቢያ ሃኒ ዩዑዋቴ!» ጌይ ጌይ ዔኤላንዳጉዲ ዒዛ ዓይሣኔ፤ ዔኤዮ ዓሳም ዒዛ ሂዚ ጋዓኔ፡-

5 «ዔኤዛይ፥ ሃኒ ዩይ ታ ጊኢጊሽ ሙዖ ሙዔ! ታ ዓሌ ዋይኖ ዑኩዋ ዑሽኬ!

6 ዔራታ ፓጩ ዓሳይዳፓ ዲማዳ! ሸምፔና ኔ ናንጋንዳኔ፤ ማሊ ጳቂሥሢ ጎይዖማና ቤርቲም ዓኣዳ።»

7 ዖቶርቃ ዓሲ ኔ ዘሬቴ ጫሺ ዔካንዳኔ፤ ፑርታ ዓሲያ ኔ ጎሪ ዘሬቴ ማታ ኔና ሄላንዳኔ።

8 ዖቶርቃ ዓሲ ጎሪ ኔ ዘሬቴ ኔና ዒዒዖንዳኔ፤ ዔራ ዓሲ ኔ ዩያይዳቴ ጋዓንቴ ኔና ናሽካንዳኔ።

9 ዔራ ዓሲም ኔ ዔራ ባኮ ኬኤዜ፥ ባሽ ዔር ማዓንዳኔ፤ ኮሺ ዓሲማኣ ኬኤዚ ዔርዜ፥ ዒ ዔራቶ ቃሳንዳኔ።

10 ዔራቶኮ ቤርቲ ናንጊና ናንጋ ጎዳ ዒጊጩሢኬ፤ ዩያ ዲማዳሢ ዔሪዖኣ ማሊ ጳቂሥሢኬ።

11 ታ ዛሎና ናንጋ ለዓ ኔኤኮ ዖድቃንዳኔ፤ ሸምፔና ኔ ናንጋንዳ ለዓኣ ኔኤም ቃሲንታንዳኔ።

12 ዔራቶ ኔኤኮ ዓኣቶ ኔና ኔ ፓሣንዳኔ፤ ቦሂ ኔ ዓማላያ ማዔቴ ኔጊዳ ኔ ማቶ ዔኪ ዩዓንዳኔ።

13 ዔራቶ ባኣያ ማዒሢ ጉሪ ጌኤሲ ጌሰቴ ሺራያ፥ ፔቴታዖ ዔኤቢ ዔራቆያ ዋይዚ ባይቂያ፤ ቦርሲንቲባኣ ላኣሊጉዲ ማዒሢኬ።

14 ዒዛ ፔ ማኣርኮ ካራ፥ ሃንጎ ካታሞኮ ዳጌ ቤዘይዳ ኬሰኪ ዴዓኔ፤

15 ማዶ ፔኤኮ ፒዙሞና ማዶ ማዶ ጎይዖና ዓኣዳ ዓሳ ቢያ ሂዚ ጌይ ዒዛ ዔኤሊንታኔ፡-

16 «ሃይ ዒንሢ ዔራታ ፓጩ ዓሳ ታ ኮይላ ሃኒ ሙኩዋቴ!» ጊንሣ ሃሣ ዔኤዮ ዓሢማኣ ዒዛ ሂዚ ጋዓንዳኔ፡-

17 «ዉኡቂ ዑሽኮ ዋኣሢ ዓዓኣፃኔ፤ ዓኣሺንቲ ሙዖ ካሣኣ ዋዋዛሳኔ።»

18 ዒዛ ዔኤሌ ዓሳ ቢያ ሃይቃያታሢና ሃይማ ሄላንዳኣና ዒዛ ማኣሪ ጌሌ ዓሳ ሃይቁ ዓሳ ዓጮ ኬዴሢ ዒዚ ዩይ ዔኤያሢ ዔራቆሴ።

10

ሴሌሞን ኬኤዜ ዲማ ዲማ ኮኦኪንሢ

1 ሃይ ሴሌሞን ኬኤዜ ኮኦኪንሢኬ፡-

9:10 ዓ.ዮ. 28:28፤ ዓይኑ. 111:10፤ ኮኦኪ. 1:7።

- ዔራ ናይ ፔ ዓደ ዋዛሳኔ፤
ዔኤያ ናይ ጋዓንቴ ፔ ዒንዶ ምዳሳያ ማዓኔ።
- 2 ኮይሱዋ ካራና ጳዴ ቆሎ ፓሡዋያኤ፤
ዒሉዋ ጋዓንቴ ሽምፖ ሃይቢፓ ዓውሳኔ።
- 3 ናንጊና ናንጋ ጎዳ ኮሺ ዓሲ ናይዲሱዋሴ፤
ፑርቶ ዓሶ ጋዓንቴ ዔያታ ማሊ ኮዓ ባኮ ዳንቂሱዋሴ።
- 4 ቤልፀሞ ዓሲ ማማንቂሳኔ፤
ዶዲ ማዲሢ ጋዓንቴ ምርጎቻኔ።
- 5 ጨንጫ ዓሲ ሃኣኮ ፔኤኮ ዋዳና ቡኩሳኔ፤
ማኣሎ ቡሮ ዋዳና ላሃ ዓሲ ጋዓንቴ ዳውሲንታኔ።
- 6 ኮሺ ዓሲ ዓንጃ ዳንቃኔ፤
ፑርታ ዓሲ ጋዓንቴ ፔ ፑርቱዋ ኮሺ ጌኤሲና ካንቂ ዓኣቻኔ።
- 7 ዒሎ ዓሲኮ ሙካ ዋዳይዳ ኬኤዚንታ ባካ ዓንጃዎ ማዓኔ፤
ፑርቶ ዓሶ ሱንፃ ጋዓንቴ ቤዘማና ዋሊንታኔ።
- 8 ጎኔና ዔራ ማዔ ዓሲ ዓይሢያ ዔዔካኔ፤
ማሉዋያ ጌኤሲ ጌሰታ ዔኤያ ዓሲ ጋዓንቴ ባይሲንታ ባንሢ
ዓኣዳኔ።
- 9 ቢያ ባኣዚና ጉሙርቂንታያ ማዓ ዓሲ ሂርጋባኣያ ናንጋኔ፤
ዋሶ ሳኮኮ ጋዓንቴ ዋሱዋ ናንጋ ፔጋዲ ጳዴኔ።
- 10 ዓሲ ኬኤላሲ ሺሪሢ ሜቶ ዔኪ ሙካኔ፤
ፔጌና ጎሪ ኬኤዚሢ ጋዓንቴ ኮሹዋ ዳንቂሳኔ።
- 11 ኮሺ ዓሲኮ ጌኤሲ ሽምፖኮ ካራኬ፤
ፑርታ ዓሲ ጌኤሲ ጋዓንቴ ፑርቱዋ ካንቂ ዓኣቻያኔ።
- 12 ዋሊ ዒዲሢ ሃሎ ማካኔ፤
ናሹዋ ጋዓንቴ ዳቢንቲ ቢያ ዛጌያ ዓቶዎ ጌይሳኔ።
- 13 ዒናዳ ዓሲ ማሊ ዔኪ ጌሰታኔ።
ዔኤያ ዓሲ ጋዓንቴ ሜቶ ዔኪ ኮይሳያኔ።
- 14 ዔሮ ዓሳ ዔያቶዎ ዳንዳዒንታ ጎይፆና ቢያ ዔራቶ ቡኩሳኔ፤
ዔኤያ ዓሳ ጌሰታ ዋዳና ጋዓንቴ ባይሲንታ ሙኪፃ ዓቱዋያኔ።
- 15 ምርጎቻ ዓሲኮ ቆላ ዋርዲያ ማዒ ዒዛ ካፓኔ፤
ማንቆ ዓሲ ጋዓንቴ ማንቃታ ባይዛኔ።
- 16 ኮሺ ዓሲዎ ኮዥ ማዳ ናንጊ ዒንጋኔ፤
ጋዓንቴ ፑርታ ዓሲኮ ጎማ ሜቶ ዒዛይዳ ዔኪ ዬዓኔ።
- 17 ጎሪ ዘሮ ዘሮ ዔካ ዓሲ ናንጊ ጎይሢ ባንሢ ዓኣዳኔ፤
ፔ ዳቢንቶ ዔሩዋ ዓሲ ጋዓንቴ ሜቶይዳ ኬዳኔ።
- 18 ዓሲ ሽናዳ ዒኖ ፔኤኮ ዓኣቻ ዓሲ ሉኤዚኬ፤

10:12 ያይ. 5:20፤ 1ጳፂ. 4:8።

- ደንኮ ገሰቲ ሺራ ዓሲ ዔኤያኩ።
- 19 ሚርጌ ጌኤሲ ዳደሲንቲ ባይቁዋሴ፤
ዩያሮ ማሊ ጳቂሣ ዓሲ ሚርጌ ገሰቲዋሴ።
- 20 ኮሺ ዓሲኮ ጌኤሲ ሸኤሺ ኮሸና ቢራ ዓንገጉዲኬ፤
ፑርታ ዓሲኮ ማሊሣ ጋዓንቲ ዔኤቢ ፓሡዋያኩ።
- 21 ኮሺ ዓሲኮ ጌኤሲ ሚርጌ ዓሲ ማኣዲያኩ፤
ዔኤዮ ዓሳ ጋዓንቲ ማሊ ጳቂሥሣ ፓጪሣና ሃይቃ።
- 22 ናንገና ናንጋ ጎዳኮ ዓንጃ ዓሲ የዖርጎቻ፤
ዓሲኮ ላቢ ማዲሣ ዩያይዳ ማዳ ባኣዚ ባኣሴ።
- 23 ዳቢንቲ ማዳ ማዲ ዋዛዲሣ ዔኤዩሞኩ፤
ዒናዳ ዓሲ ዋዛዲሣ ዔራቶ ዳንቂሣናኩ።
- 24 ኮሺ ዓሲ ኮዓ ባኮ ዳንቃ፤
ፑርታ ዓሲ ጋዓንቲ ሚርጌና ዔያታ ዒጊጩ ባካ ዔያቶ ሄላ።
- 25 ዓልጋሣ ዔቁ ዋዶና ፑርቶ ዓሳ ፐዲንቲ ዳንዳ፤
ኮኸ ዓሳ ጋዓንቲ ቢያ ዋዶ ደዲ ናንጋ።
- 26 ሶልኪ ባኣዚ ዓቺ፣ ጩቢ ዓኣፒ ማኣሳንሣሣጉዲ
ቤልፃ ዓሲያ ዒዛ ማዲሻሣሞ ዒማዲኩ።
- 27 ናንገና ናንጋ ጎዳ ዒጊጩሣ ናንጎ ሌዖ የደሳ፤
ፑርታ ዓሲ ጋዓንቲ ናንጎ ሌዓ ዓኣ ጎይሣ ዓኣንቲ ሃይቃ።
- 28 ኮኸ ዓሳኮ ሃጊ ማዓ ዋዛ ዋዛ ባንሣ ዔያቶ ዔኪ ዳንዳ፤
ፑርቶ ዓሳኮ ሃጊ ማዓ ዋዛ ጋዓንቲ ጉሪ ማዒ ዓታ።
- 29 ናንገና ናንጋ ጎዳ ዲሎ ዓሳኮ ገቲማኩ፤
ፑርቶ ማዳ ዓሳ ጋዓንቲ ዒ ባይዛ።
- 30 ኮሺ ዓሲ ቢያ ዋዶ ዓኣ ቤዛፓ ዓጊጹዋሴ፤
ፑርቶ ዓሳ ጋዓንቲ ሳይይዳ ናንጉዋሴ።
- 31 ኮሺ ዓሲ ዔራቶ ጌኤሲ ገሰታ፤
ዋሶ ባኣዚ ገሰታ ዒንዲርሲ ጋዓንቲ ቲቂንታ።
- 32 ኮሺ ዓሲኮ ጌኤዛ ገገኢጋያኩ፤
ፑርታ ዓሲኮ ጌኤዛ ጋዓንቲ ዋሶኩ።

11

- 1 ዳኤሡሞ ዔሮ ባኮና ጌሺ ሺራ ዓሶ ናንገና ናንጋ ጎዳ ዒፃ፤
ዳኤሡሞ ዔሮ ባኮና ፒዜ ማዳ ዓሶና ጋዓንቲ ዒዚ ዋዛዳ።
- 2 የቶርሙሞ ዳዳውሲሳ፤
ሸሌዑሞ ጋዓንቲ ዔራቶ ዳንቂሳ።
- 3 ዲሎሞ ዓርና ማዒ ፒዜ ዓሶ ዔኪ ዓኣዳ፤
ጉሙርቂንቲዋ ዓሶ ጋዓንቲ ዔያቶኮ ዋሶማ ባይዛ።

- 4 ኔኤኒ ሃይቃኒ ዑኩ ኩሎና ቆላ ኔኤኮ ኔና ፓሣዓኬ፤
ጂሎሞ ጋዓንቴ ሃይቢዳፓ ዓውሳኔ።
- 5 ኮሹሞ ኮሺ ዓሲኮ ናንጎ ፒዚሳኔ፤
ፑርታ ዓሲ ጋዓንቴ ፔ ፑርቱሞና ሎኦማኔ።
- 6 ፒዜ ዓሲ ፔ ኮሹሞና ዳቃኔ፤
ጉሙርቁንቱሞ ዓሲ ጋዓንቴ ዒዛኮ ፑርቶ ማሊፃ ፒር ማዒ
ዒዛ ዓርቃኔ።
- 7 ፑርታ ዓሲ ሃይቃኦና ዒዛኮ ሃጊ ማዓ ዎዛ ዒዛና ዎላ ሃይቃኔ፤
ጊንሣ ዒዚ ፔ ዎልቆና ሄርሺንታ ሄርሺንታኦ ዒዛና ዎላ
ባይቃኔ።
- 8 ጂሎ ዓሲ ሜቶይዳፓ ዳቃኔ፤
ዬይ ሜታ ጋዓንቴ ፑርቶ ዓሶ ሄላኔ።
- 9 ናንጊና ናንጋ ጎዳ ካኦሽኩሞ ዓሳ ፔ ጌኤዘና ዓሲ ባይዛኔ፤
ጂሎ ዓሳ ጋዓንቴ ዔራቶና ዳቃኔ።
- 10 ጂሎ ዓሶሞ ቢያ ባካ ጊኢጋዛ ካታሞይዳ ዎዛ ማዓኔ።
ፑርቶ ዓሳ ሃይቃኦና ዒላሺሣ ሚርጋኔ።
- 11 ጎኔ ዓሳ ዓንጂንቴ ዓንጂ ዛሎና ካታማ ዲጩ ዲጩ ዳንዳኔ፤
ፑርቶ ዓሶኮ ፑርቶ ጌኤዛ ጋዓንቴ ባይሰንታይዳ ጌልዛኔ።
- 12 ቦሂ ጌሰቲ ዓሲ ዳውሲሳሣ
ማላሣ ፓጩ ዓሲኬ፤
ማሊ ጳቁሣ ዓሲ ጋዓንቴ ዘቲ ጋዓኔ።
- 13 ደንኮ ደንካ ዓሲ ጌኤሲ ዒና ዓርቁሞሴ፤
ጉሙርቁንታ ዓሲ ጋዓንቴ ዬያጉዳ ጌኤዘ ዒና ዓኦቺ ዓርቃኔ።
- 14 ዘራ ዓሲባኦ ካኦታ ሎሎኦማኔ፤
ሚርጌ ዘራ ዓሲ ዓኦ ካኦቶ ጋዓንቴ ሜታ ሄሎሞሴ።
- 15 ኔ ዔራሞ ዓሲኮ ጋሌ ጩጋኒ ዎኦሴ ማዔቲ
ሜቶይዳ ኔኤኒ ኬዳንዳኔ፤
ጋዓንቴ ዎኦሶ ኔ ማዑሞ ዓቲቲ ኮሺ ኔኤሞ ማዓንዳኔ።
- 16 ሚጩንታ ኮሺ ላኦሊ ቦቦንቺንታኔ፤
ዎልቁና ፑርታ ማዳ ዓሲ ቆሎ ሌሊ ዳንቃኔ።
- 17 ሚጩንታ ዓሲ ኔኤኒ ማዔቲ ኔና ኔ ማኦዳኔ፤
ጌኔ ማዳ ዓሲ ኔኤኒ ማዔቲ ኔና ኔ ሜቶይዳ ዓጋኔ።
- 18 ፑርታ ዓሲ ዳንቃንዳ ባኦዚ ባኦሴ፤
ፒዜ ማዔ ባኦዚ ኔ ማዳቲ
ኔኤኮ ኮዦ ማዳ ዘሎ ዒንጎ ባኮ ኔ ዳንቃንዳኔ።
- 19 ኮሺ ማዳ ዒናፓ ማዳ ዓሲ ሺሞፔና ናንጋኔ፤
ፑርቱሞ ማዳ ሺራ ዓሲ ጋዓንቴ ሃይቃኔ።

- 20 ናንጊና ናንጋ ጎዳ ዒኖ ዋቦ ዓሶ ሻሻኣኪንታኔ፤
 ቦሂሳ ባኣዚባኣ ጎይሢና ዴንዳ ዓሶና ዋዛዳኔ።
 - 21 ፑርቶ ዓሶ ጎኔና ማታ ሄሊሢ ዓቱዋያኬ፤
 ኮዦ ዓሶ ዜርፃ ጋዓንቴ ማቶፓ ዳቃኔ።
 - 22 ማሊ ጳቂሥሢ ፓጩፎ ሚዛጶ ላኣሌላ
 ዒዛኮ ሚዛጶማ ጉዲንሢኮ ሲኢዳይዳ ዋርቄ ዲንዶ
 ዓኣሥሢጉዲኬ።
 - 23 ጂሎ ዓሶኮ ማሊፃ ኮሺና ኩማያኬ፤
 ፑርቶ ዓሶ ማሊፃ ጋዓንቴ ባይሲንታ ዔኪ ሙካኔ።
 - 24 ፔቴ ፔቴ ዓሳ ኮሹሞና ሚኢሾ ፔኤኮ ዒንጊ ላኣላኔ፤
 ጋዓንቴ ቆላ ዔያቶኮ ሚርጊ ሚርጊ ዓኣዳኔ፤
 ሃንጎ ዓሳ ሃሃ ፔኤኮ ሚኢሾ ቦሃ ዓኣዳ ዲኡዳዳኔ፤
 ጋዓንቴ ማንቁማ ዔያቶኮ ሚርጊ ሚርጊ ዴንዳኔ።
 - 25 ኮሹሞና ዒንጋያ ማዔ፤ ኔኤኒ ያርጎጩንዳኔ፤
 ማሌ ዓሶ ማኣዳ፤ ኔኤኒያ ማኣዲንታንዳኔ።
 - 26 ቆኣዙሚ ጌሢ ዲቢ ሚኢሹም ሻንቻኒ ሃኣኮ ናቲ ጌሃ ዓሲ፤
 ዴራ ዒዛ ጋዳንቃያ ማዓኔ፤
 ጋዓንቴ ሃኣኮ ቦኣኮ ኬሳ ዓሢ
 ዴራ ጋላታያ ማዓኔ።
 - 27 ኮሺ ባኣዚ ዶዲ ኮዓሢ ኮሺ ባኣዚ ዴንቃንዳኔ፤
 ፑርታ ባኣዚ ማዳሢ ጋዓንቴ ፑርታ ሄላንዳኔ።
 - 28 ፔ ቆሎና ጉሙርቁንታ ዓሳ ዒላሺጉዲ ዲኢናኔ፤
 ጎኩሞ ዓኣ ዓሳ ጋዓንቴ ቱኮና ኮሺ ሚሢጉዲ ዓኣዓኔ።
 - 29 ፔ ማኣሮይዳ ዣሎ ማዦ ዓሲ
 ዬይ ማኣዳንዳ ባኣዚ ባኣሴ፤
- ዔኤዮ ዓሳ ቢያ ዋዴ ዔሮ ዓሶም ማዳያ ማዓኔ።
- 30 ጂሎ ዓሶኮ ማዳ ናንጊና ናንጊ ዴንቁሳኔ፤
 ዋይዚ ዒፂሢ ጋዓንቴ ሹምፖኮ ባይሲንታ ካራ ማዓኔ።
 - 31 ኮዦ ዓሳ ሳይይዳ ዓኣፃ ኮዦ ማዶ ዛሎ ዒንጎ ባኮ ዴንቃኔ፤
 ፑርቶ ዓሶንታ ጎሞ ዓሶንታ ጋዓንቴ ሚርጌ ዶዲ ማቶ ዔካኔ።

12

- 1 ዔራቶ ናሽካ ዓሲ ዳቢንቲዳፓ ዔሪ ማዓኒ ኮዓኔ፤
 ዘሮ ዒፃ ዓሲ ጋዓንቴ ዔኤያ ዓሲኬ።
- 2 ናንጊና ናንጋ ጎዳ ኮሺ ዓሲ ቦንቻኔ፤
 ፑርታ ማሊሢ ዓኣ ዓሶ ጋዓንቴ ዒዚ ፑርታና ዋጋኔ።

- 3 ዓይኅ ዓሲ ማዕቲያ ፑርቱሞና ዶዲ ዔቃኒ ዳንዳዑዋሴ፤
ጎኔ ዓሲኮ ፃጰ ዓገጡዋሴ።
- 4 ማሊ ጰቂሣ ላኣሌላ ዓኒኮ ቦንቸኬ፤
ፔኤኮ ዓኒ ቦርሲሳ ላኣሌላ ጋዓንቴ ሜጌዎ ቆዒሳ ሃርጌጉዲኬ፤
ሃሣ ገንሣ ሜታሳ ዒሶ ዶርዎጉዴያኬ።
- 5 ጎኔ ዓሲኮ ማሊሣ ፒዜኬ፤
ፑርቶ ዓሶኮ ዘራ ጋዓንቴ ጌሺሣኬ።
- 6 ፑርቶ ዓሳ ዓሲ ባይዛኒ ፔ ጌኤዘና ፒራኔ፤
ፒዜ ዓሶኮ ጌኤዛ ጋዓንቴ ዳዳቂሻኔ።
- 7 ዋይዘ ዒፃ ዓሳ ሎኦሚ ቤሲ ባይቃኔ፤
ኮዦ ዓሶኮ ሾይንታ ጋዓንቴ ዶዲ ናንጋኔ።
- 8 ዓሲ ፔኤኮ ዔራቶና ጋላቲንታኔ፤
ማሊፃ ዋቦ ማዕ ዓሲ ጋዓንቴ ቶቶኦቸንታኔ።
- 9 ዎርጎቹ ማላዎ ሙዎ ባኣዚባኣ ዓሲዳፓ
ዔርቲባኣ ዓሲ ማሊ ማዶና ፔ ናንጎ ሃዓ ዓሲ ባሽኬ።
- 10 ኮሺ ዓሲ ፔ ማኣራ ዓኣ ቆልሞሞ ሚሚጨንታኔ፤
ፑርታ ዓሲኮ ሚጨንቲፃ ጋዓንቴ ጌኔ ማዲሣኬ።
- 11 ጎሺ ዶዲ ጎሽካ ዓሲኮ ሚርጌ ሙዎ ባኣዚ ዓኣያ ማዓኔ፤
ፓሠዋ ማሊሣና ናንጊሣ ዔኤያቶኬ።
- 12 ፑርታ ዓሲኮ ማሊፃ ቢያ ዎዴ ፑርታ ባኣዚ ማዳኒኬ፤
ኮሺ ዓሲ ጋዓንቴ ቱኮና ኮሺ ሚሣጉዲ ቃራ ዓኣፒ ዓኣፓኔ።
- 13 ፑርታ ዓሲ ዒዛኮ ፑርቶ ጌኤዛ ፒሮ ማዒ ዒዛ ባርቃኔ፤
ኮሺ ዓሲ ጋዓንቴ ሜቶይዳፓ ቶላኔ።
- 14 ኔኤኒ ዴንቃ ዓንጃ ኔኤኮ ኮዦ ጌኤዘና ማዶናፓኬ፤
ዬያ ጎይዎና ኔኤሞ ኮይሳሣ ኔኤኒ ዴንቃኔ።
- 15 ማሊ ጰቂሥሣ ፓጩ ዓሳ ማዳ ባካ ቢያ ዎዴ ፒዜ ዔያቶሞ
ማላኔ፤
ዔሮ ዓሲ ጋዓንቴ ኮሺ ዘሮ ዔካኔ።
- 16 ዔኤያ ዓሲኮ ዳጋ ቤዘና ዔርታኔ፤
ጨንጫ ዓሲ ጋዓንቴ ዒዛ ጫሽኮ ጫዦ ዔዔኤዳኔ።
- 17 ጎኦሞ ጌሰታ ዓሲ ቢያ ጉሙርቂንታ ማርካቶ ማርካዳኔ፤
ሉኡዙሞ ማርካዳይ ጋዓንቴ ዓሲ ጌሻኔ።
- 18 ማሊባኣዎ ጌሰቲንቴ ጌኤሲ ጨንቻ ዓራፖጉዲ ቲቃኔ፤
ዔራቶና ጌሰቲንቴ ጌኤሲ ጋዓንቴ ፓፓሣኔ።
- 19 ጎኦሞ ናንገና ዶዲ ናንጋኔ፤
ሉኡዙሞ ጋዓንቴ ዶዲ ናንጉዋሴ።
- 20 ፑርቱሞ ማላ ዓሶኮ ዒናይዳ ጌኔ ማሊሣ ዓኣኔ፤

- ኮሹሞ ዴንቃኒ ዘራ ዓሳ ጋዓንቴ ዎዛ ዴንቃኔ።
- 21 ኮሺ ዓሲ ፔቴታፆ ፑርታ ባአዚ ሄሉሞሴ፤
ፑርታ ዓሲኮ ጋዓንቴ ሜታ ሚርጋኔ፤
ዔያታ ዴንቃ ባአዚያ ባአሴ።
- 22 ናንጊና ናንጋ ጎዳ ሉኡዙሞ ሉኡቃ ዒንዲርሲ ሻሻአኪንታኔ፤
ጎኑሞ ዓአ ዓሶና ጋዓንቴ ዎዎዛዳኔ።
- 23 ማሊ ጳቂሣ ዓሳ «ኑ ዔራኬ» ጌይ ጌይ ፔና ኬኤዙሞሴ፤
ዔኤዮ ዓሳ ጋዓንቴ «ኑ ዔራኬ» ጌይፆና ፔኤኮ ዔኤያቶ ፔጋሲ
ዳዎኔ።
- 24 ማዳና ደዲ ማዒሣ ዎይሣ ሱኡጌ ማሃኔ፤
ቤልፃ ማዒሣ ጋዓንቴ ዓሲ ዴንካ ዎርቃያ ማሃኔ።
- 25 ማለሣና ሜታዲሣ ዎይሣ ዔኪ ሙካኔ፤
ኮሺ ጌኤሲ ጋዓንቴ ዎዎዛሳኔ።
- 26 ጎኔ ዓሲ ፔ ላጋሣ ዘሪ ፒዜ ጎይሣ ዔኪ ዓአዳኔ፤
ዎይዞ ዒፃ ዓሶ ጎይፃ ጋዓንቴ ጎኑሞፓ ሃኪሳያኬ።
- 27 ቤልፃ ዓሲ ሙዒኒ ካሣንዳ ባአዚ ባአሴ፤
ደዲ ማዳ ዓሲ ጋዓንቴ ዎርጎጫኔ።
- 28 ዒሉሞ ጎይሣዳ ሺሞፔና ናንጊሣ ዓአኔ፤
ዬኖ ጎይፆይዳ ሃይቢ ባአሴ።

13

- 1 ጪንጫ ናይ ፔ ዓደኮ ዘር ዎዎይዛኔ፤
ቶአቻያ ጋዓንቴ ጎሪ ዘራ ዘር ዎይዙሞሴ።
- 2 ዓሲ ፔኤኮ ኮሺ ጌሰቴ ጎይፆ ዒንጎ ባኮ ዔካኔ፤
ጌሻ ዓሶ ሱኡካ ጋዓንቴ ጌኔ ማዳ ማዲ ኩንሣኒኬ።
- 3 ማሊ ዔኪ ጌሰታ ዓሲ ፔ ሺሞፓሣ ካፓኔ፤
ማሉሞፆ ጌሰታሣ ጋዓንቴ ባይቃኔ።
- 4 ቤልፃ ዓሲ ፔቴ ባአዚ ዴንቃኒ ኮሺ ኮዓኔ፤
ያዲ ማዔቴያ ዒዚ ዴንቁሞሴ፤
ደዲ ማዳ ዓሲ ጋዓንቴ ኮዔ ባኮ ቢያ ዴንቃኔ።
- 5 ኮሺ ዓሲ ሉኡዙሞ ዒዒፃኔ፤
ፑርቶ ዓሶኮ ጌኤዛ ጋዓንቴ ቦርሲሳያና ዳውሲሳያናኬ።
- 6 ኮዦ ዓሶ ዔያቶኮ ኮሹማ ካፓኔ፤
ጎሞ ዓሶ ጋዓንቴ ዔያቶኮ ጎማ ባይዛኔ።
- 7 ፔቴ ፔቴ ዓሳ ፔቴታፆ ዓአ ባአዚ ባአንቴ
ዎርጎቹ ዓሲ ማዒ ጴዳኒ ኮዓኔ፤
ሃንጎ ዓሳ ሃሣ ሚርጌ ቆሎ ዓአንቴ

ፔቲታዎ ቆሎባኣ ዓሲ ማሊ ናንጋኔ።

8 ዖርጎቹ ዓሲ ፔኤኮ ሼምፓሢ ሚኢሼና ደቂሻኒ ማላኔ፤
ማንቆ ዓሲ ጋዓንቴ ዔውታንዳ ቆሎ ዒዛኮ ባኣሢሮ ማሊ
ሜታዲዋሴ።

9 ዲሎ ዓሶኮ ፖዓ ዓኣፓ ዲዲካያኬ፤
ጎሞ ዓሶኮ ፖዓ ጋዓንቴ ሃሃይቃኔ።

10 ዖቶርሙሞ ዑራ ማዣኔ፤
ዔራቶ ጋዓንቴ ዘሮ ዋይዛ ዓሲ ኮይላ ጴዳኔ።

11 ላቢንቴባኣ ዴንቆና ቆሎ ቤዘና ባይቃኔ፤
ዲዲ ማዴም ጴዴ ቆሎ ጋዓንቴ ሚርጊ ሚርጊ ዓኣዳኔ።

12 ሃጊ ማዓ ዋዛ ባይቂ ኔጋዖ ዒና ዖዪሳኔ፤
ዴንቃኒ ማሎና ባኣዚ ኩማዛ ጋዓንቴ ዋዋዛሳኔ።

13 ዓሲ ዑሣ ዓኣዳሢ ዓንካ ሙዓኔ፤
ዓይሥሢ ቦንቻሢ ጋዓንቴ ዬያ ዛሎ ዒንጎ ባኮ ዴንቃኔ።

14 ዔሮ ዓሳ ዔርዛ ባካ ናንጊኮ ካራኬ፤
ኔኤኮ ሼምፓሢ ሜቶይዳ ጌሌያታቴያ
ኔኤኒ ቶሊ ኬሰካንዳጉዲ ኔና ማኣዳያኬ።

15 ማሊ ጳቂሣያ ማዒሢ ዓሲ ቦቦንቹሳኔ፤
ጉሙርቂንቴዎያ ማዒሢ ባይሲንታይዳ ጌልዛኔ።

16 ማሊ ጳቂሣ ዓሳ ማዶ ማዳኒ ቤርታ ማሊ ቱኪ ማዳኔ፤
ማሊ ጳቂሥሢ ፓጩ ዓሳ ጋዓንቴ ዔኤቢ ዔራዋያ ማዒያ
ፔጋሲ ዔርዛኔ።

17 ጉሙርቂንቴዎ ከኢታ ዓሲ ሜቶ ዔኪ ዬዓኔ፤
ጉሙርቂንታያ ማዔ ከኢታ ዓሲ ኮሹሞ ዴንቂሳኔ።

18 ዘሮ ናሽኩሞ ዓሲ ማንቃቶና ዳውሲንቲና ሄላኔ፤
ጎሪ ዘሮ ዘሮ ዔካ ዓሲ ጋዓንቴ ቦንቹንታኔ።

19 ዴንቃኒ ዓፃዶና ባኣዚ ዴንቂሢ ሚርጌና ዋዛሳኔ፤
ማሊ ጳቂሥሢ ፓጩ ዓሳ ጋዓንቴ ፑርታ ባኣዚፓ ሃካኒ
ኮዑዋሴ።

20 ጨንጫ ዓሲና ላጋታ ዓሲ ዔሮ ዓሲ ማዓኔ፤
ማሊ ጳቂሥሢ ፓጩ ዓሲና ላጋታ ዓሲ ጋዓንቴ ሜሜታዳኔ።

21 ጎሞ ዓሳ ዴንዳ ቤዘ ቢያ ሜታ ዔያቶ ጊንዖ ዓኣዳኔ፤
ኮዡ ዓሳ ጋዓንቴ ፔኤኮ ኮዡ ማዶ ዛሎሮ ዒንጎ ባኮ ዔካኔ።

22 ኮሺ ዓሲ ፔኤኮ ናኣዚ ናኣቶም ሄላንዳ ቆሎ ቆላኔ፤
ጎሞ ዓሶ ቆሎ ጋዓንቴ ፒዜ ዓሳ ዳካላኔ።

23 ማንቆ ዓሲኮ ጎዡ ዑሣ ዓኣዳ ሚርጌ ሃኣኮ
ካፃኒ ዳንዳዓንዳያ ናንዳኔ፤

ጋዓንቴ ፒዜ ዎጌ ባይቁያ ማዓዛ ዬይ ባካ ዔውቲ ባባይቃ።

24 ናዖ ፔኤሲ ጳርቁዎ ዓሲ ናሽኩዋሴ ጌይሢከ፤

ናዖ ፔኤኮ ናሽካሢ ጋዓንቴ ጳርቁ ዲቻ።

25 ጎኔ ዓሳ ሙዓኒ ኮዓሢጉዴያ ሙሙዓኔ፤

ጎሞ ዓሳ ጋዓንቴ ቢያ ዎዴ ናናይዲንታ።

14

1 ዔራ ላኣሊ ማኣሮ ፔኤኮ ዛጊ ማዣኔ፤

ዔኤያ ላኣሊ ጋዓንቴ ፔ ኩቻ ማኣሮ ሻሻሃ።

2 ሃንቲፃ ፒዜ ማዔ ዓሲ ናንጊና ናንጋ ጎዳ ዒጊጫያከ፤

ጎይፃ ዎሶ ማዔ ዓሲ ጋዓንቴ ናንጊና ናንጋ ጎዳ ቶቶኦቻ።

3 ዔኤያ ዓሲኮ ጌኤዛ ዒዛ ማቶይዳ ዓጋ፤

ዔሮ ዓሶ ጋዓንቴ ዔያቶኮ ኮዦ ጌኤዛ ካጋ።

4 ኔኤኮ ጎሽካ ጌማይ ባኣቴ ኮና ጉሪ ማዓኔ፤

ጌማይ ኔኤኮ ዓኣቴ ኮና ኔኤኮ ሃኣኮና ኩማ።

5 ጉሙርቂንታ ማርካ ሉኡቁዎ፤

ሉኡዚ ማርካዳይ ጋዓንቴ ከኤዛሢ ሉኡዚ ባኣዚከ።

6 ዔኤቢ ቦሂ ሸራ ዓሲ ዔራቶ ኮኮዓ፤ ጋዓንቴ ዒ ዴንቁዎ፤

ማሊ ጳቂሢ ዓሳ ጋዓንቴ ዔራቶ ሼሌዔና ኮርማ።

7 ዔያቶይዳፓ ኔ ዔራጎዳ ዔራቶ ባኣሢሮ

ዔኤዮ ዓሶይዳፓ ሃከ።

8 ጨንጮ ዓሲኮ ዔራታ ጎይፃ ዒዛ ዣኣሊሱዎ፤

ዔኤያ ዓሲ ጋዓንቴ ዒዛኮ ዔኤያታ ጎይፃ ዣኣኣሊሳ።

9 ዔኤዮ ዓሳ ጎማ ማዳኣና ዖዮንዶ ቤዞ ቦሂ ዓዓማላ፤

ኮዦ ዓሳ ጋዓንቴ ጎማ ዔያቶኮ ዓቶሞ ጌይንታንዳጉዲ ኮዓ።

10 ኔኤኮ ዎዞ ማዔቴያ ዖዩፃ ኔኤሮከ፤

ዖኣኒያ ኔኤና ጊሽታንዳይ ባኣሴ።

11 ፑርታ ዓሲኮ ማኣራ ሻሂንታ፤

ኮሺ ዓሲኮ ማኣራ ጋዓንቴ ዶዲ ናንጋ።

12 ዓሲም ፒዜ ማሊ ጳዳ ጎይሢ ዓኣ፤

ጋፒንፃ ጋዓንቴ ሃይቢ ባንሢ ዔኪ ዴንዳያከ።

13 ሚኢቺ ሚኢጨንታኣታዖ ዒኔ ዖዖ፤

ዎዛኮዎ ጋፒንሢ ዬኤፒከ።

14 ዎሶ ዓሳ ዔያቶኮ ፑርቶ ማዶ ዛሎ ዒንጊንታ ባኮ ዔካ፤

ኮዦ ዓሳ ጋዓንቴ ፔኤኮ ኮዦ ማዶ ዛሎ ዒንጊንታ ባኮ ዴንቃ።

15 ዔኤያ ዓሲ ዒዛም ከኤዞ ባኮ ቢያ ጉሙርቁ ዔካ፤

14:12 ኮሎስ. 16:25።

- ጩንጮ ዓሳ ጋዓንቴ ፔኤኮ ሃንቲፆ ሺርሺ ዛጋኔ።
- 16 ዔራ ዓሲ ፔና ካፓኔ፣ ፑርታፓኦ ሃካኔ፤
ዔኤዮ ዓሳ ጋዓንቴ ፑርታ ባኦዚፓ ፔና ካፑዋኦ፤ ሩኤራያኬ።
- 17 ደጋ ደጋደ ዓሲ ዔኤያቶ ማዶ ማዳኔ፤
ፔ ዒኖና ጌኔ ባኦዚ ሱካሢ ዓሲ ናሽኩዋሴ።
- 18 ዔራቶ ፓጩ ዓሳ ፔኤኮ ቤልፀሞ ዛሎ ዒንጊንታ ባኮ ዔካኔ፤
ጩንጮ ዓሳ ጋዓንቴ ዔራቶ ፔኤኮ ቶኦካ ዓሳ ቦንቾ ባኮጉዲ
ዓጋኔ።
- 19 ፑርቶ ዓሳ ኮዠ ዓሶ ቤርታ ጉምዓታኔ፤
ጎም ዓሳ ዒሎ ዓሶ ካራ ጉምዓቲ ዚጋኔ።
- 20 ማንቆ ዓሲ ፔኤኮ ዓሺኖ ኮይላታፆ ዒዒንታያኬ፤
ፆርጎቹ ዓሲኮ ጋዓንቴ ሚርጌ ላጌ ዓኦኔ።
- 21 ዓሲ ቶኦቻያ ጎሜ ማዳያኬ፤
ማንቆ ዓሶም ሚጩንታሢ ጋዓንቴ ዓንጂንቴያኬ።
- 22 ፑርቱም ማሊ ቱካ ዓሳ ዳቢንቴ ዓሲቱዋዓዳ?
ኮሺ ባኦዚ ማሊ ቱካ ዓሳ ጋዓንቴ ማኦሪንቲሢና
ጉሙርቁንቲና ዴንቃኔ።
- 23 ዶዲ ማዲሢ ዔኤቢ ማኦዳንዳ ባኦዚ ጴዲሳኔ፤
ጉሪ ሃይሴ ዓሲ ማዒሢ ጋዓንቴ ማማንቁሳኔ።
- 24 ጩንጮ ዓሶኮ ቶኦካ ዓሳ ቦንቾ ባካ ዔያቶኮ ዔራቶኬ፤
ዔኤዮ ዓሶኮ ፓልማሢ ጋዓንቴ ዔያቶኮ ዔኤያቶኬ።
- 25 ጎኦም ኬኤዛ ማርካ ሺምፔ ዓውሳኔ፤
ሉኦዙም ኬኤዛ ማርካ ጋዓንቴ ጌሻያኬ።
- 26 ናንጊና ናንጋ ጎዳ ዒጊጩ ዓሲ
ፔ ቶኦኮና ፔ ማኦሮ ዓሶናም ዶዲ ጉሙርቆያ፣ ሃሃ ጌኤቁንቶ
ጎንጃኬ።
- 27 ናንጊና ናንጋ ጎዳ ዒጊጩሢ ናንጊኮ ካራኬ፤
ዬያሮ ሃይቢ ፐርይዳፓ ቶላኒ ኔ ኮዔቴ ናንጊና ናንጋ ጎዳ
ዒጊጩ።
- 28 ካኦቶኮ ዴኤፑማ ዛጊንቲ ዔርታሢ ዒዚ ዋይሢ ዴር
ሚርጉምናኬ፤
ዒዛም ዋርቃ ዴሬ ባኦያ ማዔቴ ጋዓንቴ ካኦቲም ባይሲንታኬ።
- 29 ጊቢ ዳንዳዓ ዓሲ ኔ ማዔቴ ማሊ ጸቁሢ ዓሲ ማዔሢ ፔጋሲ ኔኤኒ
ደዋኔ፤
ደጋደ ዓሲ ማዔቴ ጋዓንቴ ቦኦዙም ኔኤኮ ኔኤኒ ፔጋሳኔ።
- 30 ኮሹም ዓኦ ዒኔ ዑሢኮ ዒቢሊ ማሃኔ፤
ቁኦሩም ጋዓንቴ ማጌሢ ጋኦጩኔ።

- 31 ማንቆ ዓሶ ሄርቁ ዋይሢ ማገዜሢ ቶኦቲሢኬ፤
 ማንቆ ዓሶም ኮሺ ባኣዚ ማዲሢ ጋዓንቴ
 ያኦሲ ቦንቲሢ ማዒ ፓይዲንታኔ።
- 32 ሜታ ሄላዛ ፑርቶ ዓሳ ሎሎኦማኔ፤
 ዲሎ ዓሳ ጋዓንቴ ዔያታ ሃይቁቴያ
 ፔኤኮ ጉሙርቁንቲያና ካፒንታኔ።
- 33 ማሊ ጳቂሢ ዓሶኮ ዒና ዔራቶና ኩሜያኬ፤
 ጋዓንቴ ዔኤዮ ዓሶ ዒኖይዳ ዔራቶ ዔርቴዋያኬ።
- 34 ኅኩሞ ፔቲ ደሬ ዴኤፒ ማሃኔ፤
 ኅሜ ጋዓንቴ ዓይጎ ደሬያ ማያም ዳዳውሲሳኔ።
- 35 ካኣታ ዔራቶና ማዳ ዓሶ ዛሎና ዋዋዛዳኔ፤
 ቦርሲሳያ ማዔ ማዳ ዓሳ ጋዓንቴ ካኣቲ ዳጋሳኔ።

15

- 1 ሺኣቲ ጌሰቲሢ ዳጋ ሺሚሻኔ፤
 ዳጋ ዑኡሲ ጋዓንቴ ዳጎ ሃቲም ደዲሻኔ።
- 2 ዔር ዓሲ ጌሰታ ጌኤሲ፡- ዓሲ ዔራቶ ኮዓንዳጉዲ ማሃኔ፤
 ዔኤያ ዓሲ ዳንጋፓ ጋዓንቴ ጉሪ ዔኤያቶ ባኣዚ ኬሰካኔ።
- 3 ናንጊና ናንጋ ጎዳ ቢያ ቤሰካ ማዲንታ ባኮ ጉቤ ዛጋኔ፤
 ኮሺ ማዔቴያ ፑርታ ባኣዚ ማዲንታሢ ዒዚ ደዴንቃኔ።
- 4 ኮሺ ጌኤሲ ናንጊኮ ዴኤሻኬ፤
 ጌኔ ኩሜ ጌኤሲ ጋዓንቴ ዒኔ ሜንሣኔ።
- 5 ዔኤያ ዓሲ ፔ ዓዶኮ ዘር ቶቶኦቻኔ፤
 ጎሪ ዘር ዘር ዔካሢ ጋዓንቴ ማሊ ጳቂሢ ዓሲኬ።
- 6 ኮሺ ዓሲኮ ማኣራ ሚርጌ ቆሎና ኩማኔ፤
 ፑርቶ ዓሳ ዴንቃ ባካ ጋዓንቴ ሜቶ ዔያቶም ዔኪ ዬዓኔ።
- 7 ዔራቶ ዳልጊ ዴንዳሢ
 ጨንጮ ዓሶና ማዓንዳፓዓቴም ዔኤዮ ዓሶናቴዋሴ።
- 8 ናንጊና ናንጋ ጎዳ ጎሞ ዓሳ ዒዛም ዒንጋ ባኮ ሻሻኣኪንታኔ፤
 ዒኖ ፒዜዘንሢኮ ሺኣዲፃ ጋዓንቴ ዒዛ ዋዋዛሳኔ።
- 9 ናንጊና ናንጋ ጎዳ ፑርቶ ዓሶኮ ጎይያ ዒፃኔ፤
 ፒዜ ማዳ ዓሶ ጋዓንቴ ዒ ናሽካኔ።
- 10 ፒዜ ማዔ ጎይያ ሃሺ ዳቢንቲ ማዔ ባኣዚ ማዳሢ ሜቶ ዔካኔ፤
 ጎሪ ዘር ዘር ዒፃሢያ ባይቃኔ።
- 11 ናንጊና ናንጋ ጎዳ ሃይቁ ዓሳ ዓኣ ቤዘንታ
 ባይሲንቶ ቤዘንታይዳ ዓኣ ባኮ ዛጋያ ማዔቴ
 ኦኡኮ ዒኖ ጋራ ዓኣሢ ዋይቲ ዒዚ ዛጊንዳዋይ?

- 12 ዔኤቢ ቦሂ ሺራ ዓሲ ዘሮ ናሽኩዋሴ፤
ዔሮ ዓሲዳፓ ዘሮ ምኡጩዋሴ።
- 13 ዒና ዋዛ ዓኣፒ ካራ ፖሚሃ፤
ዒና ምዒሢ ጋዓንቴ ጎጲ ዋኣዲሳ።
- 14 ማሊ ጳቂሢ ዒኔ ዓኣ ዓሲ ዔራቶ ከኮዓ፤
ዔኤዮ ዓሳ ጋዓንቴ ፔ ዔኤያቶ ከሺ ማሂ ዋዋዛዳ።
- 15 ሄርቁንቴ ዋርቃ ዓሶኮ ናንጋ ቢያ ዋዴ ማቶናኬ፤
ዋዛዳ ዓሳ ጋዓንቴ ቢያ ዋዴ ፔ ናንጋ ገኢጌም ናንጋ።
- 16 ምርጎቹታዎ ዛሎና ናንገሢዳፓ
ማንቆ ማዒ ናንገና ናንጋ ጎዳ ቦንቹ ናንገሢ ኮሺኬ።
- 17 ዋሊ ዒዲሢ ዓኣ ቤሰካ ማሊ ዓሽኪ ሙይሢዳፓ
ናሹም ዓኣ ቤሰካ ኮልፖ ሙይሢ ቃራኬ።
- 18 ጎሪንቴ ዛሎ ማዛ፤
ገቢ ዳንዳዒሢ ጋዓንቴ ዑራ ጨጨኣሽ።
- 19 ቤልፃ ዓሲኮ ጎይሢ ማቶ ዓንገሢና ዲርቁንቴያኬ፤
ፒዜ ዓሲኮ ጎይፃ ጋዓንቴ ባኣሶና ዳልገ ጎይሢጉዴያኬ።
- 20 ጨንጫ ናይ ፔ ዓዶ ዋዋዛሳ፤
ዔኤያ ናይ ጋዓንቴ ፔ ዒንዶ ቶኦቻ።
- 21 ማሊ ጳቂሢሢ ፓጩ ዓሳ ፔ ዔኤያቶና ዋዛዳ፤
ጨንጩ ዓሳ ጋዓንቴ ፒዜ ማዔ ባኣዚ ማዳ።
- 22 ኮሺ ዘሮ ኔ ዋይዚ ዔኬቴ ቢያ ባኣዚ ኔኤም ገኢጋንዳ፤
ዘሮ ኔ ዋይዚባኣቴ ዓይጎ ባኣዚያ ኔኤም ገኢጋዓኬ።
- 23 ኮይሳ ገኤሲ ኮይሳ ቤሰካ ገሰቲሢ ሚርጌና ዋዛሳ።
- 24 ጨንጩ ዓሳ ለካ ዔኪ ዓኣዳ ሸምፓሢ ጎይፃ ዓኣዳኣፓዓቴም
ሊካ ኬይሳ ሃይቢ ጎይፃ ዓኣዳዋሴ።
- 25 ናንገና ናንጋ ጎዳ ምርቃ ዓሶኮ ማኣሮ ባይዛ፤
ዜኤሮ ዒንዶኮ ዛጳ ሂዒንቴዋጉዲ ዒዚ ካፓ።
- 26 ናንገና ናንጋ ጎዳ ፑርታ ማሢሢ ዒፃ፤
ገኤሺ ማዔ ሃይሴና ጋዓንቴ ዒ ዋዛዳ።
- 27 ጋኣዶና ዔኤቢገዲ ቃሲ ዴንቃኒ ኔኤኒ ማሌቴ
ኔ ማኣሮ ዓሶ ማቶይዳ ኔኤኒ ኬኤራንዳ፤
ዴሚና ዒንጎ ሚኢሽ ዔኪፖ፤ ሚርጌ ዋዴ ኔኤኒ ናንጋንዳ።
- 28 ኮሺ ዓሲ ገሰታንዳሢኮ ቤርታ ማማላ፤
ፑርቶ ዓሳ ጋዓንቴ ሩኡሩምና ፑርታ ሃይሴ ገሰታ።
- 29 ናንገና ናንጋ ጎዳ ፑርቶ ዓሶ ሺኢጲያ ቂል ጋዓ፤
ኮዥ ዓሳ ዒዛ ሺኢቃዛ ጋዓንቴ ዒ ዋዋይዛ።
- 30 ዋዛዴ ዓኣፒ ካራ ዒና ዋዋዛሳ፤

- ኮሺ ሃይሴያ ማለሂ ዓካሲ ዶዲሻኔ።
- 31 ናንጊ ዒንጋ ዘሮ ዋይዚ ዔካሂ
ዔሮ ዓሲኮ ላጌ ማዓኔ።
- 32 ጎሪ ዘሮ ዘሮ ዒፃሂ ፔና ሜቶይዳ ዓጋኔ፤
ጎሪ ዘሮ ዘሮ ዔካሂ ጋዓንቲ ዔራቶ ቃሳኔ።
- 33 ናንጊና ናንጋ ጎዳ ዒጊጨሂ ዔራቶ ዴንቁሂኬ፤
ቦንቾ ዴንቃኒ ቤርታዲ ሼለዔ ማዓኒ ኮይሳኔ።

16

- 1 ዓሲ ማለሂ ማሊ ቱካኔ፤
ጋዓንቲ ዩይ ማለፃ ማደይዳ ፔኤቃሂ
ናንጊና ናንጋ ጎዳ «ማፆንጎ» ጌይ ዓይህዛ ሌሊኬ።
- 2 ዓሲ ማዳ ባካ ቢያ ዩያ ማዳ ዓሂም ፒዜ ማዔያ ማላኒ ዳንዳዓኔ፤
ጋዓንቲ ናንጊና ናንጋ ጎዳ ዩይ ማለፃ ዋዘምታቲያ ዛጋኔ።
- 3 ኔ ማዳ ባኮ ቢያ ናንጊና ናንጋ ጎዳም ሃዳርሲ ዒንጌ፤
ኔ ማሊ ቱኬ ቱኡዛ ቢያ ኔኤም ጊኢጋንዳኔ።
- 4 ናንጊና ናንጋ ጎዳ ማዜ ባኮ ቢያ ጉሪ ማዢባኣሴ፤
ፑርቶ ዓሶታፆ ዒዚ ባይዛኒ ኬሊ ጌሄኔ።
- 5 ናንጊና ናንጋ ጎዳ ሄርሺንታ ዓሶ ቢያ ሻሻኣከንታኔ፤
ሜቶይዳፓ ዔያቶ ዒ ቶሊሲንዲዋሴ።
- 6 ናሹሞና ጉሙርቁሂና ጎሜ ጌጌኤሻኔ፤
ፆኦሲ ዒጊጨሂና ዓሲ ፑርታ ባኣዚፓ ሃካኔ።
- 7 ዓሲ ፔ ሃንቲፆና ናንጊና ናንጋ ጎዳ ዋዛሳያ ማዔቲ
ዩይ ዒዛኮ ሞርኮናታፆ ዒዛ ኮሺ ናንጊሻኔ።
- 8 ፒዚ ዋጌ ዋቢሺ ዴንቆ ሚርጌ ቆሎይዳፓ
ጎኑሞና ጴዳ ዳካ ቆሎ ባሽኬ።
- 9 ዓሲ ማለሂ ማሊ ቱካኔ፤
ጋዓንቲ ዩይ ማለፃ ጋፒንሂ ሄላሂ ናንጊና ናንጋ ጎዳ
ማኣዴምኬ።
- 10 ካኣታ ዋጋሂ ናንጊና ናንጋ ጎዳይዳፓ ዔኬ ቢታንቶናኬ፤
ዩያሮ ዒዚ ጌሰቲ ቲቃ ባካ ቢያ ዋዴ ፒዜ ማዓኒ ኮይሳኔ።
- 11 ዔቦኮ ዴኤሠሞ ዔሮ ባኮንታ ማኮ ባኮንታ ፒዜ ማዓንዳጉዲ፤
ሻንቺንቶም ኬሶ ባካኣ ቢያ ፒዜና ሻንቺንታንዳጉዲ
ናንጊና ናንጋ ጎዳኮ ዓይሥሂኬ።
- 12 ካኣታ ዶዲ ዴዓሂ ፒዜ ዋጊሂናታሂሮ
ፑርታ ማዳ ሱኡጎ ዒዒሂያኬ።
- 13 ካኣታ ጎኑሞ ሃይሴና ዋዛዳኔ፤

- ጎኑሞ ገሰታ ዓሲያ ዔያታ ቦቦንቻኔ።
- 14 ካኣቶ ዳጋ ሃይቢኮ ኪኢታ ዓሲኬ፤
ጨንጫ ዓሲ ጋዓንቴ ዒዛኮ ዳጎ ሺሚሻኔ።
- 15 ካኣቶኮ ዓኣፒ ካራ ፖዒሲፃ ዎዛዴያ ማዒያ ዔርዛኔ፤
ዒዛና ናሽኪንታያ ማዒያ ዓዳ ባርገ ዒርዚጉዲ ዓኣዒሳያ ማዓኔ።
- 16 ዎርቄ ዴንቁሢዳፓ ዔራቶ ዴንቁሢ ባሽኬኔ፤
ቢራ ዴንቁሢዳፓኣ ዔራቶ ዴንቁሢ ኮሺኬኔ።
- 17 ኮሺ ዓሲ ፑርታባኣ ጎይሢና ዓኣዳኔ፤
ሃንቲያ ፔኤኮ ኮሻሢ ሺምፓሢ ፔኤኮ ካፓኔ።
- 18 ዎቶርሞ ባይሲንታ ባንሢ ዔኪ ዓኣዳኔ፤
ሄርሺንቲያ ሎኦሞ ሄሊሳኔ።
- 19 ዎቶር ዓሲና ዎላ ቡሪ ዔኮና ባኣዚ ገሽቲ ዔኪሢዳፓ
ሺሌዔ ዓሲ ማዒ ማንቁ ናንገሢ ኮሺኬኔ።
- 20 ዒዛም ኬኤዚንታ ዞር ዎይዛሢ ዎርጎጫንዳኔ፤
ናንገና ናንጋ ጎዳ ጉሙርቃሢያ ዓንጂንቲያኬኔ።
- 21 ማላ ማሊያና ዒናዴ ዓሲ ማዒሢ ዔራ ዓሲ ማዒያ ዔርዛኔ፤
ኮሺ ማዓ ዑኡሲና ገሰቲሢ ማሌ ዓሲ ዔኤቢ ዔርዛኔ።
- 22 ዔራቶ ሚኢሺ ማሢ ዓርቄሢም ናንገኮ ካራኬ፤
ዔኤዮ ዓሳ ጋዓንቴ ፔኤኮ ዔኤያቶና ሜቶ ዔካኔ።
- 23 ዔር ዓሲኮ ዒና ዒ ገሰታ ገኤዞ ካፒ ገሰቲሳኔ፤
ዒዛ ዳንጋፓ ኬሰካ ገኤዞ ሚርገ ባኣዚ ዔርዛያ ማዓኔ።
- 24 ኮሺ ገኤሲ ዔኤሲ ዎሎሊጉዲ ዓኣፃኔ፤
ዑሢኮዎ ዳቁንታኬ።
- 25 ዓሲም ፒዜ ማሊ ጴዳ ጎይሢ ዓኣኔ፤
ጋፒንፃ ጋዓንቴ ሃይቢ ባንሢ ዔኪ ዓኣዳያኬ።
- 26 ዓሲ ዶዲ ማዳንዳጉዴያ ማሃሢ ዒዚ ሙዓኒ ማላ ማሊያኬ፤
ናይዚ ሃሃ ማዳም ዓሲ ዔቁሳኔ።
- 27 ሱላ ፑርታ ባኣዚ ማሊ ቱካኔ፤
ገኤዞ ዒዛኮ ታሚጉዲ ሚቻኔ።
- 28 ገኔ ዓሲ ዑራ ማኸኔ፤
ደንኮ ደንካ ዓሲ ዎላ ፔቴ ማዔ ላጎ ዎሊፓ ዲማሳኔ።
- 29 ዑራ ኮዓ ዓሲ ዓሲ ገሺ
ባይሲንታ ባንሢ ዔኪ ዓኣዳኔ።
- 30 ዓሲዳ ዓኣፒ ዎዲ ሺራይ ገኔ ማዳ ማዳኒ ማሊ ቱኬያኬ፤

ሃአሚ ፔኤኮ ዳዓሢያ ፑርቱሞ ባንሢ ዓአዲያኩ።

31 ቡኡቁ፡- ጾኦሲ ዓሲሞ ዒንጋ ዴኤፒ ቦንቾኬ፤
ዬይ ዴዳሢያ ዲማዲ ናንጎ ናንገናኩ።

32 ዎልቃዲያ ማዓሢዳፓ ባሼ ገቢ ዳንዳዓያ ማዓሢ ኮሺኬ፤
ሚርጌ ካታማ ጾሊ ባሺ ዓርቁሢዳፓ ፔና ዔሬ ቆሊሢ ባሼኩ።

33 ናንገና ናንጋ ጎዳኮ ማሊያ ዔራኒ ዓሳ ዒፃ ዓጋኔ፤
ጋዓንቲ «ማጾንጎ» ጌይ ጎናሳሢ ዒዛኩ።

17

1 ዑራና ማርሞና ሚርጌ ማአሪዳ
ገኢገሽና ዴኤፒ ሙኡዚር ዴይሢፓ
ኮሹሞ ዓአ ማርካ ሜልዚ ላኣዳ ቡርሺሢ ሙይሢ ቃራኩ።

2 ማአር ዓዶ ማዒ ዎይሢሢኮ ናዓ ፓሠቆያ ቦኦዛ ማዔቲ
ዓይሌ ማዒ ማዳ ጨንጮ ዓሲ ፔ ጎዳ ናጾኮ ዑሢ ማዓኔ፤
ዬያ ናማኮ ጌርሲንሢጉዲ ዓዶ ባኮ ዳካላያ ማዓኔ።

3 ዎርቁና ቢራና ታሚዳ ሸኤሽ ዶዶሞ ዔርሢጉዲ
ናንገና ናንጋ ጎዳ ዓሲኮ ዒኔ ዬያይዲ ዛጋኔ።

4 ፑርታ ዓሲ ፑርታ ባአዚ ዎይዛኔ፤
ሉኡዚ ዓሲያ ሉኡዙሞ ባአዚ ዒናፓ ዎይዛኔ።

5 ማንቆ ዓሶ ኔኔኒ ቶኦቻያ ማዔቲ
ዔያቶ ማኸፍ ጎዳ ጫሽኪሢ ማዓኔ፤
ሜሌ ዓሲ ዑሰካ ሄላ ሜቶና ኔኔኒ ዎዛዲያ ማዔቲ
ኔኔኒያ ሜቶ ዔካንዳኔ።

6 ጋርቾ ዓሳ ፔኤኮ ናአቶኮ ናአቶና ሄርሺንታሢጉዲ
ናአታአ ፔኤኮ ዓዶንሢና ሄርሺንታኔ።

7 ዔኤያ ዓሲ ዔራቶ ጌኤሲ ጌሰቱሞሴ፤
ቦንቾንታ ዓሲ ሃሣ ሉኡዙሞ ጌኤሲ ጌሰታያቱሞሴ።

8 ፔቲ ፔቲ ዓሶሞ ዴሚና ዒንጎ ሚኢሼ ዓዳ ማርሻጉዲ ማዳያ ማላኔ፤
ዴሚና ዒንጎ ሚኢሼ ዒንገሢና ቢያ ባካ ኑኡሞ ገኢጋንዳኔ
ጌይ ዔያታ ጉሙርቃኔ።

9 ዳቤሢሞ ዓቶሞ ጋዓሢ ላጋቶ ዶዲሻኔ፤
ዳቤንቲ ማሃ ማሃ ከኤዛ ዓሲ ጋዓንቲ ፔኤኮ ዑኩ ላጋሢ ሴካ
ዶካኔ።

10 ዔኤያ ዓሲ ያኤታ ማይንቲ ዠራፓና ጳርቁንቲ ዔኤቢ ዔራያይዳፓ
ማሊ ጳቁሣ ዓሲ ፔቲይዳፓ ዓአዲሞያና ጎሪ ዞር ዞርና ዔራሢ
ባሻያኩ።

11 ፑርታ ዓሲ ቢያ ዎይ ዎይዚ ዒፃያኩ፤

- ዬያር ዒዛም ማኣሪሚ ዔሩቀ ኪኢታ ዓሲ * ዳኪንታኔ።
- 12 ዔኤያ ዓሲ ዔኤዩም ማደ ማደንቴ ካኣሚሚፓ
 ናይ ዔውቴ ዲቤ ጌይንታ ቦዖና ካኣሚፃ ቃራኬ።
- 13 ኮሺ ባኣዚ ማደንቴንቴ ፑርታ ባኣዚ ማሃሚኮ
 ፑርታ ባኣዚ ቢያ ዎዴ ማኣሪፓ ሺኢኩቦሴ።
- 14 ዑራ ማኸሚ፡- ቃዚ ዴይሃና ዎኣሚ ዑሪሚጉዲኬ፤
 ዬያር ዑራ ማኸንታንዳሚኮ ቤርታ ማርሞ ሃሼ።
- 15 ጌኤሺ ዓሲ ፑርታ ማሃ ዎጊሚንታ
 ዳቢንቴ ዓሲ ጌኤሺ ማሃ ዎጊሚንታ
 ዩንሚ ላምዖ ባኮ ናንጊና ናንጋ ጎዳ ዒፃ ማደኬ።
- 16 ዔኤያ ዓሲኮ ማኸንቴፓ ዓርቃዖ ማሊ ጳቂሥሚ ማሊሚ ባኣሚር
 ፔኤኮ ሚኢሾ ዔራቶ ሻንቃኒ ኬሴያታቴያ ዬይ ዒዛ ማኣዳንዳ
 ባኣዚ ባኣሴ።
- 17 ላጌ ዓይጎ ዎዴናታቴያ ፔ ላጋሚ ናናሽካኔ፤
 ጌርሲንሚ ማዒ ሾይንታሚያ ሜቶ ዎሊኮ ኬዳኒኬ።
- 18 ማሊ ጳቂሥሚ ፓጩ ዓሲ ዔሩቀ ዓሲኮ ጋሌ ጩጋኒ ጩኣቃኔ፤
 ፔና ዎኣሴ ማሃያኣ ሺኢሻኔ።
- 19 ዑራ ናሽካሚ ጎሜ ናሽካኔ፤
 ዳጊዲ ኮሾና ማርሻ ካራጉዲ ፔና ዳጊሳ ዓሲ ሎኦሚሚ
 ዔኤላኔ።
- 20 ፑርታ ማላ ዒኔና ዓኣ ዓሲም ጊኢጋ ባኣዚ ባኣሴ፤
 ጌሺሚ ጌኤሲ ጌሰታ ዓሲያኣ ሜቶይዳ ሎኦማኔ።
- 21 ቤልፃ ናይ ሾዔ ዓሲ ያዖያኔ፤
 ፑርታ ናይ ዓዶኮ ዎዛ ባኣሴ።
- 22 ዎዛዳያ ማዒሚ ዒኔም ኮሺ ዴኤሻኬ፤
 ያዩሚ ጋዓንቴ ዓሲኮ ዎልቄ ባይዛኔ።
- 23 ፑርታ ዓሲ ዎጌ ዎቢሳኒ
 ዴሜና ዒንጎ ሚኢሾ ዔካኔ።
- 24 ማሊ ጳቂሃ ዓሲ ፔ ዓኣፖ ካሮ ዔራቶ ባንሚ ሺርሻኔ፤
 ዔኤያ ዓሲኮ ዓኣፖ ካራ ጋዓንቴ ቢያ ዛሎ ጉሪ ሊሲ ሊሲ
 ዛጋኔ።
- 25 ቤልፃ ናይ ፔ ዓዶ ያዩሚዳ ጌልዛኔ፤
 ፔ ዒንዶሜኣ ፑርታ ማሊሚ ዔኪ ሙካኔ።
- 26 ጌኤሺ ዓሲ ዳቦ ጩጊሺሚ፤
 ሃሃ ጊንሃ ቦንቺንታ ዓሲ ዠራፓና ጳርቂሲሚ ኮይሳያቴቦሴ።

* 17:11 ማኣሪሚ ዔሩቀ ኪኢታ ዓሲ ጋዓዙ፡- ፔቴ ፔቴ ማጻኣፓ «ሃይቢ» ጋዓኔ።

- 27 ጌኤዛ ጌኤኮ ቃዚ ጌሰታሢ ዔራኬ፤
ታሣ ማሊሢ ዓኣ ዓሲ ማሊ ጳቂሣ ዓሲኬ።
- 28 ዔኤያ ዓሲ ዚቲ ጋዓዛ ዔራ ዓሲ ማላኔ፤
ፔቲታዖ ዒዚ ጌሰቱዋዖ ዓቲቲ ጨንጫ ዓሲ ማዒ ፓይዲንታኔ።

18

- 1 ፔና ናሽካ ዓሲ ፔ ማሊዖ ጎይዖማ ሌሊ ዓኣዳኔ፤
ሜሌ ዓሲዳፓ ዒዛም ኬኤዚንታ ፒዜ ማሊሢታቲታዖ ዒዒ ማማካኔ።
- 2 ዔኤያ ዓሲ ፔ ኬኤዛ ባኮማ ሌሊ ፔጋሳኒ ኮዓፓዓቲም
ዔራቶ ሜሌ ዓሲዳፓ ዔከሢ ዒዛ ዋዛሱዋሴ።
- 3 ጎሜና ቦርሲንቲና ዋሊፓ ዲማዲዋ ባኣዚኬ፤
ኔኤኒ ቦንቺንቲ ባኣቲ ቦርሲንታንዳኔ።
- 4 ዓሲ ዳንጋፓ ኬሰካ ዔራቶ ጌኤሲ
ኮሺ ዔታዳ ዔቲይዳ ዓኣ ዋኣሢጉዲኬ፤
ሃሣ ዓልቃ ዋኣሢጉዲያኣ ዓኣፃያኬ።
- 5 ዳቤ ዓሲ ማኣዲ ጌሰቲሢና
ጌኤሺ ዓሲ ፒዜ ዋጌ ዳንቁዋጉዲ ማዲሢ ኮይሳያቲዋሴ።
- 6 ዔኤያ ዓሲ ጌኤሲ ዑራ ማዛኔ፤
ዒዚ ጉሪ ጌሰቲ ሺራ ባካ ኮኣሎና ጳርቂሳኔ።
- 7 ዔኤያ ዓሲ ጌሰታኣና ፔና ሜቶይዳ ዓጋኔ፤
ዒዛኮ ጌኤዛ ፒሮ ማዒ ዒዛ ዓርቃኔ።
- 8 ዳንኮ ዓሲኮ ጌኤዛ ዓኣሢ ሙኡዚጉዲ
ዋዛሲ ዋዛሲ ዳንዲ ዓሽኮ ጋሮ ሃላያኬ።
- 9 ቤልፃ ዓሲ ዔኤቢ ፑርቲሴ ዓሲፓ ዲማዲ ዛጊንቲዋሴ፤
- 10 ናንጊና ናንጋ ጎዳኮ ሱንፃ ደዲ ዋርዲያ ቤሲጉዲኬ፤
- 11 ዖርጎጮ ዓሳ ጋዓንቲ ዔያቶኮ ቆላ ካታሞ ዙላ ዓኣ ዳጌ፤
ሃሣ ጊንሣ ደዲ ኬኤሌ ማዒ ዔያቶ ካፓያ ዔያቶም ማላኔ።
- 12 ሎኣሞኮ ቤርታ ዓሲኮ ዒኔ ዖቶርቃኔ፤
ሺሌዔ ዓሲ ቦንቺንታኔ።
ሺሌዑም ጋዓንቲ ቦንቺፓ ቢራኔ።
- 13 ዋይዚ ዔኩዋዖ ማሢ ኬኤዚሢ
ዔኤያ ማሃኔ፤ ሃሣ ቦርሲሳያኬ።
- 14 ሃርጌ ሃርጋ ዋዴና ደዲሢ ማማኣዳኔ፤
ላቢ ሺኢታያ ማዔቲ ማኣዳ ባኣዚ ባኣሴ።
- 15 ዔራ ዓሲኮ ዒኔ ዔራቶ ሚኢሺ ማሃኔ፤

- ማሊ ጳቂሣ ዓሶኮ ዋያ ዔራቶ ኮዓኔ።
- 16 ዒንጊሢ ዒንጋሢሞ ጎይሢ ቡላኔ፤
ዴኤፖ ዓሶ ቤርቶዋ ዒዛ ኬሳኔ።
- 17 ዓሳ ቡካ ጸኦካ ቤርታዲ ኬሰኪ ጌሰታ ዓሢ
ዒዛና ሞኦታሢ ሙኪ ዒዛ ምጫንዲያ ሄላንዳኦና
ቢያ ዋዴ ዒዚ ሌሊ ፒዜ ማዔያ ዒዛም ማላኔ።
- 18 ዒፃ ዓገሢ ዑራ ሺሚሳኔ፤
ላምዎ ደዲ ማርማዛንሢያ ዋላ ቡቡኩሳኔ።
- 19 ኔ ጌርሲ ማኦዴ፤
ዒዚ ካታሞኮ ዙላ ዓኣ ደዲ ኬኤሌጉዲ ኔና ካፓኔ፤
ዒዛና ኔ ፑርቴቴ ጋዓንቴ ካር ኔኤም ዒ ዋዲንዳኔ።
- 20 ኔኤኮ ኮዥ ጌኤዛ ዔኪ ሙካ ባኮና
ኔኤኒ ዋዛዲ ናንጋኔ።
- 21 ኔ ዳንጋ ሸምፓሢ ኔኤኮ ዓውሳኒና ባይዛኒያ ዳንዳዓኔ፤
ዬያር ኔ ዳንጎና ላጌ ኔኤኮ ኔ ማገፍቴ ዋዛዲ ናንጋንዳኔ።
- 22 ማቻ ናንገና ናንጋ ጎዳይዳፓ ዒንገንታ ዓንጅ ማዔሢር
ማቾ ኔኤኒ ዔኬቴ ኮሺ ባኣዚ ኔ ዳንቄኔ ጌይሢኬ።
- 23 ማንቆ ዓሲ ፔና ሄርኪሲ ሸሌዑሞና ጌሰታኔ፤
ዎርጎቺ ዓሲ ጋዓንቴ ሄርሺንቴና ማሂ ኬኤዛኔ።
- 24 ዋሊኮ ላጌቱዋዎ ላጌ ማሊ ዴዳ ዓሲ ዓኣኔ፤
ጎኔ ላጌ ጋዓንቴ ጌርሲዳፓ ባሺኬ።

19

- 1 ጌኤዛ ዋሶ ማዔ ፓሡዋ ዓሲዳፓ
ፒዜና ናንጋ ማንቆ ዓሲ ባሺኬ።
- 2 ዔራቶ ጌዳ ቃሲንቴባኣንቴ ደዲ ማዲሢ ማኣዳያቱዋሴ፤
ሩኤሪ ጳሽካ ዓሲ ጎይዎ ዳዳባኔ።
- 3 ፔቴ ዓሲ ዒዛ ዔኤያቶና ባይሲንታ ዒዛ ሄላዛ
ዒዚ ጋዓንቴ ናንገና ናንጋ ጎዳ ዑፃ ዳጋዳኔ።
- 4 ዓሲ ፔ ቆሎና ሚርጌ ላጌ ማዣኔ፤
ማንቆ ዓሶኮ ጋዓንቴ ዔያቶኮ ዓኣ ዳኮ ላጎንሢታዎ ዔያቶይዳፓ
ሃካኔ።
- 5 ሉኡዙሞና ማርካዳ ዓሲ ሜቶ ዔኩዋዎ ዓቱዋሴ፤
ሉኡዙሞ ጌሰታ ዓሲ ሜቶፓ ቶላዓኬ።
- 6 ሚርጌ ዓሲ ቦንቺንታ ዓሲኮ ላጌ ማዓኒ ኮዓኔ፤
ዔኤቢ ዒንጋ ዓሲም ቢያሢ ዒዛኮ ላጌኬ።
- 7 ማንቃሢ ዒዛኮ ጌርሲንሢታዎ ዒዛ ዒዒፃኔ፤

ዒዛኮ ለጋኣ ዒዛ ባሾና ሃኪሲ ዲማሳኔ፤
ዒያቶኮ ዒዚ ጊንፆ ሃንቲ ሺኢቁንቴቴያ ለጌ ዒዛኮ ባኣያ
ማዓኔ።

- 8 ዔራቶ ሻንቃ ዓሲ ፔና ናሽካኔ፤
ዔራቶ ኮሺ ደዲሺ ዓርቃሢ ፆርጎጫኔ።
- 9 ሉኡዙሞ ማርካዳ ዓሲ ሜቶ ዔኩሞ ዓቱሞሴ፤
ሉኡዙሞ ጌሰታሢያ ባይሲንታ ሄላኔ።
- 10 ዔኤያ ዓሲሞ ኮሺ ናንጊ ኮይሱሞሴ፤
ዓይሌ ማዔ ዓሳ ዔያቶ ሞይሣ ዓሶ ሺሪ ሞይሣያ ማዒፃ ሞዚ
ፑርታይ?
- 11 ጎሪንቲ ሺኔ ዓርቁ ቃዛሢ ማሊ ጳቂሥሢኔ፤
ዳቤ ዓሲሞ ዓቶሞ ጌይሢያ ዒኔና ዓኣ ዓሲ ማዒሢኔ።
- 12 ካኣቲኮ ጎሪንቲ ዘቢ ጉዳጉዲ ዒጊቻያኔ፤
ካኣቶ ቤርታ ዓሲ ማዒ ጴዲፃ ጋዓንቴ
ማኣቲ ዓኣዒሳ ፆልኬጉዲኔ።
- 13 ዔኤያ ናይ ፔ ዓደ ባይሲንታይዳ ጌልዛኔ፤
ጎሪንቲ ሺራ ማቻ ፆዳ ማኣሪጉዲኔ።
- 14 ፔቴ ዓሲ ማኣሪና ቆሎና ሾዔ ዓሶፓ ዳካላኒ ዳንዳዓኔ፤
ማሊ ጳቂሣ ማቾ ዒንጋሢ ጋዓንቴ ናንጊና ናንጋ ጎዳ ሌሊኔ።
- 15 ቤልፀሞ ሃይቄያጉዲ ጊንዒሻኔ፤
ዬያሮ ቤልፃ ዓሲ ናናይዲንታኔ።
- 16 ናንጊና ናንጋ ጎዳኮ ዓይሢፃ ካፓሢ ሸምፔና ናንጋኔ፤
ዒዛኮ ቃኣሎ ቶኦቻሢ ጋዓንቴ ባይቃኔ።
- 17 ማንቆ ዓሲሞ ዒንጋሢ
ናንጊና ናንጋ ጎዳሞ ታልዔያ ማዓኔ፤
ናንጊና ናንጋ ጎዳኣ ዒ ማዴ ኮዦ ማዶ ዘሎ ጨጋኔ።
- 18 ሃጊ ዔያታ ናኣቶ ዓኣንቴ ናኣቶ ኔኤኮ ሻርሹ፤
ኔ ሻርሹባኣቶ ጋዓንቴ ባይሲንታሞ ኔ ዔያቶ ዓኣሢ ዒንጌያ
ማዓኔ።
- 19 ኔጉሞፆ ዳጋዳ ዓሲ ዓኣቶ
ዒዛኮ ዳጎ ዘሎ ዒንጎ ባኮ ዴንቃንዳጉዲ ሃሹ፤
ፔቴና ሜታሢዳፓ ኬሳኒ ኔ ዒዛ ማሌያታቴ
ሜሌ ሞዴና ዒማይዲፃ ኔኤኮ ዓታዓኔ።
- 20 ዘር ኔ ሞይዜቴ፥ ሃሣ ዔራኒያ ናሽካያ ማዔቴ
ናንጊቤቃ ዔራቶ ዴንቂሢ ኔ ዓታዓኔ።
- 21 ዓሲ ሚርጌ ባኣዚ ማሊ ቱካኔ፤

- ማዳንቲ ኩማሢ ጋዓንቲ ናንጊና ናንጋ ጎዳ «ማዖንጎ»
ጋዓዛኬ።
- 22 ዓሲዳፓ ኮይንታማ ጉሙርቁንቲሢኬ፤
ሉኡዚ ዓሲ ማዓሢዳፓ ማንቆ ዓሲ ማዓሢ ባሼኬ።
- 23 ናንጊና ናንጋ ጎዳ ኔ ዒጊጨቴ ናንጎ ለዓ ኔኤኮ ዖድቃኔ፤
ሜታ ኔና ሄለባኣንቲ ዎዛዲ ኮሹሞና ኔኤኒ ናንጋንዳኔ።
- 24 ፔቲ ፔቲ ዓሳ ኮሺ ቤልፃኬ፤
ሜለዓቲሞ ዔያታ ዓንዳ ኩጮ ዳኬሢ
ማሂ ዔኪ ካሦ ኩኡሊፃ ዔያቶ ባባሻኔ።
- 25 ቦሂ ዓማሊ ሺራ ዓሲ ኔኤኒ ሻርሼቲ
ዔኤያ ዓሲ ዬያ ዛጊ ጨንጫ ማዓኔ፤
ማሊ ጳቂሣ ዓሲ ጎሪ ኔ ዞሬቲ ባሼ ዔራቶ ቃሳኔ።
- 26 ቦርሲሳያና ዳውሲሳያ ማዔ ናይ ፔ ዓዶ ላቢሳኔ፤
ፔኤኮ ዒንዶዎ ማኣራፓ ዳውሳኔ።
- 27 ታ ናዓሢዮ! ዘር ታኣኮ ኔ ዋይዚባኣቲ
ኔ ዔራ ዔራቶታዖ ዑኩና ዋሊ ኔ ዳቢንታንዳኔ።
- 28 ሜሌ ዓሲሞ ፑርታ ማዳኒ
ሉኡዙሞና ማርካዳ ዓሲ ዓኣቶ
ፒዜ ዎጌ ባይቃኔ።
ዋይዚ ዒፃ ዓሳኣ ፑርቱሞ ማዶ ሚርጊሻኔ።
- 29 ቦሂ ዓማሊ ሺራ ዓሶሞ ፑርታ ዎጌ
ዔኤዮ ዓሶማኣ ዠራፓና ጳዲ ጊኣጊንቲኔ።

20

- 1 ዎይኔ ዑሺ ዒኔ ዣኣሊሳኔ፥ ካፄ ዑሺያ ዑዑራሳኔ፤
ዬያ ዑዣ ሱኡኮና ዓዲንቲ ዓሳ ዔራ ዓሲ ማዓኒ ዳንዳዑዋሴ።
- 2 ካኣቲ ዳጋ ጉዳ ዘቢጉዲ ዒጊቻያኬ፤
ዒዛኮ ዳጎ ዒቁሳሢ
ፔና ዎዳኒ ዔቁያ ማዒ ፓይዲንታኔ።
- 3 ዔኤያ ዓሲ ጎሪንቲ ዑራ ማዣኒ ዳንዳዓኔ፤
ዓሲ ቦንቹሳይ ጋዓንቲ ማርሞይዳፓ ሃኪሢኬ።
- 4 ጎዣ ፔኤኮ ዎዶማና ጎሽኩዎ ቤልፃ ዓሲ
ማኣሎ ቡር ዎዶና ዒ ቡኩሳንዳ ሃኣኮ ባኣሴ።
- 5 ዓሲኮ ማሊሢ ኮሺ ዔታዳ ዔቴይዳ ዓኣ ዎኣሢጉዲኬ፤
ያዲ ማዔቴያ ማሊ ጳቂሥሢ ዓኣ ዓሲ ዬያ ዱዱዓኔ።
- 6 ዓሲ ቢያ ፔ ጉሙርቁንቲያማ ኬኤዛኔ፤
ጋዓንቲ ጎኔና ጉሙርቁንታ ዓሲ

- ጾኑኒ ዴንቃኒ ዳንዳዓይ!
- 7 ዲሎ ዓሲ ፒዙሞና ናንጋኔ፤
ናኣታ ዒዛሲያ ዓንጂንቴያኬ።
- 8 ፔኤኮ ዋጎ ያይታ ዋጊፆር ዴዔ ካኣቲኮ
ፑርታ ማዔ ባኮ ቢያ ጌኤሺ ዔራ ዓኣፒ ዓኣኔ።
- 9 «ማሊፃ ታኣኮ ጌኤሺኬ፤
ጎሜ ታኣኮ ባኣሴ» ጋዓ ዓሲ ናንዳ?
- 10 ናንጊና ናንጋ ጎዳ ሉኡዚ ማዔ ዴኤሠሞ ዔር ባኮና
ፒዜ ማዒባኣ ማኮ ባኮና ማዲ ሃንታ ዓሶ ዒዒፃኔ።
- 11 ዓኣላ ናይታፆ ኮሺ፣ ሃሣ ፒዜ ዓሲ ማዒፃ
ማዲ ባኮና ፔጋዲ ዔዔርታኔ።
- 12 ዋይዛ ዋይዚና ዛጋ ዓኣፒና
ማጐህሢ ናንጊና ናንጋ ጎዳኬ።
- 13 ዋዶ ኔኤኮ ኔኤኒ ጊንፆና ኩርሴቴ ኔ ማንቃንዳኔ፤
ዶዲ ኔ ማዴቴ ጋዓንቴ ጊዳ ሙኡዚ ኔኤኮ ዓኣያ ማዓኔ።
- 14 ዔኤቢ ሻንቃ ዓሲ ቢያ ዋዶ «ፑርታኬ» ጌይ ጌይ ሻንቆ ባኬሎ
ዳኪሳኔ፤
ሻንቆ ዴንዴሰካፓ ጋዓንቴ «ላኣፓና ታ ሻንቁያዋይ» ጌይ
ሄሄርሻኔ።
- 15 ዔራቶና ጌሰቶ ጌኤሲ
ዋርቁና ቦንቸንታ ሹጮናፓ ባሺ፣ ዴዲዋያኬ።
- 16 ዓይጎ ዓሲያኣ ዔርቱዋ ዓሲኮ ዋኣሴ ማዔቴ ማኣዓሢ ዒዛኮ
ዔኬ፤
ዩይ ዔርቱዋ ዓሢ ዛሎ ዓይሢ ባኣዚ ማዓንዳጉዲ ኔ ኮይላ
ጌሢ።
- 17 ሉኡቁ ጋኣዲሢና ኔ ዴንቃ ባካ
ዓኣሢ ሙኡዚጉዲ ኔና ዋዛሳኒ ዳንዳዓኔ፤
ዋርቁ ፔኤቃፆ ጋዓንቴ ዳንጋ ኔኤኮ ማኣሻላጉዲ ማዓንዳኔ።
- 18 ኮሺ ዘር ኔ ዋይዚ ዔኬቴ
ቢያ ባኣዚ ኔኤሞ ጊኢጋንዳኔ፤
ዩያር ኮሺ ዘር ዋይዚ ዔኩዋፆ ያልዚ ያላኒ ዓኣዲፖ።
- 19 ድንኮ ድንካ ዓሲ ዓኣቸንዶ ሃይሴ ዒና ዓርቁዋሴ፤
ዩያር ጉሪ ጌሰቴ ሺራ ዓሶይዳፓ ሃኬ።
- 20 ፔኤኮ ዓዶ፣ ሃንጎ ዒንዶ ጫሽካያኮ
ናንጋ ሻኔ ዲሚዳ ባይቃ ፖዒጉዲ ማዓኔ።
- 21 ቤርታ ላቢንቴቦኣንቴ ሹሌዔና ዴንቆና ቆሎ
ጋፒንፆይዳ ዓንጂንቴዋሴ።

- 22 ኔኤም ፑርታ ማዳ ዓሲም
 ኔኤኒያ ማሂ ፑርታ ዒዛም ማዲፖ፤
 ናንጊና ናንጋ ጎዳ ጉሙርቁ፤ ዒዚ ኔና ዓውሳንዳኔ።
- 23 ናንጊና ናንጋ ጎዳ ጊኢጊባኣ ማኮ ባኮንታ
 ሉኡዚ ማዔ ዴኤሠሞ ዔሮ ባኮዋ ሻሻኣኪንታ።
- 24 ናንጊና ናንጋ ጎዳ ኮኡኒ ሃንታንዳ ጎይዖ ማሊ ጌሣኔ፤
 ዓካሪ ዓሲ ናንጎ ፔኤኮ ዎኖ ባንሢ ዔኪ ዓኣዳንዳቴ
 ዎይቲ ዔራኒ ዳንዳዓይ?
- 25 ዖኦሲም ሩኡሪ ናኣቢ ናኣባዖ
 ጊንሣ «ዓይጋ ታ ናኣቤይ» ጌይ ማሊሢ ዓሲኮ ፒርኬ።
- 26 ጨንጫ ካኣቲ ዋይዞ ዒፃ ዓሶ ደማሲ ዔራኒ፤
 ዔያቶ ዒ ሚጨንቱዎዖ ሜታሳኔ።
- 27 ዓሲኮ ዒኔ ናንጊና ናንጋ ጎዳ ዓሲም ዒንጌ ፖዒታሢሮ
 ዓሲኮ ጋሮ ዒኖ ቢያ ዔራኒ ዛጋኔ።
- 28 ኮሹዎና ጉሙርቁንቲሢና ፑርታ ባኣዚፓ ካኣቲ ካፓኔ፤
 ዒዛኮ ካኣቱማ ጎኡሞና ደዲ ናንጋኔ።
- 29 ዴጌ ዓሳ ሄርሺንታሢ ፔኤኮ ዎልቆናኬ፤
 ጋርቾ ዓሳ ፔኤኮ ቡኡቆና ቦንቹንታኔ።
- 30 ኪፃሲ ጳርቆ ጳዲ ፑርታ ባኣዚ ባይዛኔ፤
 ዢራፓና ጳዲያኣ ዒኔይዳ ዓኣ ፑርታ ባኣዚ ጌኤሻኔ።

21

- 1 ካኣቲኮ ዒና ናንጊና ናንጋ ጎዳ ኩጮይዳኬ፤
 ናንጊና ናንጋ ጎዳ ዒዛ ዎታ ዎኣሢጉዲ ኮዔ ቤሲ ባንሢ ዔኪ
 ዓኣዳኔ።
- 2 ዓሲ ማዳ ባካ ቢያ ዩያ ማዳ ዓሢም ፒዜ ማላኔ፤
 ናንጊና ናንጋ ጎዳ ጋዓንቲ ዓሲኮ ዒኖ ማሊዖ ዛጊ ዔራኔ።
- 3 ዖኦሲም ዒንጎ ባኣዚ ዒንጊሢዳፓ ባሽ
 ፒዜና ጎኔ ማዔ ባኣዚና ማዲሢ ናንጊና ናንጋ ጎዳ ዎዛሳኔ።
- 4 ፑርቶ ዓሳ ዔርታሢ
 ዖቶርሙሞና ሄርሺንቲናኬ፤
 ዬይ ጎሜኬ።
- 5 ኮሺ ማሊ ቱኮና ቱኡሲና ማዲንታ ማዳ ሚርጌ ባኣዚ ጴዲሳኔ፤
 ማሊሢ ባኣያ ሩኡሩሞና ማዳ ማዳ ጋዓንቲ ማማንቁሳኔ።
- 6 ሉኡዙሞና ጴዳ ቆሎ ባባይቃ ሱኡሌጉዴያ፤
 ጊንሣ ሃሣ ዎዳ ፒሮጉዴያኬ።
- 7 ዎይዚ ዒፃ ዓሳ ኮሺ ማዔ ባኣዚ ማዲሢ ናሽኩዎኣሢሮ

- ዔያቶኮ ጌኖ ማደና ዔያታ ባይቃኔ።
 8 ጎሞ ዓሳ ዎቦ ጎይሢና ዓኣዲነ ናሽካኔ፤
 ዒኖ ጌኤዡ ዓሳ ጋዓንቴ ኮሺ ባኣዚ ማዳኔ።
- 9 ጎሪንቲ ሺራ ላኣሊና ዎላ ፔቴ ማኣሪዳ ናንጊሢዳፓ
 ማኣሪኮ ኮጮ ዙላ ናንጊሢ ቃራኬ።
- 10 ዎይዞ ዒፃ ፑርቶ ዓሳ ቢያ ዎዴ ፑርታ ባኣዚ ማዳኔ ናሽካኔ፤
 ዒይጎ ዓሲማኣ ዔያታ ሚጨንቱዎሴ።
- 11 ቦሂ ዓማሊ ሺራ ዓሲ ሻርሺንታ ዎዶና
 ዔኤያ ዓሲ ዬያ ዛጋዎ ዔራቶ ዴንቃኔ፤
 ጨንጫ ዓሲ ዔርዞ ዎዶና ባሼ ዔራ ማዓኔ።
- 12 ሂሎ ፆኣዛሢ ፑርቶ ዓሶ ማኣሪይዳ ማዶ ባኮ ቢያ ዛዛጋኔ።
 ፑርቶ ዓሶ ዒዚ ኬዲ ኬኤሪ ባይዛኔ።
- 13 ማንቆ ዓሲኮ ዒላቶ ዎይዛነ ናሽኩዎ ዓሲ
 ዒዚያ ሜታዲ ዒላታ ዎዶና ዒዛ ማኣዳንዳ ዓሲ
 ዴንቁንዲዎሴ።
- 14 ዳጋዴ ዓሲም ዓኣቺ ዒንጎ ባኣዚ ዒንጊንታኣና
 ዳጋ ዒዛኮ ሺሺማኔ፤
 ዴሚና ዓኣቺ ዒንጊንታ ዒንጊሢያ ዳጋ ጨኣሻኔ።
- 15 ፒዜ ዎኔ ዎጊንታ ዎዶና
 ኮዡ ዓሳ ዎዎዛዳኔ፤
 ፑርቶ ዓሶ ጋዓንቴ ዲዲቃሣኔ።
- 16 ማሊ ጳቂሥሢዳፓ ሃካ ዓሲ
 ሃይቢ ካፓኔ።
- 17 ዔኤቢ ቃውቲሢ ናሽካ ዓሲ ማማንቃኔ፤
 ዎይኔ ዑሽንታ ዛይቶ ቲዡንታ ናሽካ ዓሲ ዎይቴቴያ
 ዎርጎጩዎሴ።
- 18 ኮዡ ዓሶይዳ ሃላነ ዓኣ ሜታሢ ፑርቶ ዓሶ ሃላኔ፤
 ፒዜ ዓሶ ሃላነ ዓኣ ሜታሢያ ጉሙርቂሢባኣ ዓሶ ሃላኔ።
- 19 ጎሪንቲ ሺራ ማቾና ዎላ ናንጊሢዳፓ
 ዓሲ ናንጉዎ ዳውሎይዳ ናንጊሢ ቃራኬ።
- 20 ጨንጫ ዓሲ ሚርጌ ቆሎንታ
 ሚርጌ ሚኢሽ ኬጎ ባኣዚንታ ፔ ማኣራ ቡኩሳኔ፤
 ማሊ ጳቂሥሢ ፓጩ ዓሲ ጋዓንቴ ፔኤኮ ዓኣ ባኮ ቢያ ላኣሊ
 ባይዛኔ።
- 21 ሂሎሞና ናሹሞና ጋዓ ጊንዎ ማዳ ዓሲ
 ናንጊንታ ዎርጎቹሞንታ፥ ሃሣ ቦንቹንቲያኣ ዴንቃኔ።
- 22 ዎሎ ዓሶኮ ጨንጫ ሱኡጌ

- ደዲ ያላ ዓሲና ካፒንታ ካታሞ ያሊ ባሺ ዓዓርቃኔ፤
ጉሙርቁንታ ዋርዲዮ ቤዘዋ ደይሳኔ።
- 23 ሜቶይዳፓ ቶላኒ ኮዓ ዓሲ
ፑርታ ጌሰቲሢ ሃሻኔ።
- 24 ያቶርቃያና ሄርሺንታያና ማዔ ዓሲ ቦኦዘኬ፤
ማዳ ዒዛኮ ያቶርሙሞ ሌሊኬ።
- 25 ማዳ ማዳኒ ኮዑዋ ቤልፃ ዓሲ
ፔና ዋዴ ዓሲ ማዒ ፓይዲንታኔ።
- 26 ቤልፃ ቢያ ዎዴ ኮዓሢ ሚርጌ ባኦዚ ዴንቃኒኬ፤
ኮሺ ዓሲ ጋዓንቴ ኮሹሞና ዒዒንጋኔ።
- 27 ዋይዘ ዒፃ ዓሳ ዒንጋ ዒንጊፃ ያኦሲ ሻኦካያኬ፤
ዬያፓ ባሺ ፑርታ ማሊሢና ዔቁ ዒንጎ ዒንጊፃ ሚርጌና ዒዛ
ዒሣያኬ።
- 28 ለኦዚ ዓሲኮ ማርካቶ ዔውቱዋያ ማዓኔ፤
ኮሺ ማሊ ጌሰታ ዓሲኮ ጌኤዛ ጋዓንቴ ጎናዳኔ።
- 29 ጎኔ ዓሲ ፔ ማዳ ባኮ ዛሎ ኮሺ ዔራኔ፤
ፑርታ ዓሲ ጋዓንቴ ዳቤያ «ታ ዳቢባኦሴ» ጌይ ማያ ዒዒ ደዳኔ።
- 30 ዓሲ ፔ ዔራቶና ፔኤኮ ማሊ ጳቁሢያና፤ ሃሣ ቱካ ቱኦዘና
ናንጊና ናንጋ ጎዳ ቃዛኒ ዳንዳዑዋሴ።
- 31 ያልዚ ያሊሢሮ ፓሮ ጊኢጊሻኒ ዳንዳዓኔ፤
ባሺሢ ዒንጋሢ ጋዓንቴ ናንጊና ናንጋ ጎዳኬ።

22

- 1 ኮሺ ሱንሢ ሚርጌ ቆሎይዳፓ
ዓሲና ናሽኪንቲሢያ ቢራና ዎርቁናፓ ባሻኔ።
- 2 ያርጎጫሢታቴያ ማንቃሢ
ማገኔሢ ናንጊና ናንጋ ጎዳታሢሮ
ላምዓሢ ፔቱኬ።
- 3 ጨንጫ ዓሲ ሜታ ሙካሢ ዛጋያ ዓዓኦሺንታኔ፤
ማሊ ጳቁሥሢ ፓጩ ዓሲ ጋዓንቴ ማሉዋያ ሜቶይዳ ኬዳኔ።
- 4 ናንጊና ናንጋ ጎዳ ዒጊጨሢንታ ኮሺ ማዒሢንታ
ቆሎና ቦንቾና ናንጊያኦ ዴንቁሳኔ።
- 5 ፑርቶ ዓሶኮ ጎይይይዳ ዓንጊሢና ፒሮና ዓኦኔ፤
ፔ ቶኦኮ ካፓሢ ጋዓንቴ ዬያፓ ሃካኔ።
- 6 ናይ ዎማይዳ ናንጋኒ ኮይሳቴያ ኔ ዔርዜያቴቱ
ፔ ናንጎ ዎዶ ቢያይዳ ዬኖይዳፓ ሺኢካዓኬ።
- 7 ማንቆ ዓሲ ያርጎቺ ዓሲም ማዳያኬ፤

- ሚኒሹ ታልዓሢ ታልዒሴሢኮ ዓይሌኩ።
- 8 ጎሜ ዜርቃሢ ሜቶ ጮኦሪ ዔካኔ፤
- ዳጋ ዒዛኮ ዓንኮዋ ዒዛ ሄሊሲንዲዋሴ።
- 9 ፔኤኮ ሙዖ ማንቆ ዓሶና ዋላ ዒዚ ገሽታሢሮ
- ዔኤቢ ዒንጋ ዓሲ ዓንጂንቴያ ማዓኔ።
- 10 ዔኤቢ ቦሂ ሺራ ዓሲ ኔኤኒ ዳውሴቴ ዑራ ጋፓኔ፤
- ዑራንታ ጫሽንታ ባኣያ ማዓኔ።
- 11 ዒና ጌኤሹሞንታ ኮሺ ጌኤሲንታ ናሽካ ዓሲ
- ካኣቶና ናሽከንታያ ማዓኔ።
- 12 ናንገና ናንጋ ጎዳኮ ዓኣፓ ዔራቶና ዓኣ ዓሶ ኮሺ ዛጋኔ፤
- ጉሙርቁፃባኣ ዓሳ ቱኬ ቱኤዘ ጋዓንቴ ዒ ጉሪ ማሃኔ።
- 13 ቤልፃ ዓሲ፡- «ካራ ዘቢ ዓኣኔ፤ ታ ከሰኬቴ ታና ሙዓንዳኔ» ጋዓኔ።
- 14 ዘኣሰካ ኮኦማ ላኣሊኮ ዳንጋ ኮሺ ዔታዳ ዔቴጉዲኬ፤
- ናንገና ናንጋ ጎዳ ዒፃ ዓሳ ዓዲንቴ ዬያ ዔቶይዳ ሎኦማኔ።
- 15 ናይ ዒኔይይዳ ዔኤዩሞ ዓኣኔ፤
- ጎሪ ዘሪሢ ሃኣቶ፣ ጋዓንቴ ዬያ ዒኖ ዒዛይዳፓ ሺኣሻኔ።
- 16 ዖርጎቹ ዓሲሞ ዔኤቢ ዒንጋሢ
- ገንሣ ሃሣ ቆሎ ዳንቃኒ ጌይ
- ማንቆ ዓሶ ሄርቁ ዋይሣ ዓሲ ኩፓታንዳኔ።

ዔሮ ዓሲ ዘሬ ዘሮ

- 17 ዔሮ ዓሳ ከኤዜ ባኮ ታ ኔና ዔርዘሞ ዋይዜ፤ ዔያቶይዳፓ ኔ
- ዔካ ዔራቶ ባንሢ ዒኖ ኔኤኮ ማሄ፤
- 18 ቢያ ዋዴ ኔ ማሊ ማሊ ማዶይዳ ፔኤሻያ ማዔቴ ኔና
- ዋዛሳንዳኔ፤
- 19 ዬያ ታ ኔኤሞ ከኤዛሢ ጉሙርቁፃ ኔኤኮ ናንገና ናንጋ ጎዳይዳ
- ማዓንዳጉዲኬ።
- 20 ሃኣዛጌ፡- ታ ኔኤሞ ሃይሢታሚ ዳሞቤ ፃኣፔኔ፤ ዬያታ
- ዔራቶንታ ኮሺ ዘሮንታ ዓኣያኬ፤
- 21 ጎኑሞ ዓይጎ ማዔቴያ ኔና ዔያታ ዔርዛንዳኔ፤ «ጎኑሞ ኮይ ዔኪ
- ሙኩ» ጌይ ኔና ዖኦጮናያታቴ ፒዜ ባኣዚ ማሂ ኔኤኒ ከኤዛንዳኔ።

1

- 22 ፔቴታዖ ዔያቶኮ ዔኤቢባኣሢሮ ማንቆ ዓሶ ቡሪፖ፤ ሄርቁንቴ
- ዋርቃ ዓሶዋ ዋጎ ዋጋ ዓሶ ቤርታ ላቢሲ ሺሪፖ።
- 23 ዓይጎሮ ጌዔቴ ናንገና ናንጋ ጎዳ ዔያቶ ዘሎ ሞኦታንዳሢሮና
- ዔያቶ ሄርቁ ሜታሳ ዓሶዋ ዒ ሜታሳንዳሢሮኬ።

2

24 ርኦጋዳያና ጎሪንታ ዓሲና ዎላ ላጌ ማዒፖ፤
 25 ኔኤኒ ዒዛ ባኮ ዔሬቴ ዬያፓ ቶሊ ከሰካዓኬ።

3
 26 ማሌ ዓሲኮ ጋሌ ጨጋኒ ዎኦሴ ማዒፖ፤
 27 ጨጋኒ ኔኤኒ ዳንዳዒባኦቴ ኔ ላሃ ሻኦላታፖ ዓቱዎንቴ ዓኦ ቆላ
 ኔኤኮ ቢያ ዔውታንዳኔ።

4
 28 ሚና ኔኤኮ ቤርታኦ ዓዶንሚ ጌሚ ዛጰ ዚጎ ሸኢሸፖ።

5
 29 ማዶ ፔኤኮ ኮሺ ማዳ ዔሬ ዓሲ ኔ ዛጋ? ዬያፓዶ ዓሲ ጉሪ ዓሲ
 ጌይንታ ዓሲ ቤርታቱዎንቴ ካኦቶ ቤርታ ማዶ ማዳኒ ዔቃንዳኔ።

23

6
 1 ቢታንቶ ዓኦ ዓሲና ዎላ ሙኡዚር ፔቴይዳ ኔኤኒ ዴዔቴ ዒዚ
 ዎናታቴያ ዎሊፖ፤

2 ዎዚ ኔኤኒ ዓልቱንቁ ሙዓያታቴያ ሚርጌ ሙይዎ ሃሼ።

3 ጎፖንቴ ዒዚ ኔና ኔ ዎይታቴያ ዛጋኒ ዳንዳዒሚር ኔኤም ሸኢካ
 ኮኮ ሙዎ ዓልቱንቁ ሙይፖ።

7
 4 ዎርጎጫኒ ጳሽኪ ላቢፖ፤ ዬያፓዶ ዓልቱሙዎይዳፓ ሃካኒ ዔራ
 ማዒ፤

5 ዬያፓዶ ቆላ ኔኤኒ ዛጋ ጎይሣ ዓኦንቴ ቤዞና ባይቃንዳኔ፤
 ጫሪንቲዳ ባራና ኮኦኬፐዲ ጋኦሲ ኬሲ ባራናንዳኔ።

8
 6 ዲኡዲ ዓሲ ካሣ ሙይፖ፤ ዒዚ ኔኤም ሸኢሻ ካሣ ኔና
 ጮኦዲሱዎፐዲ፤

7 ዒዚ ፔኤኮ ዒናፓቱዎንቴ ካሣ ኔ ዒዛም ሃሻንዳፐዲ ኮዒ ጎኔ
 ጋዓያ ማሊሲ፡- «ሙዔ፡ ዑሸኬ» ኔና ጋዓኔ።

8 ኔ ዬያ ሙዔሚታፖ ጩታንዳኔ፤ ዒዛ ኔኤኒ ሳልማሲ ጌሰቴ
 ሃይሳኦ ኔኤኮ ጉሪ ማዓንዳኔ።

9
 9 ዔራቶ ዓኦ ዘር ኔኤኮ ዒ ቶኦቻንዳሚር ዔኤያ ዓሲም ዔኤቢ
 ቃራ ባኦዚ ከኤዚፖ።

10

10 ሚርጌ ዎዴ ናንጌ ዛጰ ዘጎ ሸኢሺፖ፤ ዬያጉዲ ሃሣ ዜኤር ናኣቶኮዎ ጎዡ ዎልቁና ዔኪፖ፤

11 ያኦሲ ዔያቶኮ ዶዶ ጎንጃሢ ማዔሢሮ ዔያቶ ዛሎ ዒ ዎኦቲንታኔ።

11

12 ማሊያ ኔኤኮ ዔራቶይዳ፤ ዎያኣ ኔኤኮ ዔራቶ ዎይዛንዳጉዲ ሸርሼ።

12

13 ናዖ ኔኤኮ ዳምቤና ሻርሺሢ ሃሺፖ፤ ዣኣቸና ኔ ጳርቁቲ ሃይቃዓኬ።

14 ዣኣቸና ኔኤኔ ጳርቁቲ ሸምፓሢ ሃይቢዳፓ ዓውሳኒ ኮሺ ጎይሢ ዒዛም ማዓንዳኔ።

13

15 ታ ናዓሢዮ! ዔራ ኔ ማዔቲ ሚርጌና ኔ ታና ዎዛሳኔ፤

16 ፒዜ ጌኤሲ ኔ ጌሰታ ዎዶና ታና ያዖቶርሳኔ።

14

17 ጎም ዓሶ ቁኢሪፖ፤ ናንጊና ናንጋ ጎዳ ዒጊጨሢ ሲያ ዎዴ ኔኤኮ ማሊሢ ማዖንጎ፤

18 ዬያ ኔ ማዴቲ ሴካ ኔኤኮ ቤርታኣ ናንጋ ጊኢጌያ ማዓንዳኔ፤ ሃጊ ማዓ ዎዛኣ ባይቃዓኬ።

15

19 ታ ናዓሢዮ! ዎይዜ፤ ጨንጫ ማዔ፤ ያኦሲ ጎይፃፓ ሸኢኪፖ፤

20 ሚርጌ ዎይኔ ዑሽካ ዓሲና ሚርጌ ሙኡዚ ሙዓ ዓሲና ዎላ ላጌ ማዒፖ፤

21 ማሢንታ ዓሶና ጎጰ ሚሸኩዎ ዓሶና ማንቃኔ፤ ማዳ ጊንዖ ሌሊ ማዔ ዓሢያ ማንቁ ቱርጫ ማኣዓኔ።

16

22 ኔና ሸዔሢ ዒዛታሢሮ ኔ ዓዶኮ ዘር ዎይዜ፤ ዒንዳኣ ኔኤኮ ጋርቹ ዎዶና ዒዞ ቶኦቸፖ።

23 ጎኦም፥ ዔራቶ፥ ጎሪ ዘር ዘርንታ ማሊ ጰቁሥሢንታ ሚኢሸ ማሢ ዓርቁ፤ ሃሺፖ።

24 ዒኔና ዓኣ ናይኮ ዓዴ ዴኤፒ ዎዛ ዎዛዳኔ፤ ሃሣ ጨንጫ ናይ ሸዔ ዓሲ ያዖቶርቃኔ።

25 ኔ ዓድና ኔ ዒንድና ኔ ዛላ ዎዛሳያ ማዎንጎ፤ ኔ ዒንዳኣ ኔ ዛሎና ዎዛድንጎ።

17

26 ታ ናዓሢዮ! ዒናፓ ዎይዜ፤ ታ ናንጌ ናንጋ ኔኤም ማላታ ማዎንጎ፤

27 ዘኣዛ ኮኣማ ላኣሎና ፓሡዎ ላኣሎና ኬሴ ፒርጉዲ ሃይቢ ባንሢ ዔኪ ዴንዳኔ።

28 ዓዳ ሱላጉዲ ካቲ ኔና ዔያታ ካፓኔ፤ ሚርጌ ዓቲንቆ ዔያታ ዔፖ ሳሎ ሻሂሲሴኔ።

18

29 ያዩሢና ዬኤፒና ያና ሄላይ? ቢያ ዎዴ ማርሞና ጎሪንቲና ዔቁሳሢ ያናዳይ? ዎይቲታቲያ ዔርቲዎንጌ ሀርቲ ጴዳሢ ያናዳይ? ዓኣፓ ዘቃሢ ያኣኮዳይ?

30 ዬይ ቢያ ባካ ሄላሢ ሚርጌ ዎይኖ ሀዥ ሀሽኪያና ሲኢሪንጌ ካፄ ሀዥ ሀሽኪያና ዎዶ ፔኤኮ ጉሪ ጋፒሳ ዓሶይዳኬ።

31 ዬያር ዎዚ ቡርጨቆይዳ ዘቃያ ማዒ ጴዴቲያ ዔያታ ሀሽካኣናኣ ዳንጋ ጌላ ጎይፄ ኔና ጮኣዳሶፓ።

32 ጋፒንፀይዳ ሾኦሽጉዲ ኔና ዬይ ዳዓንዳኔ፤ ጎፖ ሾኦሽጉዲያኣ ዳኣኖ ኔ ሀፃ ፑኡካንዳኔ፤

33 ዓኣፓ ኔኤኮ ሺራንዳሢር ዓኪ ዓኪ ባኣዚ ኔ ዛጋያ ኔኤም ማላኔ፤ ጋዓንጌ ኔኤኔ ፒዜ ማላኒና ጌሰታኒ ዳንዳሀዎሴ።

34 ባዚዳ ኔ ዓኣያና ባዘ ጉዳሢና ሂዒንጌ ሜታዳ ዎኣያ ካኣሚሎ ቲርቲርና ኔ ዒጊንጌያ ኔኤም ማላንዳኔ።

35 ዬያጉዲ ሃሣ፡- «ታ ጳዲንጌ፤ ጋዓንጌ ታኣኒ ዔኤቢ ዎኣቲባኣሴ፤ ጳዲንቶ ታኣኒ ጳዲንጌ፤ ጋዓንጌ ታና ሃርጊባኣሴ፤ ታ ጴጫንዳሢ ዓይዴዳይ? ቃሲ ሃሣ ታኣኒ ዓይዲ ሀዥ ሀሽካንዳይ?» ኔ ጋዓንዳኔ።

24

19

1 ፑርቶ ዓሶ ቁኢሪፖ፤ ዔያቶና ዎላ ላጌ ማዓኒያ ኮይፖ፤
2 ዔያታ ቢያ ዎዴ ፔ ማሊያና ጌኔ ማሊ ቱካኔ፤ ዳንጎናኣ ጌጌሻኔ።

20

3 ማኣሪ ዔራቶና ማዢንታኔ፤ ማሊ ጳቂሥሢና ዶዲ ናንጋኔ።

4 ዔራቶ ዓኣያ ማዓዛ ማኣሪ ቦንቸንታያና ሚዛጲ ማዔ ሜሄና ኩማኔ።

21

5 ዶዲ ማዔሢዳፓ ጨንጫ ማዔሢ ሳሽኬ፤ ጎኔና ዔራቶ ዎልቁይዳፓ ዑሣኬ፤

6 ያልዘም ጊኢጊ ከሰኪያኮ ቤርታ ማዶንዶ ጎይያ ኮሺ ዛጊ ቱካንዳያ ኮይሳኔ፤ ሚርጌ ዞራ ዓሲ ዴንቄያ ኔ ማዔቲ ሳሺሢ ኔ ዓታዓኬ።

22

7 ማሊ ጳቂሥሢ ፓጩ ዓሲ ዔራቶ ዔራኒ ዳንዳዑዎሴ፤ ዓሳ ኮይሳ ሳኢ ጌሰታኣና ዒዚ ሺኢሻ ማሊሢ ሳኢሴ።

23

8 ቢያ ዎዴ ፑርቱሞ ቱኪ ሃንታ ዓሲ «ጌኔ ዓሲ» ጌይንቲ ዔርታኔ፤

9 ዔኤያ ዓሲ ቢያ ዎዴ ማሊሢ ጎሜ ማዳኒኬ፤ ዔኤቢ ቦሢ ሺራ ዓሢ ዓሲ ቢያ ዒዒፃኔ።

24

10 ሜታ ኔና ሄላ ዎዶና ዶዳኒ ኔኤኒ ዳንዳዑዎያ ማዔቲ ፔቲታዎ ዶዶሞ ኔኤኮ ሳኢሴ ጌይሢኬ።

25

11 ኮይሱዎ ጎይሢና ሃይቢም ዔውታ ዓሶ ዓውሴ፤ ዎዳኒ ሃዒ ዔኪ ዓኣዳ ዓሶ ኩጫፓ ቶሊሴ።

12 ጎያንቲ «ታ ዔራዎሴ» ኔ ጋዓኒ ዳንዳዓኔ፤ ጋዓንቲ ዒኖ ዛፓሢ ዬያ ማሊ ጳቂሣዓዳ? ዒዚ ኔኤኮ ሸምፓሢ ካፓሢ ዬያ ዔራዓዳ? ሃሣ ፔቲ ፔቲሢም ፔኤኮ ማዶጉዴያ ዒዚ ጨጋዓዳ?

26

13 ታ ናዓሢዮ! ኮሺታሢሮ ዔኤሲ ሙዔ፤ ዔኤሲኮ ያሎሊ ዳንጋም ዓኣሢኬ።

14 ዔራቶ ኔኤኮ ሸምፓሢም ኮሺ ማዔሢ ዔሬ፤ ዔራቶ ኔኤኒ ዴንቄቲ ሲካ ቤርታኣ ናንጋ ኔኤኮ ጊኢጌያ ማዓንዳኔ፤ ሃጊ ማዓንዳ ዎዛኣ ኔኤኮ ሳይቃዓኬ።

27

15 ዎይዞ ዒፃ ዓሶጉዲ ዲላሢኮ ማኣሮ ቡራኒ ካቲፖ፤ ሃሣ ማንጊፖ።

16 ዲሎ ዓሲ ለንካይ ማይንቲ ሎኦሜታቲያ ጊንሣ ዔዔቃኔ፤ ዎይዞ ዒፃ ዓሶ ጋዓንቲ ሳይሲንታ ሄላኔ።

28

17 ኔኤኮ ሞርካሢ ዲቂንታኦና ኔና ሞዛሶፓ፤ ዒ ሎኦማ ዎዶናኦ ሞዛዲፖ።

18 ዬያ ባኮና ኔ ሞዛዴቲ ጋዓንቲ ናንጊና ናንጋ ጎዳ ኔ ያዩሳኔ፤ ኔ ሞርካሢዳ ዒዚ ዲጋዴ ዳጎዎ ሃሻኔ።

29

19 ፑርቶ ዓሶ ማደሮ ኔኤኒ ማሊ ሜታዲፖ፤ ዔያቶ ቂኢሪፖ፤

20 ሞይዚ ዒፃ ዓሲ «ሃጊ ታኦኒ ሃያ ዴንቃንዳኔ» ጌይ ሃጊ ማዓ ሞዛ ጌሃ ባኦዚ ባኦሴ።

30

21 ታ ናዓሢዮ! ያኦሲ ዒጊጩ። ካኦቲያ ቦንቼ፤ ዔያቶም ሞይዘ ዒፃ ዓሶና ሞላ ፔቲ ማዒፖ።

22 ዬንሢ ሞይዘ ዒፃዞንሢዳ ዴኤፒ ባይሲንታ ዔርቲባኦንቲ ሄላኔ፤ ያኦሲንታ ካኦቲንታ ዔያቶይዳ ዓጋንዳ ሜታ ዓይጎታቲያ ዔራ ዓሲ ባኦሴ።

ዒሮ ዓሳ ቃሲ ዘሬ ዘር

23 ዒሮ ዓሳ ቃሲ ጌዔ ባካ፡-

ዎጌ ዎጊንታ ዎዶና ፔቲሢ ዛላ ማዒ ጌሰቲሢ ዲቢንቲኬ፤

24 ዲቢንቲሢ ጌኤሽ ማሂ ዎጋ ሱኡጋሢ ዓሳ ጫሽካኔ፤ ሜሌ ዴራኦ ዒዛ ዒፃኔ።

25 ዲቢንቲሢ ፒዜና ጌሰቲ ዎጋ ሱኡጋሢም ጋዓንቲ ኮሺ ማዓንዳኔ፤ ሚርጌ ዓንጀዎ ዴንቃንዳኔ።

26 ዔኤቢ ፒዜና ማሂ ኬኤዛ ዓሲ ዒናፓ ሞሊ ናሽካ ላጌ ማዒ ፓይዲንታኔ።

27 ቤርታዲ ኔ ሳይይዳ ኔ ናንጎም ኮይሳ ባኮ ቢያ ጊኦጊሾ፤ ዬካፓ ማኦሪ ማዜ።

28 ዓይጎ ዓሲዳኦ ማዎም ዔርቲ ባኦዚ ባኦንቲ ማርካዲፖ፤ ዒዛይዳ ሉኡዚ ባኦዚያ ጌሰቲፖ።

29 «ዓሲ ታኦም ፑርታ ማዴማጉዴያ ታኦኒያ ፑርታ ባኦዚ ዒዛም ማዳንዳኔ! ታኦኒ ኮሞ ማሃንዳኔ!» ጌይፖ።

30 ቤልፃና ማሊ ጳቂሥሢ ፓጩ ዓሲናኮ ጎዡና ዎይሮ ቱኮ ቤዞዎ ታኦኒ ዓኦዴኔ፤

31 ዒማና ዬያ ጎዡይዳ ሆኦሪና ቶሻና ኩሚ ዓኦኔ፤ ዓጮ ዲርቆና ኬኤሎ ዲፃኦ ደዔኔ።

32 ዬያ ታኦኒ ዛጌ ዎዶና ዬያ ዛሎ ታ ማሌኔ፤ ታኦኒ ዛጌ ባኮይዳፓኦ ዔራቶ ዔኬኔ።

33 «ዳካ ታ ሊጵ ሊጵ ጎፆሞ፤ ዳካ ታ ጊንፆሞ፤ ኩጮሞ ታኣኮ ታኣኒ ጳንጪ ዳካ ሃውሾሞ» ኔ ጌዔቴ፡

34 ሃጊ ኔ ላሂ ዓኣንቴ ማንቃቶና ዔኤቢኮ ባይሲንታና ፆልዚ ዓንጋሞ ዓርቄ ሱላጉዲ ዔሩሞንቴ ኔ ጊዳ ሙካንዳሢ ዔሬ።

25

ሴለሞኔ ኬኤዜ ሜሌ ኮእኪንሢ

1 ሃይካፓ ሊካ ኬኤዚንታ ኮእኪንሢ ሴለሞኔ ኬኤዜ ሜሌ ኮእኪንሢኬ፤ ዩይ ኩቻ ፃኣፒንቴሢ ዪሁዳ ካኣቴ ሂዚቂያሴኮ ካኣቴሞ ማኣራ ዓኣ ዓሶ ዛሎናኬ።

2 ፆኣሲ ቦንቹንታሢ ዔኤቢ ዓኣቹ ዓርቃያ ማዒያናኬ፤ ካኣታ ቦንቹንታሢ ጋዓንቴ ዔሶ ዛጊ ፔጋሲያናኬ።

3 ካኣቴ ማላ ባኮ ኔኤኒ ዔራኒ ዳንዳዑሞሴ፤ ካኣቴኮ ማሊሢ ጫሪንጮጉዲ ጴጋያ፡ ሃሣ ጴኤፖ ባዞ ሞኣፆጉዲ ዔታዲያኬ።

4 ቢሮ ዓንጎፓ ሳልፒፆ ባይዜ፤ ዩካፓ ዓንጎ ሹኤሹ ኮሻሢ ኮሻንዳኔ።

5 ካኣቴ ቤርታፓ ፑርቶ ዓሶ ሹኢሹ፤ ዒዛኮ ካኣቴማ ፒዜ ሞጌና ደዲ ናንጋንዳኔ።

6 ኔኤኒ ካኣቴ ቤርታ ዔቃ ሞዶና ሄርሾያና ዔርቴ ዓሲ ማዓኒ ማሊፖ፤ ጴኤፖ ዓሶ ቤዞ ባንሢ ጴግ ጴግ ጋዓኒ ኮይፖ።

7 ኔኤፓ ባሹ ዓሲሞኔ ቤዞ ኔኤኒ ሃሻንዳጉዲ ሱኡጌ ኔና ፆኦጭሞ ኔ ቦርሲንታንዳሢዳፓ፡ «ሃኒ ሃይካ ጴጌ ቤዞ ኬሰኬ!» ኔ ጌይንቴቴ ቃራኬ።

8 ኔኤኒ ማርካጴሰካፓ ሜሌ ዓሲ ኔ ማርካታ ጳቢንቴያ ማዔሢ ዔርዜሞ ኔ ቦርሲንታንዳሢሮ ኔ ዛጌ ባኮ ዛሎ ማርካዳኒ ሩኡሪና ሞጎ ሞጎ ቤዞ ዓኣዲፖ።

9 ኔኤና ኔ ላጋሢና ባኣካ ማርማ ዔቄቴ ዒዛና ሞላ ጌሰቴ ዒንሢ ማርሚሳ ባኮ ጊኢጊሻንዳፓዓቴሞ ሜሌ ዓሲኮ ዓኣሺንቴ ባኣዚ ኬሲፖ።

10 ኔ ዩያይዲባኣቴ ኔኤኒ ጌኤሲ ዒና ዓርቄሞያ ማዔሢ ዔራ ሜሌ ዓሲ ኔና ጳውሲሳንዳኔ፤ ኔኤኮ ባይቃኒ ዳንዳዑሞ ፑርታ ሱንሢ ኬሰካንዳኔ።

11 ዩኖ ሞዶና ፒዜና ጌሰቴንቴ ባካ ቢራ ዓንጊ ዑሰካ ሞርቄፓልሞ ኮሾናጉዲ ሚዛጲ ማዓንዳኔ።

12 ዋይዛኒ ናሽካያ ማዔ ዓሲም ጨንጫ ዓሲ ጎሪ ዞራ ዞር ዋርቁ ዲንደፓ፤ ገንሣ ሃሣ ቃራ ዋርቁይዳፓ ኮሺንቴ ፓልሞይዳፓ ባሼ ናሽኪንታያ ማዓኔ።

13 ሸሚ ዋአሢ ያጎሢና ጳኤቢ ማሃሢጉዲ ጉሙርቁንታ ከኢታ ዓሲ ዳኬ ዓሢም ዒማዒ ማዓኔ።

14 ዔኤቢ ዒንጉዋያታየ «ታ ዒንጋኔ» ጌይ ጉሪ ሆኦሊንታ ዓሲ ዒርዚባኦ ሻኦሬና ዠባሬናጉዲኬ።

15 ገቢ ዳንዳዒሢና ሺኢቲ ጌሰቲሢ ጳኤፒ ማኪ ዒዲሢ ሸሚሻኔ፤ ሱኦጌታየ ማሊያና ዔኤዓንዳጉዲ ማሃኔ።

16 ሚርጋየ ኔና ዒሡዋጉዲ ኮይሳሢዳፓ ዑሣ ዓአሢ ዔኤሲ ሙይፖ፤

17 ኔ ዓሺናሢ ማኦሪ ቢያ ኬሊ ዓአዲፖ፤ ሸናዲ ኔና ዒፃኒ ዳንዳዒ።

18 ፔ ለጋሢ ዑፃ ሉኡዙሞና ማርካዳ ዓሲ ጨንቻ ዓፓር፣ ኮኦሎ፤ ሃሣ ዋርቁንቴ ሂኢሺጉዲ ዬያ ዓሢ ማአሳንሢ ዳንዳዒ።

19 ሜቶ ዋዴና ጉሙርቁንቱዋ ዓሲዳ ጌኤቁንቲሢ ዓገፃ ዓቺና ዔኤቢ ዳይሢ፤ ሃሣ ቶኪ ሜጌሢ ሜቁንቴ ሃንቲሢጉዲኬ።

20 ያያ ዓሲም ኮርገሢ፡- ጨኢሺ ኬሊና ማኦየ ኬሲሢና ከሢዳ ዲካ ባኦዚ ዋሃሢናጉዲ ፑርታያኬ።

21 ሞርካሢ ኔኤኮ ናይዲንቴቴ ዒዛ ሙኡዜ፤ ሃሣ ዒዛ ጳኤቤቴያ ዑሼ፤

22 ዬያ ኔ ማዳቴ ቦርሲንቲ ታሚና ኔ ዒዛ ሚቻኔ፤ ኔኤም ጋዓንቴ ናንገና ናንጋ ጎዳ ኔ ማዳ ኮዦ ማዶ ዛሎ ጨጋንዳኔ።

23 ኬዶ ዛሎ ዠባራ ዒርዚ ዔኪ ዬዓሢጉዲ ደንኮዋ ጎሪንቲ ዔኪ ዬዓሢ ዔርቱያኬ።

24 ጎሪንቲ ሸራ ማቾና ዋላ ፔቴ ማኦሪዳ ናንገሢዳፓ ማኦርኮ ዙላ ናንገሢ ቃራኬ።

25 ሃኬ ዓጨዳፓ ሙኬ ኮሺ ሃይሴ ዋይዚሢ ላቤ ዓሲ ሸሚ ዋአሢ ዑሽኪ ጳኤቢ ማሃሢጉዲ ዋዛሳያኬ።

26 ፑርታ ዓሲኮ ፑርቶ ማዶ ዛገ ዔካ ኮሺ ዓሲ ዲኡሊንቁ ዓልቃ ዋአሢጉዲ፤ ገንሣ ሃሣ ፑርቲ ቦቆሊ ዋአሢጉዲኬ።

27 ሚርጌ ዔኤሲ ሙይሢ ኮሺቱዋሴ፤ ዬያጉዲ ሃሣ ዓሲዳፓ ቦንቾ ዳንቃኒ ኮይሢያ ዓሲ ቦንቾሱዋሴ።

28 ዳጎ ኔኤኮ ኔ ቃዛኒ ዳንዳዒባኦቴ ቃዛ ቲኢሢባኦ፤ ሃሣ ሞርኬም ፔጋዳ ካታማጉዲ ኔኤኒ ማዓንዳኔ።

25:22 ሮሜ 12:20።

26

1 ሻቺ ያገሢ ዓገኒና፡ ዒርዚ ሃሃ ማኣሊ ቡሪሢና ኮይሱዋኣሢ፡ ዒኤያ ዓሲም ቦንቸ ኮይሱዋሴ።

2 ካፓ ሴካ ሃንጋ ባራናዎ ፔቲታዎ ሜቶ ኔጊዳ ሄሊሳኒ ዳንዳዑዋኣሢ፡ ጉሪ ጋዳማ ፔቲታዎ ሜቶ ኔጊዳ ሄሊሳኒ።

3 ፓሮ ጳርቂሢ፡ ባቁሎ ቢፃልቂሢ ኮይሳሢ፡ ቤልፃ ዓሲም ጳዲ ኮይሳኔ።

4 ፓሠዋ ያኦጪሢ ኔና ያኦጪ ዒኤያ ዓሲም፡ ኔኤኒያ ዒዛጉዲ ማዑዋጉዲ ማሂ ዒዛም ኬኤዚ።

5 ጋዓንቴ «ታ ዒራኩ» ጌይ ሙኩዋጉዲ ዒዚ ዒኤያ ማዔሢ ፔጋሲ ዒዛም ማሂ ኬኤዚ።

6 ዒኤያ ዓሲ ኪኢታሮ ዳኪሢ ፔ ቶኮ ቲቂሢ፡ ሃሃ ዎዳ ዴኤሻ ዑሽኪሢ።

7 ዒኤያ ዓሲኮ ኮኦኪንሢና ጌሰቲፃ ዎቦ ዓሲ ዎቦ ቶኮና ሃንታሢ።

8 ዒኤያ ዓሲ ቦንቸሢ ሹቸ ዎራይዳ ዓይሢ ቱኪ ዎራኒ ማሊሢ።

9 ዒኤያ ዓሲኮ ኮኦኪንሢና ኬኤዚፃ ማሢንቴ ዓሲ ፔኤኮ ኩጫ ጫርጌ ዓንገሢ ኬሳኒ ላባሢ።

10 ጎይሢና ዓኣዳ ዒኤያ ዓሲ፤ ገንሣ ሃሃ ማሢንቴ ዓሲ ቢያ ማዳም ዒኪ ማዳሻ ሱኡጌ ዳንቄ ዓሲ ቢያ ሂኢሻና ዳካ ዓሲ።

11 ፔኤኮ ዒኤያቶ ላሚ ላሚ ፔጋሲ ዳዋ ዒኤያ ዓሲ ፔ ጮኦሽኬ ጮኦኦፍ ገንሣ ሙዓ ካኒ።

12 ፔ ማሊያና ዒራ ማዔያ ማላ ዓሢዳፓ ዒኤያ ዓሲኮ ሃጊ ማዓ ዎዛ ዓኣኔ።

13 ቤልፃ ዓሲ፡- «ዘቢ ጎይፃይዳ ዓኣኔ፤ ኮሺ ዒጊቻ ዘቢ ዳልጎ ጎይፃይዳ ሃንታኔ» ጋዓኔ።

14 ካሮ ሳንቃ ጳንጪንታ ዓንጎይዳ ሺራሢ፡ ቤልፃ ዓሲ ፔኤኮ ሻኦይዳ ሴካ ሃንጋ ሺሪ ሺሪ ላሂሢ ሚርገሻኔ።

15 ፔቲ ፔቲ ዓሳ ኮሺ ቤልፃኬ፤ ሜሌዓቲም ዒያታ ዓንዳ ኩጮ ዳኪሢ ማሂ ዒኪ ካሃ ኩኡሊፃ ዒያቶ ባባሻኔ።

16 ቤልፃ ዓሲ ገዳያ ማዓ ላንካይ ዓሲ ማርካዳፓ ዒዚ ባሾ ማሊ ጳቂሢ ዓሲ ማዔያ ዒዛም ማላኔ።

17 ኔና ኮይሱዋ ባኣዚዳ ጌሊ ማርሚሢ ጎይሢና ዓኣዳ ካኒኮ ዎይዚ ዓርቂሢ።

18-19 ዓሲ ጌሺጋፓ «ታ ዓማሊ ማጳኔ» ጋዓ ዓሲ ፑርታ የልዚ ዓንጋሞና ዓማላ ዣኣዣ ዓሲጉዲኩ።

20 ሃንዲሌ ባኣቲ ታሚ ሃሃይቃኔ፤ ኬኤሴ ዓሲ ባኣቲ ዑራ ባይቃኔ።

21 ቃኣጫ ቁንሢ፤ ሃንዲሌ ሃሃ ታሚ ዔኤሣሢጉዲ ዑራ ማዣ ዓሲ ዑራ ዳልገሻኔ።

22 ኬኤሴ ዓሲኮ ሃይሳ ዓኣሢ ሙኡዚጉዲ ኮሽኪ ኮሽኪ ኬዲ ዑዖኮ ጋር ጌላኔ።

23 ዒኖ ጋርና ፑርቱሞ ዓኣንቲ ጳንጎና ሺኢቲ ጌሰታ ዓሲ ዙላ ሚዛጳ ቢራ ዓንጊ ሸኤሸናያና ቲሽኪ ሚዛጲሶና ዓጪፓ ኮሾና ሜሄጉዴያኩ።

24 ጌኔ ዓሲ ጳንጋና ጌሻኔ፤ ፔኤኮ ዒኖና ጋዓንቲ ጌኖ ማሊዖ ሱካኔ።

25 ዒዛኮ ዒና ዒሡሞና ኩሜያ ማዔሢር ጌሻ ዑኡሲና ኔና ዒ ሳልማሴቲ ዒዛ ጉሙርቁፖ፤

26 ዒዚ ፔኤኮ ዒዲዖ ዓኣቹያታቲያ ዒ ማጳ ፑርቶ ማጳ ዓሲ ቢያኮ ቤርታ ፔጋኣኩ።

27 ሜሌ ዓሲም ፒር ፒራ ዓሳ ፔኤር ዬያና ዓርቁንታንዳኔ፤ ዓሶይዳ ዔያታ ኮላሲ ዳካ ሹሞ ማዒ ጊንሣ ዔያቶ ዳኣፃንዳኔ።

28 ሉኡቃ ዓሲ ዒዚ ሉኡቁ ኬኤዛ ዓሶ ዒፃኔ፤ ሃሃ ጌኔ ማጳ ዔያቶም ማጳኔ።

27

1 ኬሌ ዔኪ ሙካ ባኣዚ ዔርቱሞኣሢር ዚር ማዓንዳ ባኣዚና ሄርሺንቲፖ።

2 ሜሌ ዓሲ ኔና ጋላታንዳኣፓዓቲም ኔኤኔ ኔና ጋላቲፖ፤ ዓሲ ኔ ዛሎ ማርካጳንዳኣፓዓቲም ኔኤኔ ኔ ዛሎ ኮሹሞ ኬኤዚፖ።

3 ሹቹና ማኣሻላና ዴኤሢኩ፤ ዔኤያ ዓሲ ዔቁሳ ጳጋ ጋዓንቲ ዬያይዳፓ ባሽ ዴኤፃኔ።

4 ጳጋ ሚጪንቲሢ ባኣያ፡ ሃሃ ርኣጋዳያ ማሃኔ፤ ቁኢሩሞ ጋዓንቲ ጳጋፓ ባሽኩ።

5 ፔጌና ጎሪ ኬኤዚንታ ዞር ዓኣሺንቲ ናሹሞይዳፓ ቃራኩ።

6 ላጌኮ ጌኤሲና የዩሲሢ ኮሹሞምኬ፤ ሞርኬኮ ሄሢ ጋዓንቲ ባይዛኒኩ።

7 ሚሺ ዓሲ ዔኤሲ ናሹሞሴ፤ ናይጳ ዓሲም ጋዓንቲ ጫንቹባኣዚታዖ ዓዓኣፃኔ።

27:1 ያይ. 4:13-16።

8 ፔ ማኣሮፓ ሃኪ ዓኣዳ ዓሲ ማኣሮፓ ሃኪ ዳንዲ ጉሪ ባራኒ ሸራ ካፒ ማዓኔ።

9 ሳውቃ ቲሺና ቃራ ሳውሞ ዓኣ ዑንጃና ዓሲም ኮሽካሢጉዲ ለጌኮ ዘሮ ዬያጉዲ ዋዛሳኔ።

10 ኔ ለጌ ማዓያ፣ ሃሃ ኔኤኮ ዓዶ ለጌ ማዓያ ዋሊፖ፤ ሜታ ኔና ሄላዛ ኔ ጌርሲ ኔና ማኣዶም ኮሲ ዓኣዲፖ፤ ሃኬ ዓኣ ጌርሲዳፓ ዑኩ ዓኣ ዓሺኒ ማማኣዳኔ።

11 ታ ናዓሢዮ! ዓራ ኔ ማዓቴ ታና ዋዛሳኔ፤ ታና ጫሽካሢም ቢያ ታኣኒ ማሂ ኬኤዛ ባኣዚ ዓኣኔ።

12 ጪንጫ ዓሲ ሜታ ሙካሢ ዛጋፖ ዓዓኣሽንታኔ፤ ማሊ ጳቂሥሢ ፓጩ ዓሲ ጋዓንቴ ዬያ ሜቶይዳ ጌሌሰካፓ ጊንፃ ፆያኔ።

13 ዓደጎ ዓሲያ ዔርቱዋ ዓሲም ዋኣሴ ጌሌቴ ማኣዓሢ ዒዛኮ ዔኬ፤ ዬያ ዔርቱዋ ዓሢኮ ዓይሢ ባኣዚ ማዓንዳጉዲ ኔ ኮይላ ጌሢ።

14 ጉቴ ዓሚ ዳግ ጌዔ ዑኩሲና ፔኤኮ ዓሺኖ ዔኤሎ ዔኤሊሢ ዓዳ ጋዳማ ማዒ ፓይዲንታኔ።

15 ጎሪንቴ ሸራ ማቻ ያዳ ማኣሪጉዲኬ፤

16 ዠባሬ ቃዛኒ፣ ጊንሣ ሃሃ ዛይቴ ቲሺያ ኩቸና ዱኡሚ ዓርቁንቴዋኣሢጉዲ ዬና ላኣሌሎ ዘቲዳኒ ዳንዳዒንቴዋሴ።

17 ዓንጊ ዓንጊ ዳንሣሢጉዲ ዓሲያኣ ፔቴይ ባጋሢዳፓ ዔኤቢ ዔራኔ።

18 ቤሌሴ ሚያ ኮሺ ዛጊ ኔኤኒ ዓርቁቴ ዒዛኮ ዓኣፖ ኔኤኒ ሙዓንዳኔ፤ ፔኤኮ ዋይሣሢኮ ቶኣኮ ዛጋ ማዳሢያ ቦንቸንታንዳኔ።

19 ዋኣሢ ሌማሌኤሽጉዲ ዓኣፖ ካሮ ኔኤኮ ቤኤዛሢጉዲ ኔኤኮ ዒና ሌማሌኤሽ ማዒ ኔና ማሂ ዳዋኔ።

20 ሃይቢና ዱኡፔና ኦኡም ጊዳኔ ጎዑዋኣሢጉዲ ዓሲ ማሊሢያ ዒማጉዲኬ።

21 ዋርቁንታ ቢሮ ዓንጎንታ ታሚና ዛጊንቲ ዔያቶኮ ጌኤሹማ ዔርታሢጉዲ ዓሲኮዋ ኮሹማ ዒዛ ጋላቲንታ ጋላቶ ዔካ ጎይያና ዛጊንቲ ዔርታኔ።

22 ሃኣኮ ጰዳይዳ ዑዲንታሢጉዲ ዔኤያ ዓሲ ሃይቃንዳያ ሄላንዳኣና ጳርቁቴያ ዔኤያቶ ዒዛይዳፓ ባይዛኒ ኔኤኒ ዳንዳዒዑዋሴ።

23 ማራቶ ኔኤኮ ኮሺ ዛጊ ዔሬ፤ ባኣቶኮዋ ኔኤኮ ቶኣኮ ኮሺ ዛጌ።

24 ቆሎ ቢያ ዋዴ ናንጋ ባኣዚቱዋሴ፤ ሃሃ ካኣታኣ ናንጊና ናንጋያቱዋሴ።

25 ማኣታ ባቃሊ ከሰኩዋንቴ ሃንጎ ማኣቶ ዋዴ፣ ዱኮይዳ ዋርቁ ዓኣ ማኣቶዋ ዋዲ ዔኪ ዬይ ቡኩሴ፤

26 ኔ ዬያይዴቴ ማራታ ኔኤኮ ዓፒላ ኮሾንዶ ጋፓኔ ኔኤም ኬሳንዳኔ፤ ዋኦርይዳፓኦ ዛላ ሻንቺ ጎሺ ሻንቆንዶ ሚኢሾ ኔኔኔ ዴንቃንዳኔ።

27 ዓቴ ዋኦራ ኔኤና ኔ ማኦሮ ዓሶናም፤ ጊንሣ ሃሣ ማዶ ማዶ ላኦሎማኦ ጊዳንዳ ዲኢቂ ሶርቃንዳኔ።

28

1 ጎሜ ዓሲ ያኢያ ዔያቶ ዳውሱዋንቴ ጸሸካኔ፤ ኮሺ ዓሲ ጋዓንቴ ዓዳ ዘቢጉዲ ጫርቃ።

2 ፔቴ ዴሬ ዋይዚ ዒዳያ ማዓዛ፣ ሱኡጌ ዔያቶ ላኦሚንቴ ላኦሚንቴ ዋይሣኔ፤ ዔራና ማሊ ጸቂሣ ሱኡጌና ዓኦያ ማዓዛ ጋዓንቴ ሚርጌ ለዔ ደዲ ዴሬ ማዓኔ።

3 ማንቆ ዓሶ ሄርቂ ዋይሣ ሱኡጌ ሃኦኮ ባቃሊ ዲርካቺ ባይዛ ዴኔፕ ዒርዚጉዳያኬ።

4 ዋጎ ቦንቻዋ ዓሳ ፑርቶ ዓሶ ጋጋላታኔ፤ ዋጎ ቦንቻ ዓሳ ጋዓንቴ ፑርቶ ዓሶ ማኪ ዒፃኔ።

5 ፑርቶ ዓሳ ፒዜ ዋጌ ዓይጎታቴያ ዔሩዋሴ፤ ናንጊና ናንጋ ጎዳ ኮዓ ዓሳ ጋዓንቴ ጉቤና ዒዛ ማሊ ጸቂሣኔ።

6 ያርጎቺታፆ ጌሻያ ማዓ ዓሲዳፓ ማንቆታፆ ጉሙርቂንታ ዓሲ ማዒሢ ኮሺኬ።

7 ዋጌ ቦንቻ ናይ ዔራ ናይኬ፤ ፓሡዋኦያ ማዓዛሢና ዋላ ላጌ ማዓ ናይ ጋዓንቴ ፔኤኮ ዓዶ ዳውሲሳኔ።

8 ሚኢሾ ሾይቺና ማሆም ታልዓሢና ዓሲኮ ዔኤቢ ቡሪ ዔኪ ቦንቺንታ ዓሲኮ ቆላ ቢያ ማንቆ ዓሶም ዒንጋ ዓሲም ዒንጊንታኔ።

9 ፔቴ ዓሲ ዋጌ ቦንቻዋያ ማዔቴ ሺኢጲፃ ዒዛኮ ያኦሲ ቤርታ ሻኦካያ ማዓኔ።

10 ጎኔ ዓሲ ጌሺ ዔኪ ፑርታ ባንሢ ዓኦዳሢ ዒ ፒሬ ፒራሢዳ ዓርቂንታኔ፤ ጌኤሺ ዓሲ ጋዓንቴ ኮዦ ማዶ ዛሎ ዒንጎ ባኮ ዴንቃንዳኔ።

11 ያርጎቺ ዓሲ ቢያ ዋይ ዔር ማዔያ ዒዛም ማላኔ፤ ማሊ ጸቂሣያ ማዔ ማንቃሢ ጋዓንቴ ዬያ ዓሢ ዛጊ ዔዔራኔ።

12 ኮዦ ዓሳ ባሻ ዋዶና ዓሲ ቢያ ዋዋዛዳኔ፤ ፑርቶ ዓሳ ቢታንቶ ዓርቃ ዋዶና ጋዓንቴ ዓሲ ቢያ ያዩሢና ቶኦኪ ሱሊሳኔ።

13 ፔኤኮ ጎሞ ዓኦቻሢም ናንጊ ጊኢጉዋሴ፤ ፔኤኮ ጎሞ ቡኡፃፆ ላሚ ጎሜ ማዳሢ ሃሻሢ ጋዓንቴ ያኦሲኮ ማኦሪያ ዴንቃንዳኔ።

14 ቢያ ዋይ ናንጊና ናንጋ ጎዳ ዒጊጫ ዓሲ ዓንጂንቴያኬ፤ ዒዳያ ማዔ ዓሲ ጋዓንቴ ሜቶይዳ ኬዳንዳኔ።

15 ማንቆ ዓሶ ሄርቁ ዋይሣ ሱኡጌ ጉዳ ዘቢና ናይዲንጉ ሙዖ ፔኤኮ ኬማኒ ካቴ ዴዔ ዲቤ ጌይንታ ቦዖጉዴያኬ።

16 ማሊ ጳቂሥሢ ፓጩ ሱኡጌ ቡራያና ቁኢራያና ማዓኔ፤ ቡሪሢ ዲፃ ሱኡጌ ጋዓንጉቴ ሚርጌ ዋዴ ዋይሣንዳኔ።

17 ዓሲ ዋዴ ዓሲ ሃይቃንዳያ ሄላንዳኣና ጳሽኪ ጳሽኪ ናንጋኔ፤ ዓይጎ ዓሲያ ዓዲ ው ላንሢ ሱኡጌ።

18 ጉሙርቁንታያ ኔ ማዔቴ ኮሽና ናንጋንዳኔ፤ ዋቦ ዓሲ ማዔቴ ጋዓንጉቴ ዑኩና ኔኤኒ ሎኦማንዳኔ።

19 ጎሽ ዶዲ ጎሽካ ዓሲኮ ጊዳ ሙኡዚ ዓኣያ ማዓኔ፤ ዋዶ ፔኤኮ ጉሪ ጋፒሳ ዓሲ ጋዓንጉቴ ቢያ ዋዴ ማንቁ ጎይሣ ናንጋንዳኔ።

20 ጉሙርቁንታ ዓሲኮ ዋዛና ኩሜ ናንጊ ዓኣያ ማዓንዳኔ፤ ዖርጎቺ ማዓኒ ጎይይቃ ዓሲ ጋዓንጉቴ ሜታ ሄላኔ።

21 ዋጎ ዋቢሲሢና ፔቴሢ ማኣዲፃ ኮይሳያቱዋሴ፤ ፔቴ ፔቴ ዓሲ ጋዓንጉቴ ካሣ ቡንፂሢ ዴንቃኒ ጋዓፃ ፔቴሢ ዛላ ማዓኔ።

22 ዱኡዲ ዓሲ ዖርጎጫኒ ሩኡራኔ፤ ማንቃቶ ዑኩና ሙካሢ ዔሩዋሴ።

23 ዓሲ ሳልማሲሢዲፓ ዞሪ ዞሪ ጎራ ዓሢ ጋፒንፃይዳ ዬይ ዓሢ ጋላታንዳኔ።

24 ፔ ዓዶና ፔ ዲንዶናፓ ዉኡቁ፡- «ታኣኒ ጎሜ ማዲባኣሴ» ጋዓ ዓሲ ዓይጎ ባኣዚያ ማፃም ፑርቲሴ ዓሲዲፓ ዲማቱዋሴ።

25 ዱኡዲ ዓሲ ዑራ ማኣኔ፤ ናንጊና ናንጋ ጎዳ ጉሙርቃ ዓሲ ጋዓንጉቴ ዖርጎጫኔ።

26 ፔና ጉሙርቃ ዓሲ ዔኤያኬ፤ ዔራቶና ዓኣዳ ዓሲ ጋዓንጉቴ ኮሽ ናንጊ ናንጋኔ።

27 ማንቆ ዓሲም ዲንጋሢ ሜታዲንዲዋሴ፤ ማንቆ ዓሶ ዛጎ ዲፃ ዓኣፖ ካሮ ሽርሻሢ ጋዓንጉቴ ዓሳ ጋዳንቁ ዓሲ ማዓንዳኔ።

28 ፑርቶ ዓሳ ሱኡጌ ማዒ ዶኦሪንታዛ ዓሳ ዓዓኣሽንታኔ፤ ዔያታ ኬዳ ዋዶና ጋዓንጉቴ ፂሎ ዓሳ ሚርጊ ናንጋኔ።

29

1 ሚርጊ ዋዴ ጎሪ ዞርናንጉቴ ዋይዞ ዲፃ ዓሲ ዔርቲባኣንጉቴ ሜቃኔ፤ ፓሣንዳ ባኣዚያ ባኣያ ማዓኔ።

2 ኮዦ ዓሳ ሱኡጌ ማዒ ዶኦሪንጉቴ ዋዶና ዴራ ዋዋዛዳኔ፤ ፑርቶ ዓሳ ሱኡጌ ማዒ ዶኦሪንታኣና ጋዓንጉቴ ዴራ ማሊ ሜታዳኔ።

3 ዔራቶ ናሽካ ዓሲ ፔ ዓዶ ዋዛሳኔ፤ ዞኣዛ ኮኦማ ላኣሎ ጊንፃ ሃንታሢ ጋዓንጉቴ ፔኤኮ ቆሎ ላላኣላኔ።

4 ካኣታ ፒዜ ዎጌ ዎቡዎጉዲ ማሃ ዎደና ዓጮ ፔኤኮ ደዲሻኔ፤ ዴር ቡራ ሱኡጌ ጋዓንቴ ዓጮ ፔኤኮ ባይሲንታ ባንሢ ዔኪ ዓኣዳኔ።

5 ፔኤኮ ላጎ ሳልማሳ ዓሲ ዬያቶኮ ቶኮም ፒር ፒራኔ።

6 ፑርታ ዓሲ ዒዛኮ ጎማ ፒር ማዒ ዓርቃኔ፤ ኮሺ ዓሲ ጋዓንቴ ጾኦሲ ቦንቾም ዓይናዲ ዓይናዲ ዎዛዳኔ።

7 ኮሺ ዓሲ ማንቆ ዓሶም ፒዜ ዎጌ ዎጊንታንዳጉዲ ማሊ ማታዳኔ፤ ፑርቶ ዓሳ ጋዓንቴ ዬያጉዴ ባኮ ዔኤቢኬ ጎውቆ።

8 ማሌ ዓሶ ዛሎ ዔኤቢኬ ጎውቆ፣ ቦሂ ሺራ ዓሳ ካታምይዳ ዛሎ ማዛኔ፤ ዔር ዓሲ ጋዓንቴ ዱኡላዴ ናንጎ ማሂ ጊንሢ ጊኢጊሻኔ።

9 ዔራ ዓሲ ዔኤያ ዓሲ ዎጌና ዓይሢሲ ዎጎ ማኣሪ ሺኢሹቴ ዔኤያሢ ጎሪንቴ፤ ሃንጎ ማኢጪ ጌኤዞ ፑርቲሳኔ።

10 ሹምፔ ዎዳ ዓሳ ጌኤዞ ዓሶ ዒፃኔ፤ ኮዞ ዓሶዎ ዎዳኒ ኮዓኔ።

11 ዔኤዮ ዓሢ ፔኤኮ ዳጎ ዒሮ ፔጋሲ ዔርዛኔ፤ ዔራ ዓሲ ጋዓንቴ ፔኤኮ ዳጎ ጊቢ ዳንዳዒሢና ቃዛኔ።

12 ፔቴ ሱኡጌ ለኡዙሞ ሃይሴ ዔካያ ማዔቴ ዒዛኮ ደንዞ ማዔ ቢታንታ ዓኣ ዓሳ ቢያ ጌኔ ማዳ ዓሲ ማዓኔ።

13 ማንቃሢና ዒዛ ሄርቁ ዎይሣሢናም ዓኣፖ ፖዎ ዒንጋሢ ጾኦሲ ማዔሢር ቢያሢ ፖዎና ሄኮ ዛጋኔ።

14 ፔቴ ካኣቴ ማንቆ ዓሶም ፒዜና ዎጋያ ማዔቴ ሚርጌ ለዔ ዒዚ ዎይሣኔ።

15 ናይ ጎሪሢና ሻርሺሢና ዔራቶ ዴንቁሳኔ፤ ናይ ዳኪ ሃሾም ዲጫያ ማዔቴ ጋዓንቴ ፔ ዒንዶ ቦርሲሳኔ።

16 ፑርታ ዓሲ ቢታንቶ ዓርቃዛ ዎጌ ሄርቁሢ ሚርጋኔ፤ ኮሺ ዓሲ ጋዓንቴ ፑርቶ ዓሶኮ ሎኦማሢ ዛጉዎዎ ሃይቁቆ።

17 ናዎ ኔኤኮ ሻርሹ፤ ሃውሾና ኮሹሞና ኔኤኒ ዴንቁ ዎዛዳንዳኔ።

18 ጾኦሲ ፔጋሲ ዳዎ ባኣዚ ባኣቴ ዴሬ ዳኪ ሃሾናያ ማዓኔ፤ ጾኦሲኮ ዎጎ ቦንቾ ዓሢ ጋዓንቴ ዓንጂንቴያኬ።

19 ፔቴ ዓይሌ ዳንጋ ዞሪሢና ሌሊ ኮሻኒ ዳንዳዒንቱቆሴ፤ ኔ ዒዛም ጋዓ ባካ ዔርቲታቶዎ ዒ ኔኤም ዓይሢንታዓኬ።

20 ማሊ ዔኩዎዎ ሩኡሪና ጌሰታ ዓሲዳፓ ባሽ ዔኤያሢኮ ሃጊ ማዓ ዎዛ ዓኣኔ።

21 ፔቴ ካራሚ ናኣቴሞፓ ዓርቃዎ ጾቶርቁ ዲጫቴ ጋፒንፃ ዒዛኮ ኮሻኩቆሴ።

22 ዳጋ ዓሲ ዑራ ማዛኔ፤ ዑኩና ዳጋዳ ዓሲ ሚርጌ ዳቢንቴ ማዳ ማዳኔ።

23 ሄርሺንቲ ሎሎንሣኔ፤ ሹሌዔ ኔኤኒ ማዔቴ ጋዓንቴ ቦንቹንታንዳኔ።

24 ዉሲና ዎላ ፔቴ ማዓ ዓሲ ፔና ዒፃ ዓሲኬ፤ ዒዚ ጫአቁቴያ ጎኔ ባአዚ ዒ ኬኤዙዎሴ።

25 ዓሲ ዒጊጫሢ ማቶይዳ ኬዳኔ፤ ናንጊና ናንጋ ጎዳ ጉሙርቃሢ ጋዓንቴ ኮሺና ናንጋ።

26 ሚርጌ ዓሲ ቢታንታ ዓአ ዓሶፓ ማአዶ ኮዓኔ፤ ፒዜ ዎጌ ጴዳሢ ጋዓንቴ ናንጊና ናንጋ ጎዳይዳፓ ሌሊኬ።

27 ፑርቶ ዓሶ ኮዦ ዓሳ ዒፃኔ፤ ሃሣ ኮዦ ዓሶዎ ፑርቶ ዓሳ ዒዒፃኔ።

30

ዓጉሬ ጌይንታ ዓሢ ኬኤዜ ባኮ

1 ማሳ ዓጮ ዓሢ፣ ያቁ ናአዚ፣ ዓጉሬ ዒናፓ ኬኤዜ ሃይሳ ሃካፓ ዴማ ኬኤዚንታ ጎይፆኬ፡-

«ፆኦሲ ታአና ዎላቱዎሴ፤

ጎኔና ፆኦሲ ታአና ዎላቱዎሴ፤

ዬያር ታና ማአዳያ ታ ባይዚ ሃጊ ማዓ ዎዛ ታአኒ ቲቁኔ።

2 ዓሲ ማዒፃ ታአኮ ጋፔም ቆልሞ ታአኒ ማዔኔ፤

ዓሲኮ ዓአያ ማዓኒ ኮይሳ ማሊ ጸቁሳ ዒኔ ታአኮ ባአሴ።

3 ፔቴታፆ ዔራቶ ታአኒ ዔሪባአሴ፤

ፆኦሲ ዛላ ታ ዔራ ዓይጎ ባአዚያ ባአሴ።

4 ሌካ ጫሪንቺ ኬሰኪ ጊንሣ ኬዴሢ ያናዳይ?

ዠባሬ ኮቺና ዴኡሚ ዓርቋያ፣

ሃሣ ዎአሢ ፔኤኮ ዓፒላ ፆሼያ፣

ዓጫ ማዔ ካሮና ማሂ ዶዲሼሢ ያናዳይ?

ዬያ ዓሢኮ ሱንፃ ያናዳይ?

ናፆ ሱንፃ ዒዛኮ ያና ጌይንታይ?

ኔኤኒ ዔራቶ ታአም ኬኤዜ።

5 «ፆኦሲ ኬኤዛ ቃአላ ቢያ ጎኔኬ፤ ዒዛ ጉሙርቃሢም ቢያ ዒዚ ጊቲማኬ።

6 ዒዚ ጌይባአ ባአዚ <ዒ ጌዔኔ> ኔ ጌዔቴ ዒ ኔና ጎራኔ፤ ኔ ሉኡዚ ዓሲ ማዔሢያ ኔኤኮ ፔጋዲ ዔርታንዳኔ።»

ሚሊ ሚርጌ ኮእኪንሢ

7 ናንጊና ናንጋ ጎዳሢ! ታአኒ ሃይቃንዳሢኮ ቤርታ ሃካፓ ዴማ ዓአ ላምፆ ባኮንሢ ኔ ታና ላአጉዎጉዲ ታ ኔና ሺኢቃኔ፡-

8 ማልቴና ሉኡዙሞና ጌኤሲናፓ ታና ካፔ፤ ታአም ኮይሳሢጉዴያ ሙኡዚ ኔ ዒንጋንዳማፓ ዓታዛ ፆርጎቺ ሃንጎ ማንቆ ታና ማሂፖ።

9 ሚርጌ ቆሎ ታአኮ ዓአቴ፡- «ናንጊና ናንጋ ጎዳ ያናዳይ» ጌይ ታ ኔና ዔራዎሴ ጋዓንዳኔ፤ ጊንሣ ሃሣ ማንቆ ታአኒ ማዔቴ

ወኢቃንዳናንዳኔ፤ ዬያይዲያና ኔና ታኣኮ ጾኦዛሂኮ ሱንጾ ታኣኔ ጫሽኪሳንዳኔ።

10 ኔ ጋዳንቁንቱዋጉዲና ማቶይዳ ኔኤኒ ኬዲዋጉዲ ፔቴ ዓሲም ማደ ማደሢ ማደሻሢ ሴርቶይዳ ደንኪፖ።

11 ፔኤኮ ሾዔ ዓደንሢ ጫሽካያ፤ ሃሣ ዒንደንሢያ ጋላቱዋ ዓሲ ዓኣኔ።

12 ዔያታ ሳሚና ዓኣያታጾ ጌኤሽ ማዔያ ዔያቶም ማላ ዓሲ ዓኣኔ።

13 ዐሣ ዓኣዳ ጾቶርቃያና ዓሲ ቶኦቻ ዓሲ ዓኣኔ።

14 ዓጫ ዔያቶኮ ጨንቻ ዓፓሮጉዲ፣ ባንጋላኣ ዔያቶሲ ቁምፓይቴ ማዒ ማንቆ ዓሶንታ ማታዳ ዓሶንታ ጌኔና ቡራ ዓሲ ዓኣኔ።

15 ቁሉሢኮ፡- «ታኣም ዒንጌ! ዒዒንጌ!» ጌይ ጌይ ዒላታ ላምጾ ወዲሮ ናይ ዓኣኔ፤

ዬያጉዲ ሃሣ ፔቴታጾ ሚሽኩዋያና «ኦኦም ጌዴኔ» ጎዑዋ ሃይሃ ባኣዚ ዓኣኔ፤ ዬንሢ ሌሊቱዋንቴ ጾይዶ ባኣዚኬ።

16 ዬንሢያ፡-

«ዲኡፒ፣ ናይ ሾዓኒ ዓፃዳ ዘኣኮ ላኣሊ፣

ዒርዚ ዋርቃዛ ዎዑዋ ሳዓና

ዎዳንታኒ ዳንዳዑዋ ካይዚ ዓርቁ ታሚናኬ።»

17 ፔኤኮ ዓደ ቶኦቻያና ዒንዳኣ ጋርቻዛ ዒዞ ቦሃ ዓሲኮ ማጊዳ ናንጋ ቁራካ ዓኣፖ ዒዞኮ ቆሂ ቆሂ ኬሳንዳኔ፤ ሃሣ ሃምፑራኣ ዒዞ ሙዓንዳኔ።

18 ታኣኒ ማሊ ጸቁሃኒ ዳንዳዑዋ ሚርጌና ዓኣሽንቴያ ማዔ ሃይሃ ባኣዚ ዓኣኔ፤ ዬንሢ ሌሊቱዋንቴ ጾይዶ ባኣዚኬ።

19 ዬንሢያ፡-

«ጫሪንጫ ባራና ኮኣኬ፣

ላሌ ዑሢዳ ሃንታ ሾኦሽ፣

ባዚ ዑሢዳ ሃንታ ዋኣሢ ካኣሚሌና

ላኣሊ ናሽኪ ላጌሃ ዓርቁ ዓቲንቁናኬ።»

20 ጉሙርቁንቱዋ ማቾ ዛላኣ ዒማጉዲኬ፤ ዔኤቢ ሙዓጾ ሙሱሮ ዑጫ ዓሲጉዲ ዒዞ ዓኒ ዒዞኮ ዓኣንቴ ዘኣዜይዳ ኮኦሚጋፓ ጌኤሽ ዓሲ ፔና ማሊሲሢና፡- «ፔቴታጾ ዳቢንቴ ባኣዚ ታኣኒ ማዲባኣሴ» ጋዓኔ።

21 ሃይሃ ባኣዚ ዛላና ሳዓ ዓጊፃንዳኔ፤ ዬያ ኔኤኒ ጊቢ ዳንዳዒንዲዋሴ፤ ሃይሃ ሌሊቱዋንቴ ጾይዶኬ፤

22 ዬንሢያ፡- «ካራሚ ካኣታዳዛ፣ ቦኣዛ ዓሲ ሚሽካዛ፣

23 ዒዲንቴ ላኣሊ ዓሲም ሌዓዛ፤

ለኣሊ ካራሚታዎ ማኣሮ ዒንዶ ቤዛ ማቾ ማዓዛኬ።»

24 ዓጨዳ ጨንጨፍሞና ዔርቱ ያይዶ ዳካ ዳካ ማዢንቲ ዓኣኔ፤

25 ዩንሢዳፓ ፔታሳዎ ዓንኮ፤

ዓንካ ዳካ ባኣዚኬ፥ ጋዓንቲ ዔያታ ፔኤኮ ሙዎ ያጎያና ቡኩሳኔ።

26 ለምዓሳዎ ሾኦኖ፤ ሾኦና ዶዲ ቦዎቱሞ፤

ጋዓንቲ ዔያታ ፔኤኮ ናንጎ ቤዛ ላሌ ባኣካ ኮሻኔ።

27 ሃይሣሳዎ ዓቢሢ፤ ዓቢሢኮ ካኣቲ ባኣሴ፤

ጋዓንቲ ቢያሢ ዳምቤና ባራኒ ሃንታኔ።

28 ያይዳሳዎ ሞዶ፤ ሞዶ ኩቸና ዓዲንታኒ ዳንዳዓ፥ ፓሡዋ ማዢንቲ ማሊ ጴዳቴያ

ካኣቶ ማኣሮይዳታዎ ዓቱሞ ቢያ ቤሰካ ጴዳኔ።

29 ሃንቲፃ ዋዛሳያ ማዔ ሃይሦ ባኣዚ ዓኣኔ፤ ዩንሢ ሌሊቱሞንቲ ያይዶኬ፤

30 ዩንሢ ባካ፡- ካዮ ቦያይዳፓ ዋልቄና ማዔያ፥ ሃሣ ዓይጎ ባኣዚያ ዒጊጨ ዓኣፖ ካሮ ሺርሹዋ ዘቢ፤

31 ያቶርቂ ታኣካ ኮይዳ ዓዳና ዚያ ኮላይና፤

ዩያጉዲ ሃሣ ፔኤኮ ዳሮ ቤርታ ቦንቸንቲ ጴዳ ካኣቲ።

32 ኔኤኮ ዔኤዩማ ኔና ሄርሺንታያ ማዓንዳጉዲ ማሄም ፑርታ ባኣዚ ማዳኒ ኔ ቱኪ ዔቂቲ ታክ ጌይ ማሌ።

33 ዲኣቂ ዳቸንቲቲ ያይሲ ኬሰካኔ፤

ዓሲኮ ሲኣዲ ዲይንቲቲ ሶሶርቃኔ፤

ጎሪንቲ ማዢንቲቲ ዑራ ኬሰካኔ።

31

ካኣቲ ሊሙዔኤሌም ዒንዳ ዘሬ ዘር

1 ሃካፓ ለካ ኬኤዚንታሢ ማኣሳ ዓጮ ካኣቲ፥ ሊሙዔኤሌም ዒንዳ ዘሬ ዘርኬ።

2 «ናኣቢና ታኣኒ ሾዔ ናኣዚዮ፥ ሊሙዔኤሌ! ሂንዳ ኮሺ ዒናፓ ዋይዜ፤

3 ሚርጌ ላኣሊ ዔኪ ዋልቆ ኔኤኮ ጋፒሲፖ፤ ዩያጉዳ ማዳ ካኣቶዎ ዓይሱሞ ዳውሲሴ።

4 «ሊሙዔኤሌ! ካኣታ ዋይኖ ዑዠ ዑሽካኒ፤ ሱኡጋኣ ካፄ ዑሽ ዑሽካኒ ሱኡካዳንዳያ ኮይሱሞ።

5 ዔያታ ዑሽኪ ማሢንቲቲ ዎጎ ዋላኔ፤ ሜታዳ ዓሶኮዋ ጌኤዘ ቁል ጋዓኔ።

6 «ሃይቃኒ ሳዛ ጋሽካ ዓሶና ዋኣዪ ናንጋ ዓሶናም ዎይኖ ዑዠንጎታ ማሣ ዑዠንጎታ ዒንጉዋቱ።

7 ዔያታ ፔኤኮ ዋኣዪያና ማንቃቶና ዋላንዳጉዲ ዑሽኮንጎ።

8 «ታ ናዓሢዮ! ፔ ማታሢ ዛሎ ኬኤዛኒ ዳንዳዑዋ ዓሶ ዛሎ ኔኤኒ ጌሰቱ፤ ፒዜ ዎጌ ዴንቁዎዎ ማታዴ ዓሶ ዛሎ ኔኤኒ ሞኦቲንጎቱ።

9 ዔያቶ ዛሎ ኔ ጌሰቱ፤ ፒዜ ዎጌ ዔያቶም ዎጌ፤ ማንቆና ማታዴ ዓሶ ዛሎናሮ ሞኦቱ።»

ያቃማ ላኣሊ

10 ኮሺ ላኣሊ ያኔኒ ዴንቃኒ ዳንዳዓይ? ዒዛ ቦንቺንጎታያ ማዔ ሹጮፓ ባሺ ቦንቺንጎታያኬ።

11 ዓኒ ዒዛኮ ዒዛ ጉሙርቃኔ፤ ዒ ኮዔ ባኣዚ ቢያ ዒዛይዳፓ ዴንቁዎ ዓቱዋሴ።

12 ዒዛ ናንጋ ዎዶ ቢያይዳ ኮሺ ባኣዚ ዒዛም ማዳንዳኣፓዓቲም ፑርታ ባኣዚ ማዲንዳዋሴ።

13 ማራይ ጋፓኔና ጉኡዲሲ ሱኮና ፓቲሌና ዓፒላ ዲይሲ፥ ዒዛም ኮሽኬያ ማዔም ማዳ ሌሊ ማዳኔ።

14 ኮርሞ ኮርማ ዓሶኮ ዋኣያ ካኣሚሎጉዲ ሃኬ ቤሲ ዓኣዲ ዲማ ዲማ ሙኤዚ ዒዛ ቡኩሳኔ።

15 ዒዛ ፔ ማኣሮ ዓሶም ሙያ ጊኢጊሻኒና ዒዛኮ ማዳ ማዳ ዓሶም ማዳ ጊሽካኒ ሃጊ ሳዓ ካሩዋንጎቲ ዔቃኔ።

16 ኮሺ ሳዓ ኮይ ዒዛ ሻንቃኔ፤ ዒዛ ማዳ ዴንቃ ማኢሾና ዎይኔ ቱኮንዶ ቤሲ ጊኢጊሻኔ።

17 ዒዛ ጨንጫ ማዳያ ማዒያ ሌሊቱዋንጎቲ ማዳናኣ ዶዲኬ።

18 ዒዛ ማዳ ባካ ቢያ ዒዛ ማኣዳያ ማዔሢ ዒዛ ዔራኔ፤ ዋንቶ ማዳ ጎይሣ ዒዛ ዎርቃሢሮ ፖዓ ዒዛኮ ሃይቁዋሴ፤

19 ዒዛ ፔኤኮ ቢላቢጮና ሱኪ ዓፒሎ ዲይሳኔ።

20 ማንቆና ማታዴ ዓሶናም ዒዛ ዒንጋኔ።

21 ዒዛ ማኣሮ ዓሶኮ ቢያ ያይዳ ማኣዓ ዓኣሢሮ ሻቺ ዎርቁቲታዎ ዒዛ ዓልቱዋሴ።

22 ሻኣሎ ዑያ ሂኢሣ ዓፒሎ ዒዛ ማዠኔ፤ ዘቁ ዲንኪ ሸኤሜና ኮሻና ሚዛጸ ማኣያ ዒዛ ማኣዓኔ።

23 ዓኒ ዒዛኮ ዓጮ ጋርቻ ቡኪንጎታ ጳኣካ ቦንቺንጎታያኬ።

24 ሻኣዠሲ ሱኪ ዲይሶና ዓፒሎ ዒዛ ሻንቻኔ፤ ኬርና ቱኮ ቃልሾዎ ኮርሞ ኮርማ ዓሳ ዒዛ ኮይላፓ ዔኪ ዴንዲ ኮርማኔ።

25 ዒዛ ዶዲ፥ ሃሣ ቦንቺንጎታያኬ፤ ሙካ ዎዶይዳ ቢያ ዒዛ ዎዛዲ ናንጋኔ።

26 ዒዛ ዔራቶና ጌሰታኔ፤ ጊንሣ ሃሣ ኮሺ ዘርዎ ዘራኔ።

27 ቢያ ዎዴ ማደ ማዲ ማኦሮ ዓሶ ቶኦኮ ዒዛ ዛጋሢሮ ቤልፀሞ
ዒዛኮ ባኦሴ።

28 ናኦታ ዒዛኮ ዒዛ ሄርሻኔ፤ ሃሃ ዒኒያኦ ዒዛ ጋላታኔ።

29 «ኮሺ ማቾ ማዔ ሚርጌ ላኦሊ ዓኦኔ፤ ኔኔኒ ጋዓንቲ ቢያፓ
ባሽኬ» ዒዛሞ ጋዓኔ።

30 ሚዛዲሞ ጉሪኬ፤ ሱጉሢ ዴንቃ ዓሲ ማዒፃኦ ባባይቃኔ፤
ናንገና ናንጋ ጎዳ ዒጊጫ ላኦሊ ጋዓንቲ ጋላቲንታንዳያ ኮይሳኔ።

31 ዒዛ ማደ ባኮ ቢያ ዛጊ ዒዛ ጋላቱዋቲ፤ ዒዛኮ ኮዦ ማደና
ዓሲ ቢያ ቤርታ ዒዛ ቦንቺንታኒ ኮይሳኔ።

ጌኤዢ ማፍኣፖ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማፍኣፖ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929